


Լ. Խ. ՂԱԵԶՅԱՆ

ԵՐԿՎՈՐՅԱԿՆԵՐԻ ԱՌԱՍՊԵԼՔ ԵՎ
ԴՐԱ ՏԱՐԲԵՐ ԴՐՄԵՎՈՐՈՒՄՆԵՐԸ
ՀԱՅ ՎԻՊԱԿԱՆ ԱՎԱՆԴՈՒԹՅԱՆ
ՀԱՄԱԿԱՐԳՈՒՄ





Նվիրում եմ հորս՝ Խաչատուր Դոնջյանի
հիշատակին



НАЦИОНАЛЬНАЯ АКАДЕМИЯ НАУК РА
ИНСТИТУТ АРХЕОЛОГИИ И ЭТНОГРАФИИ

КРЕДЖЯН ЛУСИНЭ ХАЧАТУРОВНА

БЛИЗНЕЧНЫЙ МИФ И ЕГО РАЗЛИЧНЫЕ
ПРОЯВЛЕНИЯ В СИСТЕМЕ АРМЯНСКОЙ
ЭПИЧЕСКОЙ ТРАДИЦИИ

NATIONAL ACADEMY OF SCIENCES OF THE RA
INSTITUTE OF ARCHAEOLOGY AND ETHNOGRAPHY

GHREJYAN LUSINE XACHATUR

THE MYTH OF TWINS AND ITS
VARIOUS MANIFESTATIONS
IN THE SYSTEM OF THE ARMENIAN EPIC
TRADITION

ИЗДАТЕЛЬСТВО "ГИТУТЮН" НАН РА
"GITUTYUN" PUBLISHING HOUSE OF THE NAS RA
ЕРЕВАН 2012 YEREVAN

ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՑԱՍՊԻՏՈՒԹՅԱՆ ԵՎ ԱԶԳԱԳՐՈՒԹՅԱՆ ԻՆՍՏԻՏՈՒՏ

ԴՐԵՁԱՆ ԼՈՒՄԻՆԵ ԽԱՉԱՏՐԻԴԻ

197506
II

ԵՐԿՐՈՅԱԿԱՆԵՐԻ ԱՌԱՍԴԵԼԸ ԵՎ ԴՐԱ
ՏԱՐԲԵՐ ԴՐՍԵՎՈՐՈՒՄՆԵՐԸ ՀԱՅ
ՎԻՊԱԿԱՆ ԱՎԱՆԴՈՒԹՅԱՆ
ՀԱՄԱԿԱՐԳՈՒՄ



ԵՐԵՎԱՆ
ՀՀ ԳԱԱ «ԳԻՏՈՒԹՅՈՒՆ» ՑՐԱՏԱՐԱՐԱԿՉՈՒԹՅՈՒՆ
2012

ԴՏԴ 891.981.0

ԳՄԴ 83.3 (22)

Հ 901

Տպագրվում է ՀՀ ԳԱԱ հնագիտության և ազգագրության ինստիտուտի
գիտական խորհրդի որոշմամբ

Խմբագրական խորհրդ՝ *Պ. Ավետիսյան,*
Ս. Դարույնյան, L. Արքահամյան,
Ա. Ղազիյան, Ա. Շորոսյան

Պատասխանատու խմբագիր՝ ՀՀ ԳԱԱ թղթակից անդամ, բանասիրական
գիտությունների դոկոր, պրոֆեսոր՝
Ա.Բ. Դարույնյան

Ղության Լ.Խ.

Դ 901 Երկվորյակների առասպելը և դրա տարբեր դրսերումները հայ
վիպական ավանդության համակարգում/. – Եր.: «Գիտություն»,
հրատ., 2012, 152 էջ:

Աշխատանքում դիտարկվել են Երկվորյակների միջազգային առասպելի
հիմնական նոտիվները և Հայաստանի վաղ հնագիտական նշակույթում երկ-
վորյակ աստվածությունների պաշտամունքի հետքերն ու արտացոլումները:

Երկվորյակների առասպելը դիտվել և քննվել է իրեն հայ վիպական ավան-
դական հուշարձանների («Վիպասանք», «Պարսից պատերազմ», «Տարոնի
պատերազմ», «Սասնա ծռեր») սյուժետային կարևոր բաղադրիչ:

Ուսումնասիրությունն ունի տեսական ու գործնական նշանակություն և
կարող է օգտակար լինել բանասեր-բանագետների, պատմաբանների և ազ-
գագրագետների, ինչպես նաև ընթերցող լայն հանրության համար:

ԴՏԴ 891.981.0

ԳՄԴ 83.3 (22)

ISBN 978-5-8080-0923-3

© ՀՀ ԳԱԱ «Գիտություն» հրատարակչություն, 2012

© ՀՀ ԳԱԱ հնագիտության և ազգագրության ինստիտուտ, 2012

ՆԵՐԱԾՈՒԹՅՈՒՆ

Դայ ժողովրդի վիպական բանահյուսության կառուցվածքային հատկանիշները քննելիս կարևոր նշանակություն ունի Երկվորյակների առասպելների ուսումնասիրությունը: Երկվորյակների առասպելները՝ իբրև հնագույն մշակույթի դրսնորում, հայ ժողովրդի դարավոր վիպական հարուստ բանահյուսության մեջ թողել են իրենց մնայուն հետքերը՝ մի կողմից հանդես գալով տարբեր ժամանակների գրական հուշարձաններում և դաշնալով կառուցվածքային կայուն ավանդույթ, մյուս կողմից ի հայտ բերելով այդ առասպելների ընդհանուր կապերն ու հարաբերությունները, որոնց շնորհիվ նաև մեր վեպերը ծեռք են բերում թե՛ ավանդական և թե՛ արդիական նշանակություն:

Ինչպես առասպելաբանության մեջ առհասարակ, այնպես էլ Երկվորյակների առասպելների նախահիմքում ընկած են որոշակի նախադպային իրողություններ՝ բնության ու հասարակության մեջ առկա Երկիակադիր սկզբունքներով և դրանք մարմնավորող կերպարներով:

Երկվորյակների ծնունդը հազվադեպ երևույթ է, որը մարդկանց միշտ էլ հետաքրքրել է և զարմանք պատճառել:

Երկվորյակները, բնականաբար, ուսումնասիրվել են նաև բժշկագիտության մեթոդաբանական տեսանկյունից, ու կատարվել են համապատասխան եզրահանգումներ: Ըստ այդմ՝ առանձնացվում են միաձվային, Երկձվային և սիմանական Երկվորյակները, որոնք աչքի են ընկնում իրենց մտավոր, ֆիզիկական և հոգեբանական առանձնահատկություններով: Տվյալ հատկանիշները հանգամանալից քննության են ենթարկվել Վ. Ֆրիդրիխսի¹, Ի. Կանակի², Մ. Կուհնի³, Ռ. Մոհրի⁴ և այլոց կողմից:

¹ *Фридрих В.*, Близнецы, Москва, 1985.

² *Канаев И.И.*, Близнецы, Москва-Ленинград, 1969.

³ *Kuhn, M.*, Zwillingsforschung in Deutschland. Diss, Erlangen-Nürnberg, 1972.

⁴ *Mohr, H.*, Mißbildungen bei Zwillingen. In. P. Frisch u.a. (Hrsg). Ergebnisse der Inneren Medizin und Kinderheilkunde. Berlin Heidelberg, New York, 1972.

Իրական այդ առանձնահատկությունները ստացել են նաև առասպելաբանական մեկնաբանություն՝ կապված մարդկանց հնագույն պատկերացումների հետ:

Երկվորյակ աստվածությունների պաշտամունքը, սկիզբ առնելով նախնադարյան ժամանակաշրջանից, հազարամյակներ հարատել է տարբեր ցեղերի հավատալիքների ու պատկերացումների մեջ:

Բանահյուսական ու ազգագրական տվյալների համաձայն՝ ամենուրեք նրանց վերագրվել են եղանակ կարգավորելու, անձրև բերելու կարողություններ, հետևաբար նրանց պաշտամունքը կապված է եղել բնության երևույթների՝ հատկապես ջրային տարերքի, անձրևի, խոնավության, ամպրոպի ու կայծակի ընթացումների հետ:

Երկվորյակներն իրենց զարմանահրաշ ծննդի պատճառով ամենուրեք սրբացվել են ու երկրապագվել՝ շատ հաճախ հանդես գալով որպես մշակութային հերոսներ կամ ցեղերի նահապետներ:

Երկվորյակների առասպելները միջազգային առասպելաբանության մեջ հետազոտել են L. Շտերնբերգը⁵, Ա. Զոլոտարևը⁶, Վ. Իվանովը⁷, Վ. Տերները⁸, Դ. Վորոնը⁹, Ե. Մելետինսկին¹⁰ և այլք:

⁵ Штернберг Л.Я., Античный культ близнецов при свете этнографии//, Штернберг Л.Я., Первобытная религия в свете этнографии, Л., 1936.

⁶ Золотарев А.М., Родовой строй и первобытная мифология, М., 1964.

⁷ Иванов В.В. Отражение индоевропейской терминологии близничного культа в балтийских языках//Балто-славянский сборник, М., 1972;

⁸ Иванов В.В., Опыт истолкования древнеиндийских ритуальных и мифологических терминов, образованных от а'sva-«конь»//Проблемы истории языков и культуры народов Индии: Сборник статей памяти В.С. Воробьевского, М., 1974.

⁹ Иванов В.В., Близничный культ и двоичная символическая классификация в Африке//Africana. Африканский этнографический сборник, т. 11, Л., 1978.

¹⁰ Иванов В.В., Дуальная организация первобытных народов и происхождение дуалистических космогоний (рецензия на кн. А.М. Золотарев. Родовой строй и первобытная мифология) //«Советская археология» 1968, №4.

⁸ Тэрнер В., Символ и ритуал, М., 1983, с. 136-168.

⁹ Word O, The divine twins. Berkeley-Los Angeles, 1968.

¹⁰ Мелетинский Е.М., Пoэтика мифа. М., 1976.

Դայագիտության մեջ այս խնդրին տարբեր մոտեցումներով անդրադարձել է Աևոն Աբրահամյանը, որն իր մի շարք հոդվածներում¹¹, մասնավորապես "Պերվօնիտնական պատճենների պատճենագույն մասնակիության մեջ, պատշաճ տեղ է հատկացնում հիշյալ Երևույթների առասպելաբանական նախահիմքների բացահայտմանը"¹²:

Դայ և համեմատական առասպելաբանության լույսի ներքո Երկվորյակների առասպելներին է անդրադարձել Արմեն Պետրոսյանը «Դայկական էպոսի հնագույն ակունքները»¹³ և "Արմանական էպոսի հնագույն ակունքների մեջ:

Խնդրիը համգամանորեն քննության է ենթարկել Սարգիս Դարությունյանն իր «Դայ առասպելաբանություն» աշխատության մեջ¹⁴, որում հատուկ գլուխ է Նվիրված Երկվորյակների առասպելների քննությանը. այն բացառիկ է իր ընդգրկումներով ու քննվող հարցերի լայն շրջանակով: Դեղինակը քննության է առնում Երկվորյակների հայկական առասպելներն ու նրանց հիմնական նոտիվները, կառուցվածքային ուրվագիծը, միջազգային ընդհանրություններն ու առամձնահատկությունները և ցույց տալիս հիշյալ առասպելների տարրեր դրսնորումներն ինչպես հայոց ավանդագրույցների, այնպես էլ հին ու նոր ավանդություններով վկայված ժողովորական վեպերի համակարգում: Այս ամենի համադրմամբ հետազոտողը գալիս է այն հետևողական առասպելաբանության մեջ Երկվորյակների առասպելաբանությունը:

¹¹ **Աբրամյան Լ.Ա.**, Об идее двойничества по некоторым этнографическим и фольклорным данным, Историко-филологический журнал, Ереван 1977, N2 (77), с. 177-190.

Աբրամյան Լ.Ա., Դեմирխանյան Ա.Բ., Мифологема близнецов и Мировое дерево, Историко-филологический журнал, Ереван, 1985, N 4 (III) с. 66-85:

Աբրամյան Լ.Ա., Парные образы "Сасна црер": близнецы, сюдные братья, двойные герои. «Դայկական Ասման ծոեր» էպոսը և համաշխարհային էպիկական ժառանգություն», Երևան, 2004, էջ 61-67:

¹² **Աբրամյան Լ.Ա.**, Первобытный праздник и мифология, Ереван, 1983.

¹³ **Պետրոսյան Ա.Ե.**, Դայկական էպոսի հնագույն ակունքները, Երևան, 1997:

¹⁴ **Պետրոսյան Ա.Ե.**, Արմանական էպոսի հնագույն ակունքները, Երևան, 2002.

¹⁵ **Դարրությունյան Մ.Բ.**, Դայ առասպելաբանություն, Բեյրութ, 2000, էջ 338-355:

պելները դրսնորվում են մի շարք տարբերակներով, մասնավորապես երկու հիմնական մակարդակով՝ առասպելաբանական ու վիպական-պատմական. ներկայացվում է հիմնականում այդ առասպելների ընդհանուր մոտիվների ուրվագիծը (երկվորյակների հրաշալի (աստվածային), արքայական ծագումը կամ ծնունդը, կերպարների հակադրությունը, հակասությունը ծնողների և երկվորյակների միջև, փախուստ-հալածանքը հայրենի երկրից, տնից, հակասությունը երկվորյակների միջև, հաշտությունը, նոր տիեզերական, սոցիալական կարգի հաստատումը):

Սույն ուսումնասիրությունը թեև ընդհանուր առմանք շարունակում է վերոհիշյալ առասպելների քննությունը՝ հետևելով Ս. Դարրությունյանի տեսական սկզբունքներին, սակայն խնդիրն այստեղ քննության է ենթարկվում մի այլ ուղղությամբ. ներկայացվում է հայ վիպական ավանդության չորս հուշարձանների («Վիպասանք», «Պարսից պատերազմ», «Տարոնի պատերազմ» և «Սասնա ծոեր») համակարգում վկայված երկվորյակային առասպելի տարբեր դրսնորումների ամբողջական պատկերը:

Ուսումնասիրության նպատակն է բացահայտել հայոց առասպելական պատումների հնօրյա դրսնորումները և դրանց աստիճանական վիպականացումն ու պատմականացումը հայ վիպական նշակույթի տարբեր ոլորտներում:

Քննարկվում է պատմականորեն վկայված ամենահին պատում՝ Երվանդի և Երվագի առասպելը, վաղ միջնադարից ավանդված «Վիպասանք» առասպելաբանական էպոսում, գրուցի բնույթն ու պատմականացումը հայոց պետականության սկզբանակրնան և հետագա զարգացման դրսնորումների գործընթացում: Այս պատումում Երկվորյակների առասպելը մեր կողմից դիտվել է իբրև հայոց առաջին արքայատոհմի՝ Երվանդունիների ծագման առասպելաբանական հիմնավորում և նախնիների ակտիվ գործողությունների ժամանակաշրջանում կերտված վիպական անդրադարձ, որը նախորդել է հայ վիպական ավանդության մեջ հետագայում ծավալված վիպա-պատմական անցուղարձերին:

Երվանդի և Երվագի առասպելը դիտվել է նաև իբրև հայոց առաջին պետական կազմավորման ստեղծման առասպելական պատմություն, որի տիպաբանական դրսերումները հետագայում ի հայտ են գալիս հայոց պետականության զարգացման վերաբերյալ վիպական այն ավանդությունների մեջ, ինչպիսիք են Մամիկոնյանների՝ Հայաստանում հաստատվելու և սպարապետությունն ստանձնելու պատմությունը «Պարսից պատերազմում» ու Ղեմետր-Գիսանն Եղբայրների մասին գրույցները՝ ավանդված «Տարոնի պատերազմ» վեպում, որոնց վերջնական ձևավորումը գտնում ենք առավել ուշ գրառված «Սասնա ծոեր» հերոսավեպում:

Եթե «Վիպասանքում» Երվանդի և Երվագի առասպելը դառնում է հայոց Երվանդունի արքայատոհմի հաստատման և շինարարական, մշակութային գործունեության սկզբնամաս, ապա «Պարսից պատերազմը» սկսվում է Մամիկ ու Կոնակ Եղբայրների և Հայաստանում նրանց հաստատվելու, սպարապետական ակտիվ գործունեություն ծավալելու վիպական պատմությամբ: Եվ եթե «Տարոնի պատերազմում» Ղեմետր և Գիսանն Եղբայրների գրույցները դարձել են այդ աշխարհի վիպական պատմության նախամուտը, ապա «Սասնա ծոերում» Սասնասար և Բաղդասար Երկվորյակ Եղբայրների մասին հորինվածքները հանդես են գալիս իբրև ելակետային սկզբնամաս Սասնա դյուցազնական տոհմի հիմնադրման և վիպական գործողությունների հետագա ծավալման պատմության մեջ:

Այսպես՝ Երկվորյակների առասպելն իր տարբեր շերտերով դառնում է հայ վիպական ավանդության բոլոր եական դրսերումների նախասկիզբ, և դրանով իսկ այդ առասպելները հանդես են գալիս որպես հայ իին վիպական հուշարձանների ելակետային սյուժեներ, այսինքն՝ մեր բոլոր իին վեպերում Երկվորյակային գրույցները դառնում են սկզբնամաս տարբեր վիպական հուշարձանների համար: Դիշյալ հետազոտության շնորհիվ բացահայտվում է ինչպես Երկվորյակների առասպելների հորինվածքային արժեքը մեր իին վիպական հուշարձաններում,

այնպես էլ՝ այն կարևոր դերն ու նշանակությունը, որոնք օգնում են պարզաբանելու վիպական ավանդության տիպակառուց-վածքային մի շարք հատկանիշներ:

Դայոց Երկվորյակային գրույցների մեջ մասում, իրենց մի-ջազգային գուգորդների նման, Երկվորյակ Եղբայրները Դայաս-տան են գալիս օտար Երկրներից, բնակվում Դայաստանում և դառնում վիպական ակտիվ հերոսներ: Այդախիք են Մամիկ և Կոնակ (Բղդոխ), Ղենետը և Գիսանե, Սանասար և Բաղդասար Եղբայրները: Բոլոր Եկվոր Եղբայրները դառնում են նշանավոր տոհմների ներկայացուցիչներ, մշակութային անվանի գործիչներ, հիմնում իշխանական տներ, քաղաքներ, ծավալում շինարարական ակտիվ գործունեություն:

Երկվորյակների ընդհանուր՝ միջազգային առասպելներում առկա է հակասություն Եղբայրների միջև, որը հայոց վիպական որոշ գրույցներում թեև բացակայում է (Երվանդ-Երվագ, Ղենետը-Գիսանե), սակայն առկա գրեթե բոլոր հիշյալ գրույցներում այն դրսորվում է իրենց իսկ ծնողների, հովանավորների կամ ար-քաների միջև, որն էլ դառնում է Եղբայրների՝ սեփական Երկրից փախուստի պատճառ: Երկվորյակների միջև գոյություն ունի նաև կերպարների հակադրություն. մեկն ավելի հզոր է, իսկ բայց, քան նյութը (Սանասար-Բաղդասար), մեկն աշխարհիկ է, նյութը՝ հոգևոր (Երվանդ-Երվագ):

Ի դեպ, վիպական բոլոր նախնիներն ունեն արքայական կամ իշխանական ծագում:

Դայ վիպական ավանդության հաճակարգում առկա Երկվորյակների առասպելների հետազոտությունն իրականացնելիս կի-րառվել են տիպարանական և պատմահամեմատական մեթոդները՝ բացահայտելու տարրեր դարաշշրջաններում ստեղծված և կենցաղավարած վիպական հուշարձաններում առկա Երկ-վորյակների առասպելական գրույցների կապերն ու փոխառն-չությունները: Առանձին դեպքերում կատարվել են նաև Երկույ-ների մշակութաբանական աղերսների քննական վերլուծու-թյուններ, որոնք, կիրառել ենք նամակորապես հայոց հարսա-

նեկան ծեսում՝ փեսայի և հարսի երկմիասնության, փեսայի ծառագովքի հնօրյա մոտիվները քննելիս:

Ուսումնասիրության, «Երկվորյակների միջազգային առասպելների ընդհանուր հատկանիշները» գլխում ներկայացվում է այդ առասպելների հիմնական դրսերումների համայնապատկերը՝ ենթելով դրանց միջազգային հետազոտության արդյունքներից: Այս հիմքի վրա են քննվել նաև հայկական երկվորյակային գրույցների տիպաբանական մոտիվները: Այստեղ քննության է ենթարկվել նաև հայոց հարավանեկան ծեսում առկա փեսայի ծառի հնագույն իմաստաբանությունը՝ կապված հարսի և փեսայի հետ՝ իրեք մեկ անձ, մեկ մարմին երկվորյակ գույգերի՝ վաղնջական ըմբռնումների դրսերումներ:

«Երկվորյակների հավատալիքի ու պաշտամունքի հետքերը Հայկական լեռնաշխարհի հին նյութական մշակույթի հուշարձաններում» գլխում, քննության են առնվել Հայաստանի նյութական մշակույթի հնագույն հուշարձաններում առկա երկվորյակների առասպելական սյուժեները, և այդ հիմքի վրա ներկայացվել թե՝ Հայոց լեռնաշխարհի նախաբնիկների պատկերացումները երկվորյակների մասին, և թե՝ հիշյալ խնդրի շուրջ բուն հայերի ունեցած առասպելական դրսերումները: Քենվելով հայ հին մշակույթի պատճառաբանների հետազոտությունների արդյունքների վրա՝ ներկայացվել են հնագույն պատկերագրության մեջ երկվորյակների պաշտամունքի դրսերումները ժառապատկերներում, որոնցով էլ վերահսատատվում է այն գաղափարը, որ այս հավատալիքն ու պաշտամունքն առկա է եղել հայկական լեռնաշխարհում տակավին մ.թ.ա. երրորդ հազարամյակից ի վեր: Ուստի ամենեկին էլ պատահական չեն երկվորյակների մասին առասպելների սյուժետային դրսերումները հայ վիպական ավանդության ողջ համակարգում:

«Երկվորյակների առասպելը հայ միջնադարյան վիպական հուշարձաններում» խորագիրը կրող գլխում ամփոփված են չորս ենթագլուխներ, որոնցից յուրաքանչյուրն առանձին-առանձին անդրադառնում է «Վիպասանք», «Պարսից պատերազմ»,

«Տարոնի պատերազմ» և «Սասնա ծռեր» ժողովրդական վեպերին: Վերջինս իր հերթին քննության է Ենթարկվում տարբեր տեսանկյուններից Ելնելով թե՛ բովանդակային առանձնահատկություններից և թե՛ տարբերակային բնույթից:

«Վիպասանքում» քննվում է Երվանդի և Երվագի Երկվորյակային գրույցը, որը հանդիս է գալիս որպես ոչ թե պատմականորեն ընդունված Երվանդ Վերջինի, այլ Երվանդունի արքայական տոհմի նախնու՝ Երվանդի ծագման առասպել:

Երվանդի և Երվագի հայրը եղել է ցուլը, իսկ ցուլն ամպրոպային աստծու կենդանակերպ պատկերացումն է, և Երվանդն ինքն էլ օժտված է աչքի հճայական ներգործությամբ, հատկանիշ, որը յուրահատուկ է ամպրոպակայծակնային հերոսներին: Երվանդի այս հատկանիշն ի հայտ է գալիս նրա ժառանգ Տիգրան Երվանդյանի անվան և արարքների մեջ, որը, իբրև Վիշապանարտիկ հերոս, կրկնում և սպանում է Մարտաց Վիշապ Աժդահակին:

«Պարսից պատերազմ» վեպը սկսվում է Երկվորյակային գրույցով, որը դարձյալ կապվում է տոհմի, տվյալ դեպքում՝ Մամիկոնյան տոհմի հիմնադրման Վիպական պատմության հետ: Այս գրույցի դրվագները ևս նույնանում են Երկվորյակների միջազգային առասպելների մի շարք նոտիվների հետ:

Նույնը վերաբերում է նաև «Տարոնի պատերազմ» ժողովրդական վեպում հանդես եկող գույզ Եղբայրներին՝ Դեմետրին և Գիսանեին, որոնք ևս (ինչպես Մամիկոնյանների նախնիներ Մամիկն ու Կոնակը) գալիս են օտար Երկրից՝ Հնդկաստանից, հիմնում Վիշապ քաղաքը, իսկ հետագայում իրենց հետևորդ-ժառանգորդների կողմից դառնում պաշտվող աստվածություններ:

Ի տարբերություն մեր մյուս վիպական գրույցների (Երվանդ ու Երվագ, Դեմետր և Գիսանե, Մամիկ և Կոնակ)՝ որոնք առավել համառոտ են և ավանդվել են միայն մեկ կամ երկու փոփոխակով, Սանասարի և Եղբոր գրույցներն ավելի ծավալուն են, աչքի են ընկնում նոտիվային ու տարբերակային բազմազանությամբ: Այս հանգանանքից Ելնելով՝ տիպահամեմատական ներքին քննության են Ենթարկվել «Սասնա ծռեր» հերոսավեպի ա-

ռաջին վիպաճյուղի երեք տիպաբանական խմբերի՝ Մոկաց, Մշո և Սասնա պատումների տվյալները:

«Սասնա ծռեր» հյուցազնավեպի հաճատեքստում Երկվորյակների առասպելաբանական ուրվագծի հիման վրա քննության են առնվել նաև Սասունցի Դավթի և Մսրա Մելիքի կերպարները՝ իբրև Երկվորյակ Եղբայրները: Նրանք թեև Մեծ Մհերի զավակներն են, սակայն հանդես են գալիս որպես Մըսր և Սասուն հակառակորդ Երկրների էքնիկական տարրեր խմբերի ներկայացուցիչներ:

Այսպես՝ Երկվորյակների հնագույն առասպելը տարրեր դարշրջաններից վկայված հայոց վիպական հուշարձաններում ունի հորինվածքային կայուն կառուցվածք, որով պայմանավորված են տվյալ հուշարձանների վիպական իրադարձությունների հետագա ընթացքն ու զարգացումը: Բացի կառուցվածքային տվյալ հատկանիշից Երկվորյակային առասպելների առկայությունը վիպական տարրեր հուշարձաններում նատնանշում է դրանց հնադարյան առասպելաբանական մտածողության՝ միասնական կաղապարներով կերտված լինելու իրողությունը:

ԳԼՈՒԽ ԱՌԱՋԻՆ
ԵՐԿՎՈՐՅԱԿՆԵՐԻ ՄԻՋԱՋԳԱՅԻՆ
ԱՌԱՄՊԵԼՆԵՐԻ ԸՆԴԱՍՈՒՐ ՀԱՏԿԱՆԻՇՆԵՐԸ

Սրբազն երկվորյակմերի հավատալիքն ու պաշտամունքը գալիս է խոր հնադարից և կապված է աշխարհի ու մարդկության մասին թերևս ամենավաղնջական պատկերացումների հետ:

Միջազգային առասպելաբանության մեջ երկվորյակմերի առասպելները սովորաբար բաժնավում են եղբայրների (հակամարտող, մրցակիցների կամ հետագայում՝ համախոհների), քույր ու եղբայր երկվորյակմերի, անդրոգին¹⁶ կամ կենդանակերպ երկվորյակների գրույցների¹⁷:

Դուալիստական, այսինքն՝ երկարմատ, առասպելաբանությանը բնորոշ երկվորյակ եղբայրների մասին գրույցներում եղբայրներից մեկը կապվում է ամենալավի, բարու, օգտակարի հետ, իսկ մյուսը՝ ամենավատի և չարի հետ:

Երկվորյակ եղբայրների միջև հենց նրանց ծննդից սկսվում է մրցակցություն: Դակամարտող եղբայրների վառ օրինակ են հանդիսանում իրոկեզների և հուրոնների երկվորյակ հերոսները, որոնք գտնվում են ճշտական հակամարտության մեջ, ընդորում, այդ հակամարտությունը սկսվում է դեռևս մոր արգանդում: Ավագ եղբայր Դոսկեխսան աշխարհ է գալիս սովորական ծևով և դառնում է արևի և երկրի վրա ամենայն օգտակարի ստեղծողը, իսկ նրա կրտսեր եղբայրը՝ Տավիսկարոնը, ցանկանալով առաջ ընկնել եղբորից և ստանալ առաջնաձնի իրավուն-

¹⁶ Անդրոգին (անձրօշանոօ- երկսեռ) – առասպելական էակ, կեսկին-կեստղամարտ, որը խորհրդանշում է համաշխարհային ներդաշնակությունը: Նրանում կատարվում է հակադիր սկզբունքների կմոց և տղանարդու, ակտիվի և պասիվի, նյութականի և հոգևորի, տիեզերքի և քառսի, երկնքի և երկրի միավորը (slovari.yandex.ru/dict/fencsym/article/SYM):

¹⁷ Близнечные мифы, Мифы народов мира (հետայրություն MHM), տ. I, Մոսկվա, 1980, с. 174.

քը, պատռում է մոր արգանդը՝ դրանով իսկ սպանելով մորը: Տավիսկարոնը համարվում է ժայռերի, վնասակար կենդանիների ստեղծողը, ինչպես նաև առաջ է բերում երկրաշարժեր: Նա միշտ հակազդում է եղբոր բոլոր բարի արարումներին: Իոսկե-խայի հետ մենամարտում վիրավորված Տավիսկարոնը փախչում է, և նրա վերջից հոսած արյան յուրաքանչյուր կաթիլը վերածվում է քարի¹⁸:

Դակամարտող եղբայրներ են նաև հյուսիսամերիկյան բնիկների կախուիլլա ցեղի երկվորյակները, որոնցից մեկը՝ Մուկատը, առաջնեկության համար վիճում է մյուսի՝ Թեմայառվասի հետ, որը ստեղծում է արևելյան աշխարհը, ճերմակ հողը, մարդկանց, իսկ նրա եղբայրը՝ արևմտյան աշխարհը, սև հողը:

Դակամարտող եղբայրների մոտիվների լավագույն դրսերումներից է նաև իրանական ավանդությամբ վկայված Արիմնի և Որմիզդի առասպելը, որտեղ Որմիզդը, սաղմնավորվում է հոր՝ Զրվանի զոհ մատուցելուց, իսկ մյուս եղբայրը՝ Արիմնը, երկնտելուց: Արիմնը առաջնության համար ծակում է հոր արգանդը, իսկ Որմիզդն էլ ծնվում է սովորական ձևով: Որմիզդը լուսավոր էր ու անուշահոտ և ինչ ստեղծում էր բարի էր, ուղիղ, իսկ Արիմնը խավար էր ու գարշահոտ, ստեղծածն էլ չար էր ու ծուր¹⁹:

Դակամարտող եղբայրներ են աստվածաշնչյան Եսավն ու Դակորը: Նրանցից առաջինը՝ Եսավը, որ կարմրագույն էր, իսկ մարմինը ամբողջությամբ ծածկված էր մազերով, դառնում է որսորդ: Դայրը՝ Իսահակը, ավելի շատ սիրում էր նրան, իսկ մայրը՝ Ուերեկան՝ Դակորին: Վերջինս ստիպում է եղբորը, որպեսզի իրեն հանձնի առաջնեկության իրավունքը, իսկ հետո մոր՝ Ուերեկայի խորհրդով խորամանկությամբ Եսավի փոխարեն ստանում է հոր օրինությունը: Դետո, վախենալով եղբոր ցասումից, փախչում է Խառան²⁰:

¹⁸ *Иоскеха и Тавискакорон*, МНМ, т. I, Москва, 1980, с. 559:

¹⁹ Եղմիկ Կողբացի, ճառը ընդէւ աղանդոց, Ղուկասեանց եղբայրների հաստատութեան իրատապակութիւն, մնեւ, 1992, էջ 47:

²⁰ Սստուածաշունչ, Ծննդոց, Վիեննա, 1929, գլուխ ին, էջ 27:

Երկվորյակների հականարտության նման մոտիվներ են դրսեվորված հայկական վիպական ավանդության մեջ, ինչպես նաև հրաշապատում հեքիաթների այլուժեներում:

Դայկական «Սասնա ծոեր» հերոսավեպում ավագ սերնդի հականարտող Եղբայրներ են Սանասարն ու Բաղդասարը, որոնց միջև հականարտությունը ծագում է օտար աղջկա ուղարկած նաճակի պատճառով, իսկ կրտսեր սերնդի հականարտող Երկվորյակ Եղբայրներ են Դավիթն ու Մսրա Սելիքը, որոնց հականարտությունը, սակայն, էթնիկական բնույթ ունի²¹:

«Պարսից պատերազմ» վեպում ճենաստանից եկած Բղդոխ և Սամգուն Եղբայրներից մեկը՝ Բղդոխը, թագավորի մոտ չարախոսում է Մամգունին, որն էլ առիթ է դառնում Մամգունի՝ Երկրից հալածնան:

Դրաշապատում հեքիաթներում ավագ Եղբայրը միշտ կրտսեր Եղբորը նենգորեն լքում է ջրհորի կամ փոսի հատակում, բայց հետո կրտսեր Եղբայրը լուս աշխարի է բարձրանում թռչունի օգնությամբ: Եղբայրների հականարտությունում Երկվորյակության հետքերը ի հայտ են գալիս նաև այն պարագայում, որ ավագ Եղբայրները գործում են միասին, որպես մեկ անձ, կրտսեր Եղբոր դեմ: Սակայն ի տարբերություն առասպելական Երկվորյակների, որոնց մեջ դրականի կրողը համարվում է ավագ Եղբայրը, հեքիաթային Երկվորյակի դրականի կրողը արդեն կրտսեր Եղբայրն է²²:

Կան նաև դուալիստական Երկվորյակային առասպելներ, որտեղ Երկվորյակ Եղբայրները մեկը մյուսի նկատմամբ հականարտ չեն, և յուրաքանչյուրը հարաբերվում է ցեղի կեսերից մեկին²³:

Այդպիսին են, օրինակ, հյուսիսամերիկյան զունի ցեղի սիրահար Երկվորյակները, որոնք ֆրատրիաների են բաժանում ցե-

²¹ Տես նաև Աբրամյան Լ.Ա., Դեմիրխանյան Ա.Բ., Мифологема близнецов и Мировое дерево, Историко-филологический журнал, Ереван, 1985, N 4 (III) с. 76.

²² Նույն տեղում:

²³ Близнечные мифы, МНМ, т. I, Москва, 1980, с. 174.

ող՝ ծմրան ու ամռան մարդկանց, և այս երկվորյակները հանդես են գալիս մշակութային հերոսների դերում, որոնք դուրս են բերում մարդկանց քարանձավից դեպի արև, նրանց տալիս գենք և գործիքներ: Նման տիպի երկվորյակային առասպելներում երկվորյակները հաճախ կրկնօրինակում են մեկը մյուսի գործառույթները, քանի որ երկու եղբայրներն էլ բարյացակամ են մարդկանց հանդեպ և զբաղված են նրանց բուժմանք²⁴:

Ոչ հակամարտ եղբայրների շարքին են դասվում նաև հնդկական Աշվիմները, որոնք ևս փրկիչներ են. նրանք օգնում են դժբախտներին և հարստություն, սնունդ, ծիեր, կովեր, ցովեր, երեխաներ, լուս, երջանկություն, հաղթանակ ու երկար կյանք են պարգևում մարդկանց: Աշվիմները հանդես են գալիս նաև որպես աստվածային բժիշկներ, որոնք կյանքի են կոչում մեռածներին, բուժում են կուրյերին և կաղերին, պայքարում չար ոգիների, հիվանդությունների, գծուծների և նախանձների դեմ²⁵: Ոչ հակամարտ երկվորյակներ են հայկական Երվանդն ու Երվազը, Դեմետրն ու Գիսաննեն, ինչպես նաև Թուխ Մանուկները: Վերջիններս (Դեմետր-Գիսաննե, Թուխ Մանուկներ) ևս հարաբերվել են ջրի, պտղաբերման գաղափարի հետ, ինչպես նաև համարվել են բերքի պահպանության հովանավորներ (Թուխ Մանուկներ), իսկ նրանց մեհյանների և մատուռների մոտակայքում եղած աղբյուրների ջրերն օժտված են եղել բուժիչ հատկությամբ:

Երկվորյակների մասին գրույցների մյուս խումբը քույր և եղբայր, այսինքն՝ տարասեռ երկվորյակների առասպելներն են, որոնց մեջ առկա է արենապղծման (ինցեստի) մոտիվը, որը հաճախ ենթադրել է տալիս, որ երկվորյակների խառնարյուն ամուսնությունը սկսվում է դեռևս մոր արգանդից, ուստի տարբեր սեռերի գույզ երեխաների ծննդյան դեպքում անհրաժեշտ

²⁴ Նույն տեղում:

²⁵ Առասին, ՄՀՄ, տ. I, Մոսկվա, 1980, ս. 144.



էր համարվում կատարել մաքրագործման ծես²⁶: Տարասեռ Երկվորյակների միջօն արենապղծման Երևույթը վաղնջական գիշ է և բնորոշ է վաղ հնրեվլոպական առասպելական ավանդությանը, որտեղ արևը՝ իբրև իգական, և լուսինը՝ իբրև արական սկզբունքներ, ամուսնական հարաբերությունների մեջ են մտնում, որը և հիմք է դառնում Երկնային հարսանիքի առասպելաբանական մոտիվի ծագման²⁷: Այդպիսի Երկվորյակներից են Եգիպտական առասպելի հերոսներ Օսիրիսն ու Իսիդան, իին հնդկական առասպելի Յաման և նրա Երկվորյակ քույր Յամին:

Քրոջ և Եղբոր առասպելների համանձան մոտիվներ են առկա հայկական Արևի և Լուսնի, Դրի ու Զրի, ինչպես նաև քուսաշխարհի մասին պատմվող գրույցներում:

Հայկական գրույցներից մեկում Արևը (քույրը) ծակում է Լուսնի (Եղբոր) կուժը: Զուրը ճանապարհին թափվում է կժից, և Արևս առաջինը ջուրը հասցնելով մորը՝ արժանանում է նրա օրինությանը²⁸:

Արևի և Լուսնի մասին պատմող մեկ այլ գրույցում արդեն Երևան է գալիս տարասեռ Երկվորյակների առասպելներին բնորոշ արենապղծության (ինցեստ) մոտիվը: Եղբայր Լուսինը սեռական տարփանք է տածում քրոջ՝ Արևի նկատմամբ և ցանկանում է տեսնել նրա մերկ մարմինը: Արևը, խուսափելով Լուսնից, թռչում է Երկինք և շարունակ հալածվում ու հետապնդվում է Եղբորից²⁹:

Քրոջ և Եղբոր խառնարյուն ամուսնության մասին Երկվորյակների առասպելների տարբերակ է նաև մի քանի Եղբայրների առկայությունը:

Խեթական մի ավանդության մեջ թագուիի Կանիշան ծննդաբերում է Երեսուն Երկվորյակ որդիներ և վախեցած՝ նրանց տե-

²⁶ Близнечные мифы, МНМ, с. 175., тбъն նաև Индоевропейская мифология, МНМ, т. I, Москва, 1980, с. 529.

²⁷ Индоевропейская мифология, МНМ, т. I, Москва, 1980, с. 529.

²⁸ Ղանգամյան Ա, Ավանդապատում, Երևան, 1969, էջ 3-4, N 3:

²⁹ Նոյն տեղում:

հավորում է անօթների մեջ ու գցում գետը: Նրանք գետի հոսանքով լողում են դեպի Ցալպայի ծովը, որտեղ աստվածները դաստիարակում են Երեխաներին: Հասունանալով՝ Եղբայրները գնում են իրենց մորը փնտրելու: ճանապարհին, լսելով Կանիշա թագուհու որդիների հրաշալի ծննդի ճամփին, գլխի են ընկնում, որ նա իրենց մայրն է, գալիս են տուն և ամուսնանում իրենց Երկվորյակ քույրերի հետ, չնայած որ Երկվորյակներից մեկը աշխատում է հետ կանգնեցնել իր Եղբայրներին արենապղությունից³⁰:

Երկու կամ մի քանի Երկվորյակ Եղբայրների և քրոջ ամուսնության ճամփին պատկերացումը Երկվորյակների առասպելներում հանդիսանում է առասպելական հակադրամիասնությունը խորհրդանշելու ձևերից մեկը, ընդ որում, հակադրություններից մեկը ճարմանավորում է Եղբայրը, իսկ մյուսը՝ քույրը³¹:

Երկվորյակների առասպելների և նրանց պաշտամունքի հետ կապված՝ աֆրիկյան ծեսերում տարածված է Եղել ճարմնի և դեմքի ներկումը տարբեր գույներով: Նյուրոնների աֆրիկյան առասպելում Երկվորյակ Մսուլա Ռուկիդին մի կողմից սպիտակ էր, իսկ մյուս կողմից՝ սև³²:

Այս Երկակի գույնը (սև և սպիտակ) համընկնում է Երկվորյակային ծեսերի սև և սպիտակ գույների խորհրդանշման, այսինքն՝ ժամանակի հերթագուրթյան հետ:

Աֆրիկյան բազմաթիվ Երկվորյակային առասպելների առանձնահատկությունը է առասպելական հակադրությունների Երկու շարքերի համադրումը մեկ առասպելական կերպարի մեջ, որը ներառում է Երկու անդամ (Երկսեռ էակներ)³³: Դոհոնների մոտ Երկվորյակային հերոսներ Լիսը և Նոմնոն հանդես են գալիս և որպես Երկվորյակներ, և որպես անդրոգիններ³⁴:

³⁰ Ելիզառիկի միֆы, МНМ, Москва, 1980, с. 175.

³¹ Նույն տեղում:

³² Նույն տեղում:

³³ Նույն տեղում:

³⁴Տես *Հոմմո*, МНМ, т. II, Москва, 1982, с. 226.

Նույնպիսի պատկերացումներ են պահպանված դեմիուրգներ Մավուի և Լիզայի Երկվորյակային առասպելում, որոնք ևս – հանդես են գալիս որպես անդրոգիններ: Նրանցից Մավուն մարմնավորում է գիշերը, լուսինը, ուրախությունը, իսկ Լիզան՝ ցերեկը, արևը, աշխատանքը³⁵.

Ֆոների առասպելաբանության մեջ աստվածները պատկերացվել են Երկվորյակ զույգերի տեսքով, իսկ աստվածային ուժը՝ ծիածանը, մկարագրվել է և՛ որպես անդրոգին աստվածություն, և՛ որպես Երկվորյակային զույգ³⁶:

Եգիպտական աստվածներ Յորուսը և Սեթը Երեմն պատկերվել են Երկու դեմքով և մեկ մարմնով³⁷: Մեկ մարմնով և զույգ պատահների գլուխներով են պատկերացվել նաև հայ միջնադարյան կենդանակերպի (զողիակոս) Երկավոր-Երկվորյակները³⁸:

Առասպելաբանության մեջ Երկվորյակների հնագույն գժերից է նրանց կենդանակերպ դրսեռումը, որն էլ ենթադրել է տալիս կենդանիների մասնակցությունը Երկվորյակների ծնունդներին կամ կենդանիների և Երկվորյակների միջև ազգակցությունը³⁹:

Օրինակ՝ նիվշերի մոտ (Սախալինում և Պրիմորիեում) Երկվորյակների մորը բաղել են արջի վանդակում, իսկ Երկվորյակների մասին խոսել են ինչպես կենդանիների մասին: Այդ է վկայում նաև Երկվորյակների սպանության ծեսը նրանց ծննդից հետո, որը տարածված է եղել շատ ժողովուրդների մեջ: Երկվորյակներին տարել են դեպի ճահիճ կամ անտառ՝ որպես կենդանիների կեր, այսինքն՝ վերադարձել են նրանց այն ոչ մարդկային (հաճախ ջրային) միջավայրին, որի հետ կապում էին նրանց ծնունդը⁴⁰:

³⁵Տես *Маэу-Лиза*, МНМ, т. II, с. 87.

³⁶Близнечные мифы, МНМ, т. I, с. 175.

³⁷Сет, МНМ, т. II, Москва, 1982, с. 429.

³⁸Տես Հայկական սովորական հանրագիտարան, հատ. 5, Երևան, 1979, էջ 365:

³⁹Տես *Штернберг П.Я.*, Античный культ близнецов при свете этнографии, Ленинград, 1936, с. 79.

⁴⁰Близнечные мифы, МНМ, т. I, с. 175.

Աֆրիկյան յորուբաների մոտ Երկվորյակ եղբայրներից մեկը կապիկ է, դաների Երկվորյակները կապված են սկ օձի հետ, Գլխոդի-Էվե Երկվորյակները՝ ցլի: Դայկական Վիպական ավանդության մեջ Երկվորյակներ Երվանդի և Երվագի հայրը ևս ցուլն է: Բրազիլիայի բակարա տեղաբնիկներ Կերի և Կամե Եղբայր-Երկվորյակների հայրն է ընծառյուծն է⁴¹:

Երկվորյակների՝ կենդանիների հետ ունեցած առնչությունները դրսարպում են նաև բանահյուսական սյուժեներում: Օրինակ՝ Կիգիբայի առասպելում առաջին Երկու կանայք ծնում են Երկվորյակ գույզեր. մեկը՝ տղա և աղջիկ, մյուսը՝ ցուլիկ և Երինց: Ռուանդայի տիեզերածին առասպելում Երկվորյակ եղբայրներից մեկը ծնվում է կովի արգանդից, իսկ նուերները Երկվորյակներին կապում էին թռչունների հետ՝ հաճախ նրանց տալով թռչունների անունները⁴²:

Յին հնդկական Աշվինները ևս պատկերացվում էին Երկու թռչունների կամ թռչուն ծիերի հետ: Երկվորյակների կապը ծիերի հետ պահպանվել է նաև իին գերմանների մոտ և բալթյան առասպելաբանության մեջ: Լիտվական գյուղերում գյուրթյուն է ունեցել այն հավատալիքը, թե Երկվորյակները, որոնք նստած են ծիու վրա, օժտված են բուժիչ ուժով, ինչպես հնդկական Աշվինները, որոնց անունը ծագում է իին հնդկական “անա” այսինքն՝ ծի բառից: Զիերի հետ են կապված նաև հունական Դիոսկուրները, հայկական «Սասնա ծոեր» եպոսի Երկվորյակները:

Աշխարհի շատ ժողովուրդների մեջ Երկվորյակների ծնունդը դիտվել է իբրև անբնական Երևոյթ, և Երկվորյակները համարվել են այլանդակ, իսկ նրանց ծնողները՝ սարսափելի ու վտանգավոր:

Երկվորյակների՝ իբրև վտանգավոր և մահաբեր ուժերի, պատկերացումների հետքեր են առկա Երկվորյակների՝ իրենց

⁴¹ Տես *Керу и Каме*, МНМ, т. I, Москва, 1980, с. 640.

⁴² Близнечные мифы, МНМ, т. I, с. 175.

ժնողների կյանքի նկատմամբ ոտնձգության մասին գրույցներում: Արևմտյան Աֆրիկայում դամերի առասպելներում արձանագրված են պատկերացումներ՝ մոր նկատմամբ որդու և հոր նկատմամբ դատեր ոտնձգության մասին: Նգբանդիների մոտ, ընդհակառակը, երկվորյակ եղբայրն ասում է քրոջը. «Եթե դու սպանես իմ մորը, ես կսպանեմ քո հորը»:

Բոլուսաների մոտ երկվորյակ եղբայրը պոկում է մոր ստիճանքները՝ սպանելով նրան, իսկ հետո սպանում է հորը՝ ամորձատելով նրան: Իրովեցան և հոլոնյան տիեզերային առասպելի հականարտող եղբայրներից կրտսերը՝ Տավիշկարոնը, պատռում է մոր արգանդը և սպանում նրան⁴³:

Դայկական «Սասնա ծոեր» եպոսի երկվորյակների հայրը տարբեր պատճառներով կամենում է սպանել եղբայրներին: Բայց նրանք, ըմբոստանալով, սպանում են հորը:

Երկվորյակներին երկրպագող հասարակություններին բնուրոշ են այն ծեսերը, որոնք կապում են նրանց պաշտամունքը պտղաբերության, բուսականության աճի խորհրդանշիչի հետ, մասնավորապես աշխարհի սուրբ ծափի հետ⁴⁴:

Երկվորյակային պտղատվության բուսական խորհրդանշիչ է բույսի երկատված պտուղը, որի պաշտամունքը պահպանվել է նաև Յումիսի («Երկակի պտուղ») լատվիական առասպելական պատկերացումներում, որը դաշտային աստվածություն է, ուղարկում է բարիքներ և կապված է դաշտային աշխատանքների պարուի հետ⁴⁵: Դոհոնների մոտ գարեջուրը, որը պատրաստել են կորեկի երկակի հատիկներից, հեղել են երկվորյակների խորաններին՝ ի պատիվ հողային տեղամասերի և երկվորյակների ծնող ոգու, իսկ Ֆիջիում հացենու երկվորյակային (Երկակի)

⁴³ Նույն տեղում:

⁴⁴ Տե՛ս Աբրամյան Լ.Ա., Դեմիրխանյան Ա.Ր, Միֆологема близнецов и Мировое дерево, Историко-филологический журнал, Ереван, 1985, N4 (III) с. 75, նաև Դрево мировое, МНМ, т. I, Москва, 1980, с. 398.

⁴⁵ Տե՛ս Աբրամյան Լ.Ա., Դեմիրխանյան Ա.Ր., նշվ. աշխ. էջ 75:

պտուղը առասպելական երգերում հանդես է գալիս որպես առատության խորհրդանիշ⁴⁶:

Այլ տեսակի բուսական մոտիվ ենք տեսնում Օսիրիսի մասին պատմվող առասպելում: Օսիրիսին սպանում է իր երկվորյակ եղբայր Սեթը, իսկ քիչ հետո ծլում է մեռած երկվորյակը, որին էլ անմիջապես հաջորդում է եղբոր հետ ունեցած հակամարտությունը:

Պլուտարքոսի վարկածում («Իսիդայի և Օսիրիսի մասին»), Սեթն Օսիրիսին փակում է սարկոֆագի մեջ և նետում ջուրը: Սարկոֆագը քշում է դեպի ափը՝ հավամրգու թփուտները, և հավամրգին, մեծանալով, դառնում է հսկայական մի բուն, ընդգրկում է սարկոֆագն իր մեջ և թաքցնում այն: Բիբլա թագավորը, զարմանալով բույսի չափերի վրա, կտրել է տալիս ծառի բունը, որի մեջ սարկոֆագն էր, որպեսզի այդ բնից իր պալատի համար սյուն պատրաստի: Այստեղ էլ Իսիդան գտնում է իր սիրած եղբորը և ամուսնանում⁴⁷: Այնուհետև Սեթից վրեժինդիր է լինում Օսիրիսի և Իսիդայի որդին՝ Հորուսը, որտեղ ևս առկա է բուսական մոտիվը: Սեթը հանում է Հորուսի աչքերը և թաղում սարի վրա, ու աչքի խնձորակները ծլելով դառնում են լոտոսի ծաղիկներ⁴⁸: Այնուհետև Հորուսը վերակենդանում է:

Առասպելի որոշ տարբերակներում թեև Հորուսի և Սեթի կրիվը խաղաղ ավարտ է ունենում, այնուամենայնիվ, ի նշան կռվի ավարտի և Եգիպտոսի միավորման, դարպասների վրա վեր են խոյացվում եղեգը և պապիրուսը, որոնք խորհրդանիշն են հաշտված և միավորված Հորուսի ու Սեթի⁴⁹:

⁴⁶ Близнечные мифы, МНМ, т. I, с. 175.

⁴⁷ Плутарх, "Об Иside и Осирисе", 12 трактат, опубликован в архиве поэзии и прозы в "Вестник древней истории", Москва, 1977, NN3, 4:

⁴⁸ Матье М.Э., Древнеегипетские мифы, М.-Л., 1956, с. 53.

⁴⁹ Липинская Я., Марциняк М., Мифология Древнего Египта, М., 1983, с. 121.

Ա.Մ. Զոլոտարյովը Յորուսի և Սեթի մենամարտը բացատրում է որպես ծիսական պայքարի արձագանք, իսկ առասպելը՝ երկվորյակային⁵⁰:

Բուսական մոտիվ է առկա նաև հայկական հեքիաթներում⁵¹:

Ավագ եղբայրը (Եղբայրները) կրտսեր եղբօրը լքում է (Են) ջրհորի կամ փոսի հատակում, այսինքն՝ կրտսեր եղբայրը հայտնվում է սև, մութ աշխարհում: Լուս աշխարհ դուրս գալու համար նա պետք է սև ոչխարից նստի կարմիրի վրա, հետո՝ սպիտակի, ինչը նրան չի հաջողվում: Յերոսին վերկի (լուս) աշխարհ է հանում երախտագետ թռչունը, որի ձագերին հերոսը փրկում է օծից: Այսինքն՝ հերոսը, որն իշել էր մութ աշխարհ, «Վերածնվում» է և լուս աշխարհ է վերադառնում այն ծառի վրայով, որն ունի տիեզերական ծառի ատրիբուտներ. եռամաս, արմատների մոտ՝ օծ, գագաթին՝ թռչուն (Երբեմն երկու)⁵²:

Ինչպես միասեր երկվորյակները, որոնք կրվի են բռնվում, և այդ կրիվն ավարտվում է բուսական մոտիվով, այնպես էլ տարբեր սեռերի երկվորյակները դիմում են արենապղծնան, որի հետևանքով երկուսն էլ մերոնում են՝ սկիզբ տալով այս կամ այն բույսին⁵³: Օրինակ՝ արևելալավինական ավանդությունում կուպայան քույր և եղբայր իվանը և Մարյան զրիվում են իրենց կողմից կատարված ինցեստից հետո և վերածվում են ծառկի՝ իվան և մարյա⁵⁴: Ինցեստի պատճառով մեռած տրոքրիանական եղբոր և քրոջ մարմիններից աճում է հմայության մեջ անհրաժեշտ համարվող բույսը:

Ինցեստի կապը աճելու (ծլելու) սյումեի հետ վառ արտահայտված ենք տեսնում տորի-բատակյան առասպելներում, որ-

⁵⁰ Золотарев А.М., Родовой строй и первобытная мифология, Москва, 1964, Советская археология, 1968, N 4, с. 281.

⁵¹ Դայ ժողովրդական հեքիաթներ, h. I, Երևան, 1959, N 31, h. II, 1959, N 1, h. III, 1962, N 5, h. VII, 1979, N 1, h. VII N 232:

⁵² Абрамян Л.А., Демирханян А.Р., Աշվ. աշխ., էջ 76 :

⁵³ Սովոր տեղում:

⁵⁴ Иванов В.В., Топоров В.Н., Исследования в области славянских древностей, Москва, 1974, с. 221-226.

տեղ տարբեր սեռեր ունեցող երկվորյակների ինցեստը կապված է ծառի հետ (սովորաբար քոյրը և եղբայրը առաջում են ծառին, իսկ մեկ այլ տարբերակում երկվորյակները միաձուլվում են, և ծառը աճում է նրանց գլխից), որից դուրս են գալիս շամանի գավազանները, որն էլ համարվում է տիեզերական ծառի խորհրդանիշ⁵⁵:

Ինցեստը, որը հանգում է Տիեզերական ծառի ստեղծմանը, կարող է փոխակերպվել սուրբ ծառի մոտ եղած ինցեստի: Յետազոտողներ L. Աբրահամյանը և Ա. Դեմիրխանյանը որպես օրինակ բերում են Աղամի և Եվայի մասին աստվածաշնչան այն պատմությունը, ըստ որի՝ Աստված նրանց գրկեց անմահությունից այն ինցեստի պատճառով, որ նրանք կատարեցին չարի և բարու ճանաչման ծառի մոտ: Բայց գրկելով նրանց անմահությունից՝ փոխարենը տվեց կյանքերի և մահերի մշտական հերթափոխը՝ կյանքի հարատևող ծառը⁵⁶:

Դայկական միջնադարյան հարսանեկան ծիսական երգի կրոնական մի տարբերակում բացահայտ ասված է. «Ծաղկեցաւ ծառն կենաց՝ Աստուածածիմն էր. / Լուսեղէն պտուղ երեր՝ իւր միածինն էր»⁵⁷, այսինքն՝ հարսանեկան կենաց ծառը խորհրդանշում է մայրական սկզբունքը: Այս տեսակետն ըստ մասնագետների (Վ. Իվանով, Վ. Տոպորով և այլն)՝ արտահայտություն է գտնել հինկտակարանյան կենաց ծառի մարդակերպ փոխարինողներից մեկի՝ Եվայի անվան մեջ, որի պատճառով մեկընդիշտ կորսույան մատնվեց կենաց ծառը:

Եվա հին եբրայերեն **«Haawa»** նշանակում է «կյանք»: Ըստ Հին Կտակարանի՝ Եվան մինչև ծառի պտողի ճաշակումը եղել է

⁵⁵ Տե՛ս **Ревуненкова Е. В.**, Магические жезлы батаков Суматры. – Сборник МАЭ, т. 29, Л., 1973, с. 187, **Каруноевская Л.Э.** – Вопросы истории доклассового общества, М-Л., 1936, с. 354-359. **Ревуненкова Е.В.**, Миф о батакском жреческом жезле, с. 35-36, Народы Малайзии и Западной Индонезии, М., 1980, с. 163.

⁵⁶ Տե՛ս **Абрамян Л.А., Демирханян А.Р.**, նշվ. աշխ., էջ 76 :

⁵⁷ **Մացականյան Աս.Ը.** Դայկական միջնադարյան ժողովրդական երգեր, Երևան, 1956, էջ 295-296:

անանուն, Աղամն է նրա անվանադիրը: Դիմ Կտակարանի հայերեն թարգմանության մեջ Եվան կոչվում է իր ստուգաբանական անունով՝ «Կյանք». «Եւ կոչեաց Աղամ զանուն կնոջ իւրոյ Կեանս, զի նա է մայր ամենայն կենդանեաց» (Ծնունդը Գ, Շ): Այսինքն՝ դառնում է նախամայր բոլոր արարածների համար և, ինչպես հավաստում է Տոպորովը, Եվայի անունը կարծեք թե փոխարինել է կենաց ծառի անվանը⁵⁸:

Առհասարակ Եվայի ծննդի ու կերպարի, նրա գործառույթների մեջ և Աղամի հետ ունեցած հարաբերություններում բացահայտ նկատելի են Երկվորյակային մոտիվներ:

Ըստ Դիմ Կտակարանի՝ Աստված նրան ստեղծել է քնած Աղամի կողուսկրից, այսինքն՝ նույն մարմնից, որ բնորոշ է Երկվորյակների մարմնակազմությանը. «Եւ շինեաց Տէր Աստուած զկողն զոր առ յԱղամայ ի կին, և ած զնա առ Աղամ: Եւ ասէ Աղամ. Այս այժմիկ ոսկը ոսկերաց իմոց և մարմին ի մարմնոց իննէ. Ու կոչեսցի Կին, զի յառնէ իւրմէ առաւ... Եւ եղիցին Երկուըն ի մարմին մի. Եւ էին Երկորեան մերկ, Աղամ և կին իւր և ոչ ամաչէին» (Ծնունդը Բ, 22-25):

Ոչ միայն Աղամի և Եվայի ամուսնության, այլև տարբեր ժողովուրդների առասպելական ավանդությունների մեջ պահպանված ընտանիքի կազմավորման վաղնջական պատկերացումներում ամուսնաընտանեկան հարաբերությունների սկզբնավորումը համընկնում է մարդկային ցեղի սկզբնավորման հետ: Եվ ապա յուրաքանչյուր էթնիկական հանրույթ ունի տվյալ ցեղը սկզբնավորող նախահայր ու նախամայր, որոնց ծագումը արյունակցական է, այսինքն՝ միկանույն ծնողական հիմքից գոյացած տարասեռ Երկվորյակները մտնում են սեռական հարաբերության մեջ, առանց պատճական ուշ շրջանում ծևավորված արենապղծման արգելակող գաղափարի: Եվ ամենասուլը ամուսնությունը, ըստ այդ վաղնջական հայացքի, տարասեռ Երկվորյակների միջև ծագած սեռական հարաբերություններն

⁵⁸ Топоров В. Н., Древо жизни, МНМ, Москва, 1980, т. I, с. 397.

Են: Այդպիսիք են հնդկական ավանդության Յամա և Յիմա (որոնք, ի դեպ, ինցեստի գիտակցությամբ հրաժարվում են կենակցելուց), ավեստական Յիմա և Յիմակ, եգիպտական Օսիրիս և Խսիդա տարասեռ զույգերը և այլք: Արյունակցական ամուսնության այս նախնաղարյան ծկը թեկուզ հետագայում շատ ցեղերի կենցաղից վերանում է, սակայն դրվում է ժամանակների սկզբում և դառնում է սրբազն ինցեստի նախադեպ ու նախօրինակ⁵⁹ և պահպանվում է շատ ցեղերի ու ցեղախմբերի հիշողության մեջ՝ իբրև առասպելական վերապրուկ հնօրյա անցյալի ամուսնաշնտանեկան նախնական հարաբերությունների: Այսուհանդերձ էթնիկական (գրադաշտական պարսիկներ) և սոցիալական որոշ խնճերում (Արևելքի, ճամանակորապես փարավոնների էլիտար վերնախավային միջավայր) այս երևույթը պահպանվում էր:

Անդրադառնալով վեգետատիվ (աճնան, ծլարձակման) սյուժեին՝ նշենք, որ պարականոն լեգենդների համաձայն Ադամի մահից հետո կյանքի դրախտային ծառի երեք սերմերից, որոնք դրված էին նրա լեզվի տակ, աճում են երեք ծառ, որոնք միավորվում են մեկ ծառի, «որն էլ դարեր հետո նյութ է հանդիսանում այն խաչի, որի վրա խաչվում է Քրիստոսը»⁶⁰:

Խաչի և դրախտային ծառի նույնացումը հանգում է նրան, որ Քրիստոսին պատկերում են հենց ծառին խաչված⁶¹: Խաչը, լինելով տիեզերական ծառի օրինակներից մեկը⁶², իր վերևի մասում պարունակում է այդ ծառի գագաթի ասրիբուտները՝ թռչուն (թռչուններ), արև ու լուսիմ⁶³:

Մասնագիտական գրականության մեջ միանգամայն արդարացիորեն հավաստված է, որ Տիեզերական ծառի վրա իրարդիմաց կանգնած համաշափ գույգ թռչունները «հաճախ հարա-

⁵⁹ Տես Ինքստ, МНМ, Москва, 1980, т. I, с. 546.

⁶⁰ Աբրամյան Լ.Ա., Դեմիրխանյան Ա.Բ., նշվ. աշխ., էջ 77:

⁶¹ Топоров В.Н., Древо мировое, МНМ, т. I, с. 404.

⁶² Топоров В.Н., Крест, МНМ, т. II, Москва, 1982, с. 12-14.

⁶³ Տես Աբրամյան Լ.Ա., Դեմիրխանյան Ա.Բ., նշվ. աշխ., էջ 78:

թերվում են արևի և լուսի հետ», թեպետ կարող են այլ գաղափարներ ևս արտահայտել⁶⁴:

Բանագետ Ս. Դարությունյանն արդեն հավաստել է, որ «վիշապ» կոչված ծկնակերպ քարակոթողների վրա, որոնց հնությունը հասնում է մինչև մ.թ.ա. III-II հազարամյակները, քանդակված են Տիեզերական ծառի (հաճախ՝ եռամաս) պատկերներ, որոնց գագաթին կամ միջնամասում փորագրված են իրարդիմաց կանգնած զույգ թռչուններ, որոնք խորհրդանշում են արքան և լուսին զույգ լուսատունները կամ պտղաբերման ու արգասավորման գաղափարները⁶⁵.

Երկվորյակների կապը Տիեզերական ծառի հետ դրսևորվել է նաև հին հնդկական ավանդության մեջ: Վ. Իվանովը ելակետային ծիսական խորհրդանիշ է համարում Կնոջ կերպարի առկայությունը Տիեզերական ծառի մոտ, որն արտացոլված է Ոխգեդայում: Նա կնոջ կերպարը համարում է Տիեզերական ծառին համարժեք հասկացություն: Այդ ծառի վրա պատկերված են Երկու բարեկամ թռչուններ, որոնցից մեկը ծաշակում է քաղցր պտուղը, մինչդեռ մյուսը նայում է և պտղին չի դիպչում⁶⁶:

Ոխգեդայի՝ S. Ելիզարենկովայի կատարած ռուսերեն թարգմանության մեջ ծառի վրա նստած այդ զույգ թռչունները կոչված են «Երկու արծիվ»⁶⁷:

Տիեզերական ծառի այս համարժեքացումը կամ նույնացումը կնոջ հետ ուշագրավ է այն առումով, որ կենաց ծառը ևս, ըստ մասնագետների իրավացի հավաստնան, լինելով Տիեզերական ծառի տարրերակներից մեկը, տարրեր ավանդություններում մեծ մասամբ հանդես է գալիս իրու կնոջ, մայրության

⁶⁴ Елизаренкова Т.Я., Топоров В.Н., Древнеиндийская поэтика и ее индоевропейские истоки. – Литература и культура древней и средневековой Индии, Сборник статей, Москва, 1984, с. 43.

⁶⁵ Դարությունյան Ս.Բ., Հայ ալասպելարանություն, Բեյրութ, 2000, էջ 26-32:

⁶⁶ Иванов В.В., Опыт истолкования древнеиндийских ритуальных и мифологических терминов, образованных от "Asva-конь". – Проблемы истории языков и культуры народов Индии. Сборник статей, Москва, 1974, с. 75.

⁶⁷ Stein Rигведа, Мандалы I-IV, Москва, 1989.

խորհրդանիշ կամ ծայրահեղ դեպքում իբրև նրա կացարան կամ բնակարամ⁶⁸:

Այս հատկանիշներով է օժտված նաև հայոց հարսանեկան ժիսակատարության մեջ փեսայի նշանավոր ծառը՝ իր ծառագովքով կամ ծաղկոցագովքով.

Թագւոր, ի՞նչ բերեմ քեզ նման
Քոյ կանանչ արևոտ ի նման
Են առաւօտն, որ կու ծաղկի
Ծաղիկն արևոտ ի նման⁶⁹:

Են արեգակն որ բացվէր,
Բացվէր արևուտ նման⁷⁰:

Կամ՝

Թագաւոր, ի՞նչ բերեմ քեզ նման,
Քո կանաչ արև քեզ նման,
Անուշ ռեհան (շուշան ծաղիկ, նարգիզ ծաղիկ,
դեղին կակաչ,
աղբրանց արիւն և այլն)
Որ կը հոտեր,
Անուշ բուրեր քո բագուիին:

Ինչպես նշում է Մ. Արենյանը, «Փթած ծառն ու ծաղիկն այս երգերի մեջ ներկայացնում է իբրև սիմբոլ բեղմնավորվող մայր բնության, որի մի մասն է «ծլող, ծաղկող, պտղող» նորահարսը»⁷¹:

Այս հարսանեկան ծաղկոցի երգերը, հարսի և փեսայի գովքը «արեգակի նմանությամբ» գալիս են խոր հնությունից, «նույնիկ նախապատճական ժամանակից»⁷²:

Սեր կարծիքով, հետագայի հարսանեկան ժիսական սովորույթներում իբրև նախասկզբնական սրբազան վերապրուկ՝ նոր ինաստավորումներով ու ձևափոխություններով շարունա-

⁶⁸Տես **Τοπορειας Β.Η.**, Դրево жизни. МНМ, т. I, Москва, 1980, с. 397.

⁶⁹Մնացականյամբ Աս.Ը., Հայկական միջնադարյան ժողովրդական երգեր, Երևան, 1956, էջ 230:

⁷⁰Արենյան Մ.Ի., Հին գուսանական ժողովրդական երգեր, Երևան, 1931, էջ 123:

⁷¹Նոյն տեղում:

⁷²Արենյան Մ.Ի., նշվ. աշխ, էջ 122:

կել է գոյատևել այդ արքետիպն իր երկվորյակային մնացուկներով՝ հարսի ու փեսայի՝ մեկ հոգու և մեկ մարմնի միասնությամբ, հարսի ու փեսայի՝ ծառի խորհրդանշական վերանարձնավորմանը, որն էլ իր վրա եղած ծաղիկներով, պտուղներով, ճյուղերով ու տերևներով խտացնում է աճուսնական ծեսի պտղավորման, սերնդավորման ողջ խորհուրդն ու իմաստարանությունը։ Այդ են վկայում նաև Սասունից (Յազո) գրառված կնքամոր և ազապ աղջիկների կրողմից կատարվող նորահարսի ծիսական համրերձավորման մասին երգի հետևյալ տողերը։

Ծառս կենաց ծաղիկ անթառամելի,
Լուսեղեն խորան, տաճար գովելի,
Յաճեցավ ի քեզ Տերն բոլորի

Որպես սուրբ կույս Մարիամի մայր Մանուելի⁷³:

Երգի հենց առաջին տողում նորահարսն անվանված է ու փոխարինված անթառամ ծաղիկ ունեցող կենաց ծառով։

Յարսանեկան ծառը, որ, փաստորեն, նորափեսայի սեփականությունն է («Թագուր, քոյ ծառու էր Նշենի, թագուր, զինչ պիտեայ, որ քոյ ծառին. գովքն ասէյանք»), խորհրդանշում է նորահարս թագուհուն, որը նորափեսայի հետ գույզ է կազմում և ծաղկում ու փթռում է նորափեսայի գուգության շնորհիվ։ Ուշագրավ են թագվորագովքի միջնադարյան քննարկվող տարրերակում առկա փեսայի ծառին տրվող հոճամիշային անվանումները. «Թագուր, քոյ ծառու էր խնկենի», այնուհետև արմավենի, Նշենի, նոնենի, մորենի, թզենի, նոճենի, խնճորենի⁷⁴։

Խնկի ծառը կամ ծառ խնկենին մեր ժողովրդական հավատալիքներում սուրբ ծառ է, որը աճում է դրախտում, մնացածները խստ պտղառատ են, և դրանք, բացառությամբ նոճենու, մեծ տեղ են գրավում սիրո երգերում՝ իբրև սիրո խորհրդանիշներ։ Ամենաուշագրավն այն է, որ փեսայի կենաց ծառի գովարանողները ոչ թե մարդիկ են, այլ կենդանական աշխարհի այն-

⁷³ Տես Նահապետյան Ռ.Ա., Աղօնթեահայերի ամուսնաընտանեկան սովորութերն ու ծեսերը, Երևան, 2007, էջ 230։

⁷⁴ Մացակամյան Աս.Ճ., Աշկ. աշխ., էջ 294։

պիսի ներկայացուցիչներ, որոնցից յուրաքանչյուրը հայոց հավատալիքներում աչքի է ընկնում իր պաշտամունքով: Դրանք են՝ Խօսուն Պիտղիկը, Դաշտի Եղինիկը, Գառն Արեգույնը, Քոշն ի Թարքն (= քարայծ) և Արդար Մեղուն, որը, ինչպես երգում է ասված, «Թաղդր ծաղկունքն ժողովէյանք, Թաղդրաճաշակ մեղր շինէյանք. Եւ մոմն աստուծոյ փէշքեաշ տայանք»⁷⁵:

Փաստորեն այդ ծավալուն երգի մեջ գրեթե բոլոր գործող անձինք բնության ներկայացուցիչներ են, և նրանց գովարանած թագվորածառը՝ իր բացված շքեղ ծաղիկներով, պտուղներով, ճյուղերով ու տերևներով, նույնքան բնական է, առինքնող, և այդ երգն իր ծիսական նպատակասլացությամբ կատարյալ խորհրդանշային բանաստեղծություն է:

Այսպիսով՝ տարբեր ժողովուրդների նախնադարյան հավատալիքներում և պատկերացումներում հանդես են գալիս երկվորյակների հաճանճան դրսերումներ, ընդ որում, կինը կապվում է կենաց ծառի հետ: Այս հաճգամանքն ի հայտ է գալիս տարբեր ժողովուրդների հարսանելան ծիսական արարողություններում՝ իբրև հնագույն պատկերացումների վերապրուկ:

⁷⁵ Մնացականյան Աս.Ը., նշվ. աշխ., էջ 293:

ԳԼՈՒԽ ԵՐԿՐՈՐԴ

ԵՐԿՎՈՐՅԱԿՆԵՐԻ ՀԱՎԱՏԱԼԻՔԻ ՈՒ ՊԱՇՏԱՄՈՒՆՔԻ ՔԵՏՔԵՐԸ ՀԱՅԿԱԿԱՆ ԼԵՌԱՇԽԱՐԴԻ ՔԻՆ ՆՅՈՒԹԱԿԱՆ ՄՇԱԿՈՒՅԹԻ ՀՈՒՇԱՐՁԱՍՆԵՐՈՒՄ

Նախնադարյան ժամանակաշրջանում ապրած ցեղերի կրոնական պատկերացումների մեջ գոյություն է ունեցել նաև Երկվորյակ աստվածությունների պաշտամունք, որը համընդիանուր է եղել մարդկային պատմության այդ ժամանակաշրջանի համար և բավականաչափ վաղ է ծագել Հայկական լեռնաշխարհում: Հիշյալ աստվածությունների պաշտամունքը Հայկական լեռնաշխարհում ի հայտ է եկել հնուց ի վեր և հազարամյակներ հարատևել է տեղաբնիկ ցեղերի հավատալիքների ու կրոնական պատկերացումների մեջ:

Ծուրջ երկու դար տևած դիտարկումների արդյունքներից պարզվել է, որ պատմական Հայաստանի գրեթե ողջ տարածքը սփոռված է Երկվորյակների տարաբնույթ մշակութային արժեքներով: Եվ այդ ժամանակներից մեզ հասած ինչպես նյութական մշակույթի մնացորդները, այնպես էլ հայ ժողովրդական բանահյուսության և ազգագրության հարուստ տվյալները հնարավորություն են տալիս պատկերացում կազմելու Հայկական լեռնաշխարհի տեղաբնիկների հավատալիքներում առկա Երկվորյակների պաշտամունքի մասին:

Բազմաթիվ ուսումնասիրություններ ցույց են տալիս, որ իհն ժամանակներում Հայաստանում (և ոչ միայն Հայաստանում) ապրող բնիկները Երկվորյակ աստվածություններին վերագրել են արարչական զորություն, նրանց պաշտել են որպես բնության զարթոնքի, բարիքներ ստեղծող գերբնական ուժերի: Բազմաթիվ առարկաների վրա, ինչպես նաև ոճաբանական հորինվածքային բազմազանություն դրսերող հայկական ժայռապատկերներում արդեն նկատելի է զույգերի մարդակերպությունը:

Այս տեսակետից մեծ հետաքրքրություն են ներկայացնում մ.թ.ա. II-ի հազ. Գեղամա և Սյունյաց լեռների ժայռապատկերներում հանդիպող կողք կողքի փորագրված երկու մարդակերպ էակները՝ կենդանիներ ու լուսատուներ խորհրդանշող երկրաշափական նշանների միջավայրում կանգնած⁷⁶, ինչպես նաև Սամբավրոյի (Վրաստան) դամբարաններից պեղված մ.թ.ա. XI-Հդդ. բրոնզե գոտիների մանրապատկերներում առկա երկվորյակները՝ դարձյալ երկնային լուսատուներ ու երևույթներ խորհրդանշող կենդանիների ու մարդկային կերպարների (Աղեղնավոր) միջավայրում՝ տարբեր արարքներով⁷⁷:

Սյունիքի մեկ այլ ժայռապատկերում մարդակերպ այս գույգի հետ հանդես են գալիս նաև «ճարդ» նախնադարյան գաղափարագի՝ իրար մոտ դրված երկու նշան, որոնք, ըստ հնագետ Յ. Խորայելյանի, կրկնվում են ուրարտական նշանագրերում, հայկական նշանագրերի ցուցակներում՝ գլխիվայր շրջված ձևով⁷⁸:

Յ. Մարտիրոսյանը նախնադարյան և ուրարտական նշված գույգ գաղափարագրերը մեկնաբանում է իրեն երկվորյակի նշաններ՝⁷⁹, իսկ ըստ Յ. Խորայելյանի՝ մարդակերպ այս գույգ պատկերները երկվորյակ աստվածություններ են, որոնց պաշտամունքը տարածված է եղել և՝ բրոնզեդարյան Նայաստանում, և՝ Դին աշխարհի շատ երկրներում⁸⁰:

Բազմիցս նշել ենք, որ երկվորյակների պաշտամունքը կապված է եղել անձրկի, ջրային տարերքի, խոնավության, ամպրոպի ու լայծակի զմբռնումների հետ, և այդ է պատճառը, որ նախնադարյան բնացեղերից մի քանիսը (բարոնգներ, կվա-

⁷⁶ Տե՛ս Կարախանյան Գ., Սաֆյան Պ., Սյունիքի ժայռապատկերները, Երևան, 1970, էջ 30:

⁷⁷ Տե՛ս Մարտիրոսյան Յ.Ա., Գեղամա լեռների ժայռապատկերները, Երևան, 1981, էջ 75:

⁷⁸ Տե՛ս Խորայելյան Յ.Ռ., Երկվորյակների պաշտամունքի հետքերը իին Նայաստանում, ՊԲՀ, 1980, N3, էջ 216:

⁷⁹ Տե՛ս Մարտիրոսյան Յ.Ա., Նայաստանի նախնադարյան նշանագրերը և նրանց ուրարտա-հայկական կրկնակները, Երևան, 1973, էջ 31:

⁸⁰ Տե՛ս Խորայելյան Յ.Ռ., նշվ. աշխ., էջ 216:

կուիտլ) երկվորյակներին հաճարել են «երկնքի զավակներ», որոնք օժտված են անձրև բերելու հմայական գորությամբ: Նման զորությամբ են օժտված նաև հնդկական Աշվիններն ու հունական Դիոսկուրները:

Բրիտանական Կոլումբիայում երկվորյակներին դիմել են քամու և անձրևի մասին աղոթքով և քամին հաճարել են «երկվորյակների շունչ, իսկ բարոնգները երաշտի ժամանակ երկվորյակներ ծնած մորը ցողել են ջրով, ջուր են ցայել նաև մեռած երկվորյակների գերեզմաններին և նրանց թաղել են լճափներին⁸¹:

Հայկական էպոսի ջրածին երկվորյակներն ու նրանց ժառանգները զորանում են առասպելական կաթնաղբյուրի ջուրը խմելով կամ այդ ջրում լողանալով, իրենց տունը կամ բերդը շինում են հզոր ջրի ակունքին:

Ջրային տարերքի դրսնորում է առկա նաև հայկական վաղ միջնադարյան «Տարոնի պատերազմ» էպոսում՝ Դեմետրի և Գիսանեի գրուցներում, որոնց արձաններն ու պաշտամունքը նրանց զավակները հաստատում են Քարքե լեռան վրա՝ Իննակնյա կոչված տեղում (ինն աղբյուրներ): Ջրային տարերքի հետ են կապված նաև հայ միջնադարյան երգերում հանդիպող «Սև թանաք» երկու կտրիծները կամ «Թուխ Մանուկները», որոնք, ըստ ավանդական պատկերացումների, բնակվել են բարձր տեղերում, լեռնային գետակների մոտ:

Գեղանա և Սյունյաց լեռների ժայռապատկերներում շեշտված են երկվորյակների թևերը, որոնք երկար են, շարժում, իսկ ոտքերը կարծ են կամ առհասարակ բացակայում են (նկ. 1,2), ինչն էլ ենթադրել է տալիս, որ երկվորյակներն իրենց գլխավոր գործառույթը կատարել են ձեռքերով⁸²:


⁸¹ Штернберг Л.Я., Актический Культ близнецов при свете этнографии, "Сборник музея антропологии и этнографии", т. III, Петроград, 1916, с. 155-156.

⁸² Կոլումբիացի կվակուիտլ ցեղի հավասարիքներում երկվորյակ մանուկներն ընդունակ են իրենց թարիսների մի շարժումն առաջ բերել քամի և անձրև


(Տե՛ս Փրեզեր Ջկ., Золотая ветвь, М.-Л., 1931 с. 83-85):



Նկ. 1



Նկ. 2



Նկ. 3



Նկ. 4

Ուխտասարի մի հորինվածքում երկվորյակները գտնվում են «երկնանշանի», այժերի, մարդու, երեք շրջանների՝ լուսատուների միջավայրում (նկ. 3): Նույն պատկերն ենք տեսնում նաև Ուխտասարի մեկ այլ ժայռապատկերում, որտեղ նրանք ներկայացված են ցոլի, մարդակերպ էակների և երկնային տարբեր գաղափարանշանների հետ (նկ. 4): Ցլի առկայությունն այստեղ, բնականաբար, հաստատում է երկվորյակների կապը անձրևի, ինչպես նաև ամպրոպ-կայծակի և այն մարմնավորող աստվածությունների հետ: Ուստի և ժայռապատկերներում ցուլի, այլ դեպքերում նաև «կայծակ-այժերի առկայությունը երկվորյակների կողքին՝ միանգամայն տրամաբանական է»⁸³:

⁸³ Խրայելյան Դ.Ռ., նշվ. աշխ., էջ 218:

Դակական հերոսավեճի երկվորյակներ Սամասարն ու Բաղրասարը նոյնպես կապված են ամպրոպ-կայծակի՝ երկնային տարերքի երևույթների հետ: Սաղմնավորվել են ջրից, ծննդել են ամպրոպ-կայծակի՝ աստվածություց՝ Ծովինարից (որոշ պատումներում Ծովյալ, Ծովյան) և օժտված են նոյն ամպրոպային հատկանիշներով: Դադկական և հունական երկվորյակներ Աշվիններն ու Դիոսկորմերը ևս համարվում էին ամպրոպային Ինդրայի և Զևսի զավակները: Աշվինները, երկնքի ծնունդ լինելով, ամենուրեք հետևում էին ամպրոպ-

Երկվորյակմերի անձրևաբեր հատկությունն ի հայտ է գալիս նաև մ.թ.ա. II հազ. մի ժայռանկարում, որը Յ. Մարտիրոսյանի կողմից վերծանվում է իբրև արեգակնա-լուսնային նախնադարյան տոմար՝⁸⁴:

Աստղային այդ քարտեզի վրա երկվորյակները պատկերված են վեր այրոված ձեռքերում օձ-կայծակներ բռնած, «որոնք կարծես պատկերում են կատաղի, անհանգիստ երկնակամարը՝ արև-կայծակի աստվածների կովի պահին»⁸⁵:

Նշված պատկերում երկվորյակները ներկայացվում են արևի և կիսալուսնի պատկերներին զուգահեռ: Եվ ինչպես իրավացիորեն գտնում են հեղինակները, այս հորինվածքներում պատահական չեն նաև ծիու առկայությունը, որն արևի խորհրդանշի լինելուց բացի, նաև հնագույն կրոնապաշտամունքային պատկերացումներում անբաժան է երկվորյակ աստվածներից⁸⁶:

Դնդական Աշվիճներն ու հունական Դիոսկուրները, որոնք սկզբնապես ունեցել են ծիու կերպարանք, համարվել են Ինդրայի և Զևսի զավակ-նժույգները⁸⁷: Ինքը՝ Աշվին (*a'sva*), նշանակում է «ծիու»: «Սաման ծոեր» էպոսի պատումներից մեկում (պատում ԻԴ, էջ 1031) երկվորյակ եղբայրների մայրը հղիանուն է ծիու սմբակի տեղում գոյացած ջուրը խմելուց, իսկ երկվոր-

կայծակի աստծում՝ Ինդրային (*Շտերնբերգ*, 75-76), պերուացիները երկվորյակներին համարեն են կայծակի աստծո զավակներ: Յշն գերմանական ցեղերը հավատացել են, որ երկվորյակների ծնունդին մասնակից է կայծակի աստվածը (*Շտերնբերգ*, 140):

⁸² Մարտիրոսյան Յ.Ա., Նախնադարյան Հայաստանի արեգակնա-լուսնային տոռաց, Լրաբեր հասարակական գիտությունների, N7, 1973, էջ 32, աղ. 8:

⁸⁵ Մարտիրոսյան Յ.Ա., Խորայեցան Յ.Ռ., Գեղամա լեռների ժայռապատկերները, Երևան, 1971, էջ 18, նկ. 145:

⁸⁶ Նույն տեղում:

Դիշենք, որ Քսենոֆոնի վկայությամբ՝ հայերը դեռևս մ.թ.ա. 5-րդ դարում արևային աստծուն (Յելիսո) ծիեր էին նվիրում և զոհաբերում: Իսկ Ստրաբոնը հավաստում է, որ աքենքնանների ժամանակ Հայաստանի սատրապը պարսից արթային 20.000 մարդկան ուղարկում միհրական տոների համար:

⁸⁷ *Շտերնբերգ Լ.Յ.*, Պերաբունակ թուրքական աստվածությունները և արքաները, Երևան, 1936, ս. 79-81.

յակներին ուղեկցում է նույն երկնային տարերքի հատկանիշներով օժտված ձին՝ Քուռկիկ Զալալին:

Նժույգների վրա են հանդես գալիս նաև միջնադարյան հայ երգերի «Թուլին-կտրիճները», իսկ բրոնզեդարյան ու միջնադարյան ժայռապատկերներում՝ կենդանականարային երկվորյակները: Յայկական հեքիաթներում հերոսները ձիերին դուրս են բերում ծովի հատակից՝ թափահարելով նախապես ծովի ափին պահվող սամծը: Ծովերի, լճերի մեջ ապրող այս ջրածին և հրեղեն ձիերը կարող էին ի կատար ածել մարդկանց բոլոր ցանկությունները: Յայկական հեքիաթներում հերոսներից մեկն ունենում է երեք ձի՝ «մինը կեծակից էր, մեկելը՝ քամուց, մեկելը՝ կրակից»⁸⁸:

Յայ բանահյուսության մեջ արեւ հաճախ պատկերացվել է նաև թռչունի կերպարանքով: Արևի ու Լուսնի վաղնջական թռչնակերպ և հետագա մարդակերպ պատկերացումներում ևս դրսնորված են երկվորյակային հատկանիշներ:

Այդ պատկերացումները պահպանվել են ինչպես հին նյութական մշակույթի հուշարձաններում, այնպես էլ հայ բանավոր ավանդության, մասնավորապես՝ հանելուկների մեջ: Ըստ Ս. Դարությունյանի՝ Վասպուրականից գրառած արեգակին նվիրված հանելուկներից մեկում արեգակը պատկերացվել է կտուցին ոսկե օղ (=լական) բռնած թռչունի կերպարանքով⁸⁹: Դնագետ Յ. Մարտիրոսյանը արեգակի այս նույն պատկերացումը գտնում է Գեղամա լեռների ժայռապատկերներում և ուշ բրոնզեդարյան հուշարձաններում⁹⁰: Իսկ Ս. Դարությունյանը դարձ-

⁸⁸ «Սինամ բազավորի հեքիաթը», Յայ ժողովրդական հեքիաթներ, հատ. III, Երևան, 19, էջ 280:

Ընհանրապես արևելյան և հին հայկական առասպելաբանության մեջ արևի և ամպրոպի աստվածություններն ամենուրեք հանդես են գալիս միատեղ, որն էլ վայ արտահայտված ենք տեսնում նաև բրոնզեդարյան և ուրարտական պատկերագրություններում:

⁸⁹ Դարությունյան Ս.Բ., Յայ ժողովրդական հանելուկներ, Երևան, 1965, N9, 10, 11, 12 :

⁹⁰Տե՛ս՝ Մարտիրոսյան Դ.Ա., Գիտություն սկսվում է նախմադարում, Երևան, 1978, էջ 34-71:

յալ Վասպուրականից գրառված արևի մասին սույն հնավանդ հանելուկի՝ «Երկու օսկի լայլակ (արագիլ), Առավոտյան զանգեր տվին, ընցան ծովու վրեն, իրիկուն վերջացան», ծանոթագրության մեջ նկատում է. «Ըստ այսմ՝ ժողովրդի տիեզերական պատկերացումների մեջ արեգակը երկվորյակ անձնավորում կամ առարկայացում է ունեցել («Երկու օսկի լայլակ»): Նույն երևույթն է դիտվում նաև N 9 հանելուկի մեջ, որտեղ արեգակը պատկերացվել է թե՛ որպես թռչուն, թե՛ որպես ոսկե օղ⁹¹:

Կարծում ենք, որ հետազոտողը միանգամայն իրավացի է, քանզի մ.թ.ա. II հազարամյակից եկող արևային մի զարդանախում թռչունը (հավանաբար՝ արագիլ) երկգլխանի է, որ նշան է նրա երկվորյակության⁹²:

Արեգակի երկվորյակ պատկերացման նախնադարյան նշնար-ներ են պարունակում նաև լուսատումերի մասին ավանդագրույցները: Դրանցից մեկում պատճենվում է. «Երբ կեսօրին արևը շատ է մոտենում երկրին և կարող է այն այրել ու մոխրացնել, այդ պահին նրա դեմ է ելնում մի մեծ թռչուն և վիթխարի թևերը տարածելով՝ հովանի է անում երկրին, որով պակասում է արեգակի ջերմությունը: Թռչունի թևերը կիզիչ արևից խանձվում են, և նա կիսամեռ ընկնում է ծովի մեջ, լողանում, կազդուրվում, բուժվում ու հաջորդ օրը դարձյալ ելնում է արևի դեմ՝ հովանի դառնում երկրին»⁹³:

Այսպիսով՝ թռչունը հանդես է գալիս իբրև արևին հակոտնյա երկվորյակային կերպար: Իսկ մյուս առասպելական զրույցում արևը նստած է առյուծի մեջքին և սլանում է երկնակամարով: Այուժը գինված է վիթխարի թրով և պաշտպանում է արևին քաջերից⁹⁴:

Ժայռապատկերներում երկվորյակները հաճախ ուղեկցվում են լուսատուների երկրաչափական խորհրդանիշներով: Կան

⁹¹ Դարությունյան Ս.Բ., նշվ. աշխ., էջ 216:

⁹² Տես Մարտիրոսյան Դ.Ա., նշվ. աշխ., էջ 39, նկ. 39:

⁹³ Դամալանյան Ա.Տ., Ավանդապատում, Երևան, 1968, N3-4:

⁹⁴ Նույն տեղում, N 1 Ղ:


պատկերներ էլ (նկ. 1), որտեղ նրանք գտնվում են կենդանիների և մարդու միջավայրում: Երկվորյակների երկու գույզեր էլ ուղեկցվում են լուսնի պատկերով, որը ևս պատահական չէ, քանի որ երկվորյակները, անձրևաբեր էակներ լինելով, կապվում էին նաև լուսնի հետ. «Քանզի այս գոտին, որ կիսալուսին է համակարգի, սա է դայեակ անձրևաց և սնուցիչ բուրաստանց», – գրում է Շիրակացին⁹⁵:

Ուխտասարի մի ժայռանկարում (նկ. 2) երկվորյակներն իրակից բաժանված են աստղանշանով: «Ամեն մի երկվորյակի ծնունդը առիթ էր մի նոր պաշտամունքային առարկայի ստեղծման, ամեն մի երկվորյակ իր ծննդյան օրից և իր ծնունդով աստվածային էակ է: Այսպիսով՝ երկվորյակների պաշտամունքը դառնում է երկրագող մարդկանց պաշտամունք: Շատ ժողովուրդների և ցեղերի մեջ երկվորյակները գուգորդվում են երկնային լուսատուների հետ (արև-լուսին և այլն)»⁹⁶.

Սի քանի ժայռանկարներում երկվորյակները պատկերված են գլխի մոտ լուսատու շրջանակների պասկով (նկ. 5) և ներկայանում են իբրև լուսատուներ՝ հանդես գալով հորիզոնական տարածած թևերով՝ երկու այժերի հետ⁹⁷:



Նկ. 5



Նկ. 6

⁹⁵ Արքահամաճ Ա.Գ., Անանիա Շիրակացու մատենագրությունը, Երևան, 1944, էջ 325-326:

⁹⁶ Շտերնբերգ Լ.Я., Ծշվ. աշխ. էջ 82:

⁹⁷ Այծը հիմ արևելյան և հովնական շատ առասպելներում հանդես է գալիս որպես երկվորյակային աստվածությունների հովանավորող ու սնուցող:

Հաջորդ պատկերում (նկ. 6) դարձյալ երկվորյակների հետ քանդակված է երկու այժ, սակայն, ի տարբերություն նախորդի, մի շրջանակը գտնվում է երկվորյակներից մեկի ուսի մոտ, մինչդեռ երկվորյակներից մյուսը մեկական շրջանակ ունի գլխի և ոտքի մոտ: Եվ ինչպես կարծում են մշակույթի պատմաբանները (Յ. Խորայելյան, Յ. Մարտիրոսյան), լուսատուների դիրքի փոփոխությունն ունեցել է կարևոր նշանակություն նախնադարյան աստղագուշակների համար:

Երկնային լուսատուների դիրքի ու շարժման համապատասխան արվել են զանազան գուշակություններ՝ կապված եղանակի փոփոխության, ցանքսերի, մահվան, մարդկանց ու կենդանիների ծննդաբերության, արևի, լուսնի խավարումների և այլ երևույթների հետ⁹⁸:



Նկ. 7

Սյունիքի մեկ այլ նկարում (նկ. 7) պատկերված են հորիզոնածկ տարածած թերով, օղակով ավարտվող իրաններով երկու գույգ կերպարներ, որոնց միջև գտնվում է այժ՝ իրանի մոտ իրար կպած երկու խաչերով:

Զույգ խաչը համապատասխանում է Շիրակացու այն տեղեկությանը, ըստ որի՝ երկվորյակներն ունեն երկու աստղ՝⁹⁹:

Ըստ Յ. Խորայելյանի՝ երկվորյակներին պատկանող և նրանց խորհրդանշող երկու աստղը մեր նախնիների կողմից գուգորդվել է գիշերվա (լուսնի, գիշերային աստղ) և ցերեկվա (արև, արշալուս) լույսի հետ¹⁰⁰:

Այն, որ երկվորյակները կապված են եղել որևէ լուսնային երևույթի հետ, տեսնում ենք նաև «Սասնա ծռերի» պատումներից մեկում. «Երիկվորե որ գուքեր չուրմի կես գիշեր, Սանա-

⁹⁸ Տես՝ Մարտիրոսյան Յ.Ա., Գեղաճա լեռների ժայռապատկերները, Երևան, 1981, էջ 78:

⁹⁹ Արքահամբան Ա.Գ., նշվ. աշխ., էջ 331:

¹⁰⁰ Խորայելյան Յ.Ա., երկվորյակների պաշտամունքի հետքերը հին Հայաստանում, ՊԲՀ, 1980 Ն 3 15 220:

սարն նորադարություն կ'եներ: Ենդոնց եղն էլ Բաղդասարն գ'ել-ներ չուր մի լուսուն կը մոտներ. աղոթրընի մոտն էլ՝ մերն կ'եներ, չուր մի լուր մի լուսանան կը մոտներ, շիտակ լուս կու բացվեր: Լուսն որ կը բացվեր, արեվն կ'առներ, կ'ելնին ուրանց դարար-դութուր կը բառնին, կ'երթին ուրանց ճամբխուն... Չուրի կես գիշերն Սանասարն կը քաշեր: Եկավ Բաղդասարի դորն...»¹⁰¹:


Այսինքն՝ երկվորյակները մարմնավորում են արեգակի օրապտույտը՝ արևածագն ու մթնշաղը: Ցերեկվա և գիշերվա հերթագայության հետ են կապված նաև հնդկական Աշվինները. արթնանալով՝ սլանում են ուկե անվակառքով, որին լծված են ծիեր, թռչուններ: Նրանց ուղեկցում է արշալուսի աստվածուի Ուշասը, որի հայտնվելը նշանակում է օրվա սկիզբ: Նա երկնքով քշում է կարմիր ամպրոպային կովերին և ուղի հարթում արևի հանար՝¹⁰²:

Երկնային տարերքի գաղափարն է դրսնորված մ.թ.ա. II հազ. վերջի և I հազ. սկզբների մի քանի բրոնզե գոտինների պատկերներում: Բրոնզե այդ գոտինները հայտնաբերվել են Սամբավոյի ուշ բրոնզի և վաղ երկարի ժամանակաշրջանին պատկանող դամբարաններում (Ակ. 8): Առաջին գոտու վրա պատկերված են ծուկ, եղջերուներ, ծի, առյուծ, խոզ, թռչուն, այժ: Մարդկային կերպարներն են երկվորյակները և աղեղնավորը: Գոտու ստորին շարքում երևում են իրար կպած երկու մարդուկներ, որոնք հաջորդ պատկերում հանդես են գալիս իրեն հեծյալներ: Այս բոլոր պատկերները հաճախ ուղեկցվում են լուսատունների երկրաչափական խորհրդանշներով: Լուսատուի նշանն է նրանց բաժանում է արջի, բարի, այծեղջուրի և ձկան պատկերներից: Գոտու վրա իրար պողահարող եղջերուներն իրենց վրա կրում

¹⁰¹ «Սասնա ծուեր», հ. Ա. Խմբագրեց պրոֆ. Մ. Աբեղյամ, աշխատակցությամբ Կ. Մելիք-Շհամզանյանի, Երևան, 1936, պատում Դ, էջ 140-141, &4:

¹⁰² Տես Առաք, ՄՀՄ, Տ.Ի., Մոսկվա, 1980, ս. 144.

Են «փայլակ» գաղափարանշանը, որ խորհրդանշում է ամպ-րոպ-կայծակը¹⁰³:



Նկ. 8

Ժայռապատկերներում, ինչպես երևում է, երկվորյակներն ամենուրեք հետևում են կամ կայծակնաբեր եղջերուներին կամ աղեղնավորին. «Աղեղնավորը, յորում են աստղեք վեց, եթև տեսանիցես, զնոսա ի թրթռմանց, գիտասցիր, թե առաքին ի նոցանէ աստեղք հանգոյնք, ծովք խոռվին, և ամպքն զուարածան», – գրում է Շիրակացին¹⁰⁴:

Շիրակացու մեկ այլ վկայությամբ «Ծնաստղը, խողովակը, Վաքըն, Ծիծառն, սայլն, միւս սայլն, ճարգոնն, կարծընգեաց, ճոկանոտնն, ջրբաշխն, խոզն, Անդիակն, Արկալդն: Մրանք աստեղք են, որ ցուցանեն զանձրեաց սաստկութիւն¹⁰⁵:

Նշված գոտուու վրա առկա են արջը, թռչունը, խոզը, ծուկը, ջրասամույրները:

Արջերը, ըստ հնագետ Յ. Մարտիրոսյանի, հավանաբար ներկայացնում են Մեծ և Փոքր Արջերի համաստեղությունները, իսկ

¹⁰³ Տե՛ս Մարտիրոսյան Յ.Ա., Գեղանա լեռների ժայռապատկերները, Երևան, 1981, էջ 78:

¹⁰⁴ Կրրահամյամ Ա.Գ., նշվ. աշխ., էջ 331-332:

¹⁰⁵ Նույն տեղում:

մնացած կենդանիները խորհրդանշում են անձրևաբեր աստղեր լինելու հանգամանքը¹⁰⁶: Եվ քանի որ Երկվորյակները համարվում էին անձրևաբեր, եղանակ կաղզավորող էակներ, ուստի կենդանակամարում հաճալրել են գարնան մայիս՝ ամիսը՝ խորհրդանշելով բնության զարթոնք. «Խոյ, ցուլ, Երկրաւորի... Սոքա Երեքեան յեղանակ գարնանային», – գրում է Շիրակացին¹⁰⁷:

Սամթավրոյի դամբարանից գտնված բրոնզե գոտու վրա նետ ու աղեղով զինված, Եղջերուներին և այծերին նետահարող Երկվորյակներից բացի հանդես են գալիս նաև գայլեր:

Ուսումնասիրություններից հայտնի է, որ Երկվորյակ աստվածների կենդանակերպ դրսերումներից մեկն էլ գայլն է¹⁰⁸:

Վեդայական ավանդության մեջ Աշվինները գայլերի տերերն ու հովանավորներն են, Երբեմն պատկերացվել են գայլերի կերպարանքով: Յունական ավանդության մեջ ևս Դիոսկուրները գուգորդվում են գայլերին. Անտիուտեի ամուսինը՝ Երկվորյակների հայր Լիկոսը գայլ է: Ապոլոնի մակդիրներից մեկն է Լիկեյոս (= «գայլային»), իսկ Ապոլոնի և Արտեմիդի մայրը՝ Լետոն, եթ գայլի կերպարանք է ընդունում: Յոռմեական Երկվորյակներ Յոռմուլոսի և Յունոսի մայրը՝ Ույա Սիլվիան, սրբազն աղբյուրի մոտ՝ գայլերին հովանավորող Մարս աստծո պուրակում, գայլերից քշվում է քարանձավ, որտեղ նրան գտնում է Մարսը: Նրանց գուգավորումից ծնվում են Երկվորյակները, որոնք հետագայում սնվում են եթ գայլի կաթով¹⁰⁹:

Երկվորյակների՝ գայլերի հետ ունեցած հինավորց կապի դրսերումներ է գտնում Ա. Յարությունյանը «Արտավագդի» առասպելի մի քանի տարբերակներում՝ հերոսի շղթաները կրօնղ տարագույն զույգ շների կերպարում: Դրանցից են ոյուցազնին ծառայելու պարագան, նրանց տարագույն լինելու հանգաման-

¹⁰⁶ Տես Մարտիրոսյան Յ.Ա., Գեղամա լեռների ժայռապատկերները, Երևան, 1981, էջ 79:

¹⁰⁷ Արրահամյամ Ա.Գ., նշվ. աշխ., էջ 323:

¹⁰⁸ Շտերներց Պ.Յ., նշվ. աշխ., էջ 79-81:

¹⁰⁹ Շտերներց Պ.Յ., նշվ. աշխ., էջ 142:

քը՝ սև, սպիտակ, որոնց սպիտակը խորհրդանշում է արևը, սևը՝ լուսինը: Առաջինը կապված է լուսավոր աշխարհի կյանքի հարատևության հետ, երկրորդը՝ սև ու ճութ աշխարհի, ստորգետնայքի գաղափարին¹¹⁰:

Երկվորյակ գայլերի պատկերներ են հայտնաբերվել նաև Լոռի-բերդի ճ.ք.ա. X-VIII դդ. դամբարանների հախճապակյա տուփի կողերի վրա, որտեղ գայլերից մեկը տեղափորված է յուրաքանչյուր կողի վերին մասում, մյուսը՝ ստորին: Նրանց միջև պատկերված են պատուաբերության, արգասավորման գաղափարն արտահայտող երկրաչափական պատկերներ¹¹¹: Արկոյի կը, ընդհանրապես, համարվել է երկվորյակների ատրիբուտը և խորհրդանշել է հարստություն և առատություն¹¹²:

Դայկական լեռնաշխարհում երկվորյակների պաշտամունքը, սկիզբ առնելով բրոնզե դարից, շարունակվում է նրա հաջորդ փուլերում և թափանցում հայ հեթանոսական, հետագայում նաև քրիստոնեական կրոնի ոլորտները:

Դեթանոսական շրջանի վկայություններ են «Թուխ Մանուկ» կոչվող հուշարձանները, որոնք, ըստ Դ. Մարտիրոսյանի, սկզբնապես եղել են երկվորյակների գերեզմաններ և գրեթե բոլոր դեպքերում գտնվել են սրբազն աղբյուրների կամ գետակների մոտ՝ մշտապես խոնավ լինելու և դրանով իսկ անձրև ապահովելու նպատակով¹¹³:

Թուխ Մանուկները հիմնականում եղել են ճատուռանձան կառույցներ կամ էլ գերեզմանածն փոքրիկ շինություններ¹¹⁴:

«Ամենափոքրիկ մասուու նը, կամ առանց կավաշաղախի շարված քարերով շենք նը, և անոնց մեջ ճրագ ու խնկանոց... Թուխ Մանուկն այս է»¹¹⁵:

¹¹⁰ Դարությունյան Ա.Բ., Դայ առասպելաբանություն, Բեյրութ, 2000, էջ 351:

¹¹¹Տե՛ս Մարտիրոսյան Դ.Ա., նշվ. աշխ., էջ 75:

¹¹² Штернберг П.Я., Культ близнеццов в Китае и индийские влияния, Сборник Музея антропологии и этнографии, VI, Л., 1927, с. 3-4.

¹¹³ Մարտիրոսյան Դ.Ա., նշվ. աշխ., էջ 79:

¹¹⁴ Մացականյան Աս.Ը., Թուխ մանուկ հուշարձանների մասին, ՊԲՀ, N 2, 1976, էջ 179:

¹¹⁵ Կրկանձոյանց Գ., Գրոց ու բրոց, Երևան, 1978, էջ 79:

Ըստ հնագետ Յ. Խորայելյանի՝ «Թուխ Մանուկ» կոչվող այդ հուշարձանների վառ ապացույցներն են Դվինի մի դամբարանի վրա դրված սալաքարերը՝ վրան քանդակված մարդկային գույզ էակներ, որոնք, ի տարրերություն մյուս ժայռապատկերային երկվորյակների, կրում են սրածայր գդակներ և գերծ են լուսատուներ խորհրդանշող նշաններից¹¹⁶:

Թուխ Մանուկների մատուռները մինչև այսօր էլ համարվում են սրբատեղի¹¹⁷:

Այսպիսով՝ ժայռապատկերներում և կիրառական արվեստի մեջ պահպանված երկվորյակների պատկերներն ապացույցն են, որ նրանց պաշտամունքը գոյություն է ունեցել բրոնզեդարյան և շատ ավելի վաղ ժամանակներում, որն էլ պահպանվել ու հարատևել է հայ ժողովրդի մեջ նաև քրիստոնեության ժամանակաշրջանում ընդհուպ մինչև մեր օրերը:

¹¹⁶ Խորայելյան Յ.Ռ., Երկվորյակների պաշտամունքի հետքերը հին Հայաստանում, ՊԲՀ, N3, 1980, էջ 227:

¹¹⁷ Բանահավաքչական գործուղման ընթացքում այցելելով Գեղարքունիքի մարգի մի քանի գյուղեր՝ ականատես եղանք, որ Կարմիրգուղում, Սարուխանում և Լանջաղբյուրում գոյություն ունեն Թուխ Մանուկ սրբատեղիներ, որոնք բոլորն էլ կառուցված էին ջրերի՝ գետակների մոտակայքում: Ընդ որում, Լանջաղբյուրի՝ Թուխ Մանուկ մատուռը գտնվում է կիսավեր վիճակում, և տեղացիները բացառում էին մոտակայքում ջրի գոյության փաստը: Միայն միջին տարիքի մի տղամարդ, տուրք տալով մեր պմղումներին, նշեց, որ մի քիչ վերև մի ջրաղաց կա ու մի առու:

ԳԼՈՒԽ ԵՐՐՈՐԴ
ԵՐԿՎՈՐՅԱԿՆԵՐԻ ԱՌԱՍՊԵԼԸ ՀԱՅ ՄԻԶՆԱՊԱՐՅԱՆ
ՎԻՊԱԿԱՆ ՀՈՒՇԱՐՁԱՆՆԵՐՈՒՄ

Ա. ԵՐԿՎՈՐՅԱԿՆԵՐԻ ԱՌԱՍՊԵԼԸ «ՎԻՊԱՍԱՆՔ»
ԱՌԱՍՊԵԼԱԲԱՆԱԿԱՆ ՎԵԴՈՒՄ

Հայոց առաջին հիմ վեպը առասպելաբանական է և ավանդվել է Մովսես Խորենացու «Հայոց պատմությանք»¹¹⁸: Ըստ Մ. Աբեղյանի՝ «Վիպասանքը» սկզբնապես չափածո տեսքով պարունակել է «փոքր քերթվածներ ու գրուցներ հերոսների ու նրանց քաջագործությունների մասին»: Ժամանակի ընթացքում այդ անջատ երգերն ու ավանդությունները, հարելով իրար, առաջ են բերել «Վիպասանքը», «Երգք վիպասանաց» կամ «Երգք առասպելաց»¹¹⁹: Ս. Հարությունյանը, հիմնականում համաձայն լինելով «Վիպասանքի» ծևազրոնան Մ. Աբեղյանի տեսությանը, գտնում է, որ եպոսի ստեղծման գործում չպետք է գերագունահատել պատմական տարրերը: Այստեղ նա հատուկ ուշադրություն է դարձնում դիցաբանական կաղապարների օգտագործմանը, և մի շարք զուգահեռներ է ի հայտ բերում «Վիպասանքի» ու «Սասնա ծոերի» նիշը¹²⁰:

«Վիպասանքի» կերպարների, նրանց անունների ծագման հարցերին է անդրադարձել նաև Ա. Պետրոսյանը և հնդեվրոպական «սև» ու «սպիտակ» հերոսների հականարտության առապելույթի վերակազմությանը նվիրված իր աշխատության մեջ:

¹¹⁸ Մովսես Խորենացի, Պատմություն Հայոց, Գիրք Ա, իգ, քննական բնագիրը և ներառյալնը Ս. Աբեղյանի և Ս. Յարությունեանի, Երևան, 1991:

¹¹⁹ Աբեղյան Մ.Ի., Երկի., հ. Ա, Երևան, 1966, էջ 97:

¹²⁰ Հարությունյան Մ.Ի., Վիպասանարտը «Սասնա ծոերում», ԼՀԳ, N 11 (467), էջ 65-85:

հենց այդ տեսանկյունից էլ նա մեկնաբանում է «Վիպասանքի» կերպարներից մի քանիսը¹²¹:

Իր մեկ այլ աշխատության մեջ Ա. Պետրոսյանը, որպես «Վիպասանքի»՝ իրար հաջորդող սերունդներ ներկայացող կերպարները համեմատական այցուսակներով գուգադրել է «Սանա ծռերի» և հայկական ու հնդեվրոպական այլ ժննդաբանական շարքերի վիպական անձանց կերպարների հետ¹²²:

«Վիպասանք» առասպելաբանական վեպը բաղկացած է երկու վիպաշարից՝ Տիգրանի և Արտաշեսի վեպերից:

Տիգրանի վեպն ըստ Խորենացու՝ վերաբերում է Կյուրոսի ժամանակակից Տիգրան Երվանդյանին: Սակայն Մ. Աբեղյանի դիտարկմամբ Տիգրանի վեպը հիմնականում վերաբերում է Տիգրան Մեծին (մ.թ.ա. I դար)¹²³: Այդ, իհարկե, այդպես է: Բայց եթե հաշվի առնենք, որ Մ. Խորենացին իր տվյալները քաղել է հայ հին վիպական ավանդությունից, կարելի է ենթադրել, որ վիպասանների հաղորդման մեջ Տիգրանի վեպը սկիզբ է առնում մ.թ.ա. 6-րդ դարի հայ թագավոր Տիգրանից¹²⁴:

Ուրեմն, ըստ Խորենացու, Տիգրանը Երվանդյան է, որ նշանակում է Երվանդի¹²⁵ հաջորդ սերունդ: Բացի այդ, նրա հաղորդած հայոց թագավորների ցանկում Տիգրանը դրված է Երուանդ Սակաւակեացից հետո: Եվ, ընդհանրապես, տոհմի ծագման ավանդությունը միշտ էլ դրվում է տվյալ տոհմի պատմության սկզբում և անկախ Մ. Խորենացու «Պատմության» մեջ

¹²¹ Պետրոսյան Ա.Ե., Արամի առասպելը հնդեվրոպական առասպելաբանության համատեքստում և հայոց ազգածագման խնդիրը, Երևան, 1997, էջ 5:

¹²² Տես Պետրոսյան Ա.Ե., Հայկական էպոսի հնագույն ակունքները, Երևան, 1997, էջ 33:

¹²³ Աբեղյան Մ.Խ., Երկեր, հ. Ա, Երևան, 1966, էջ 96:

¹²⁴ Այս նույն Տիգրանի մասին տես՝ Յայ Ժողովրդի պատմություն, հ. I, Երևան, 1971, էջ 435-443:

¹²⁵ Երվանդ անվան ստուգաբանության նկատառումներով հետայսու գործածելու ենք անվան հին ծնը՝ Երուանդ՝ բնականաբար պահպանելով նաև Երուազ ծնը:

դրված Երուանդի և Տիգրանի վեպերի հետևառաջությունից սկիզբ պետք է համարել Երուանդի վեպը:

«Վիպասանքում» Երուանդի և նրա երկվորյակ եղբոր՝ Երուգի առասպելն ու Երուանդի ճյուղը մտել է Արտաշեսի վեպի մեջ և, ըստ պատմության, վերագրվել է Երուանդ Վերջինի¹²⁶: Մինչդեռ Երուանդի հրաշալի ծնունդն աստվածային է, պատշաճում է Տիգրանի հոր (կամ նախնու) ծննդին և օժտված է անպարհային հատկանիշներով ու հավանաբար վերափոխված է Տիգրանի նախնուն: Դետևաբար Երուանդի ճյուղը պետք է դիտել իբրև Տիգրան Երուանդեանի ճյուղի սկզբնամաս, քանի որ հայ վիպական ավանդության մեջ բոլոր նշանավոր հուշարձանները, ինչպես կտեսնենք, հետագա շարադրանքի ընթացքում, սկսվում են երկվորյակային գրույցներով, այսինքն՝ դրանք ունեն ելակետային դիրք վիպական սյուժեի հետագա ծավալման համար:

Հայոց հնագույն վեպում՝ «Վիպասանքում», պահպանվել է Երուանդ ու Երուազ երկվորյակ եղբայրների հրաշալի ծննդի պատմությունը: Նշենք, որ Երուանդի ու Երուազի գրույցը թեպետ ունի պատմական ավանդության մակարդակ, այդուհանդերձ, «Վիպասանքում» երկվորյակների մասին պատմող սյուժեն ունի բացահայտ առասպելաբանական բնույթ:

Մ.Խորենացին հաղորդում է, որ Արշակունյաց ազգից մի կին, որ անձով խոշոր էր, պարարտ ու վավաշոտ, ոչ ոք չէր համարձակվում նրան կնության առնել, զրկավորվում է ցլի հետ և «ծնանի երկու մանկունս յանկարգ խառնակութենտ, որպէս Պասիփայէ զՄինոտավրոս: Եւ ի զարգանալ մանկանցն՝ կոչեն անուանս Երուանդ և Երուազ»¹²⁷:

Դունական առասպելաբանության մեջ Կրետեի հրեշ Մինոտավրոսը ծնվում է Պասիփայեի հետ ցլի զուգավորումից և փակվում լաբիրինթոսի մեջ, ուր նրան կերակրում են մարդու

¹²⁶ Տե՛ս Հայ ժողովրդի պատմություն, հ. I, Երևան, 1971, էջ 514:

¹²⁷ Սովոր Խորենացի, նշվ. աշխ., Գիրք Բ, լէ:

մսով: Այլ կերպ ասած՝ Արշակունի այդ հսկա կինը զուգավորվում է ցլի հետ, որի հետևանքով ծնվում են Երուանդ և Երուազ անուններով Երկվորյակները:

Երուանդի և Երուազի առասպելում դրսնորված են Երկվորյակների զրույցներին խիստ բնորոշ մոտիվներ, որպիսիք են Երուանդի՝ իբրև տոհմային և մշակութակերտ նախնու հետևյալ գործառույթները. Երուանդաշատ մայրաքաղաքի, Երուանդավան, Երուանդակերտ բնակավայրերի, Բագավան պաշտամունքային կենտրոնի, Ծննդոց անտառի հիմնադիր:

Երուանդը, հասակ առնելով, դառնում է մի խիզախ ու հաղթանակ մարդ, որը ծառայության է անցնում Սանատրուկ թագավորի մոտ: Վերջինս նրան նշանակում է Վերակացու և առաջնորդ: Այնուհետև բոլոր նախարարների մեջ դառնում է նշանավոր և իր խոնարհությամբ ու առատաձեռնությամբ բոլորին իր կողմն է գրավում:

Սանատրուկ թագավորի ճահից հետո բոլոր նախարարները միաբանվում են և Երուանդին կարգում թագավոր: Սակայն Երուանդը թագավոր դառնալուց հետո կոտորում է Սանատրուկի զավակներին: Փրկվում է միայն մեկը՝ Արտաշես անունով, որին իր ստորոտ՝ Սմբատ Բագրատունին, փախցնում է Հեր գավառի կողմերը, իսկ այլտեղից է՝ Պարսկաստան: Պարսից թագավորը սիրով ու պատվով ընդունում է նրանց:

Արտաշեսի փախուստը շատ է անհանգստացնում Երուանդին: Նա ոչ մի կերպ չի կարողանում ոչ Սմբատին համոզել, որ իր կողմն անցնի, ոչ էլ պարսից թագավորին; որ իրեն հանձնի Արտաշեսին: Երուանդը, մերժում ստանալով, մարդիկ է ուղարկում Բայբերդ, կոտորել տալիս ամրոցի պահապաներին, գերում Սմբատի Երկու դուստրերին՝ Սմբատանույշին և Սմբատուհուն, տանում փակում է Անի ամրոցում:

Երուանդի թագավորության ժամանակ արքունիքը գրկվում է խմելու ջրից: Նա արքունիքն Արմավիրից տեղափոխում է բայենպաստ վայր և այն ապահովում խմելու ջրով:

Այնուհետև կառուցում է միջնաբերդը և ամրացնում այն բարձր պարիսպներով: Այդ նոր քաղաքը նա կոչում է իր անունով՝ Երուանդաշատ: Երուանդն իր ապահովության համար կռատունը հեռացնում է մայրաքաղաքից և դեպի հյուսիս՝ Ախուրյան գետի ափին, կառուցում է մի փոքրիկ քաղաք և կոչում Բագարան: Արմավիրից այնտեղ է տեղափոխում բոլոր կուրքերը, մեկյաններ կառուցում և իր եղբօրք՝ Երուազին կարգում քրմագետ: Գետի հյուսիսային կողմում տնկում է մի մեծ անտառ, պարապապատում այն և դարձնում որսարգելարան ու անվանում Ծննդոց անտառ:

Կառուցում է գեղեցիկ ու չքնաղ հորինվածքով մի դաստակերտ և անվանում Երուանդակերտ: Նա մեծ հովիտը քնակեցնում է մարդկանցով, «իսկ քնակչության շուրջը կազմում է ծաղկանոցներ և բուրաստաններ, ինչպես բրի շուրջը աչքի մյուս բոլորակը: Իսկ այգիների բազմությունը նմանում էր խիտ արտևանունքի գեղեցիկ գժին, որի հյուսիսային կողմի կամարածն դիրքը իսկապես համեմատվում էր գեղեցիկ կույսերի հոնքերին: Իսկ հարավային կողմից հարթ դաշտերը (հիշեցնում էին) ծնոտների գեղեցիկ ողորկությունը: Իսկ գետն իր երկու ափերի բարձրություններով պատկերացնում էր մի բերան, իր երկու շրբունքներով: Եվ այդ գեղեցիկ դիրքը կարծես անթարթ հայացքն ուղղել է քագավորանիստ բարձրավանդակի վրա: Արդարև բերրի և քագավորական դաստակերտ»¹²⁸: Այսպիսի քնարականությամբ է Խորենացին պատկերում Երուանդի կերտած նոր մայրաքաղաքը:

Անցնում են տարիներ: Պարսկաստանում մեծանում է Սանատրուկ քագավորի որդին՝ Արտաշեսը: Պարսից քագավորը, ի հատուցում Սմբատի՝ հօգուտ Պարսկաստանի արած ռազմական շատ քաջագործությունների, նրան է հանձնում Ատրպատականի, Ասորեստանի գործերի մի մասը և հանձնարարում,

¹²⁸ Մովսես Խորենացի, Յայոց պատմություն, Երևան, 1981, էջ 188:

որպեսզի Արտաշեսին տանեն և իր հայրենական գահին հաստատեն:

Լուրն առնելով՝ Երուանդը Ուտիքում իր նախարարներից շատերին կողմնապահներ է նշանակում, իսկ ինքը վերադառնում է քաղաք ու իրեն ենթակա տարրեր տիրույթներից (Յայոց, Վրաց, Կեսարիա և Միջագետք) մեծ զորք հավաքում:

Երբ Սմբատն իր զորքով մոտենում է Ուտիքի սահմաններին, այստեղ Երուանդի թողած և կողմնապահ նախարարներն իրենց զորքով, և հայոց մյուս նախարարները միանում են Սմբատին: Երուանդն սկսում է բոլորին առատաձեռն պարգևներ տալ, սակայն մեծ մասը ներքուստ նրան չի համակրուն, քանի որ գիտակցում էին, որ դա ոչ թե առատաձեռնությունից է բխում, այլ երկյուղից:

ճակատամարտի ժամանակ Երուանդի համախոհ զորքի մի մասը կոտորվում է, իսկ մյուս մասը՝ փախուստի դիմում: Պատերազմի դաշտից փախչում է նաև Երուանդը:

Սմբատն իր փոքրաթիվ վաշտով հասնում է Երուանդաշատի դարպասների մոտ, քաղաքի դուռը պահում՝ սպասելով Արտաշեսի գալում: Երուանդի զորքը, չկարողանալով դիմադրել, անձնատուր է լինում: Սմբատի գինվորներից մեկը, ներս մտնելով ամրոց, սպանում է Երուանդին: Բայց Արտաշեսը, հիշելով, որ Երուանդի մեջ Արշակունյաց տոհմի արյան խառնուրդ կա, հրամայում է քաղել նրան և վրան մահարձան կանգնեցնել: Այնուհետև Սմբատի զորքը շարժվում է Բագավան: Սմբատն այստեղ բռնում է Երուագին, հրամայում է նրա վզից երկանաքար կապել և նետել գետի հորձանուտը:

Այսպես՝ Երուանդը վեպում մի կողմից հանդես է գալիս իբրև պատմական անձ, որի անվան մեջ ամփոփված են պատմական հիշողություններ նախքան մ.թ.ա. II դարը, մյուս կողմից՝ իբրև առասպելական էակ:

Ինչպես բազմիցս նշել ենք, թե՛ մասնագիտական գրականության մեջ և թե՛ ինդեվրոպական ավանդության տվյալների

համաձայն, Երկվորյակները համարվել են որոտի կամ կայծակի գավակներ՝¹²⁹:

Ըստ Ս. Հարությունյանի՝ Երուանդ անունը հայերեն հնչյունական արտացոլումն է հնդեվրոպական *Perua-Perwa-Peru(n)t* ամպրոպային դիցանվան, և նրա աստվածային հիշատակը պահպանված է Բագրիևանդ (*bag-«աստված»+(a)nand=Երուանդ*) պաշտամունքային տեղանվան մեջ, իբրև իրանական «աստուած Երուանդ» անունների կապակցություն:

Երուանդը եղել է հին հայոց ցլածին ամպրոպային աստծո անուններից մեկը, որ արտահայտություն է գտել Տիգրանի «Երուանդեան» նակդրի մեջ, որը ոչ միայն Տիգրանի սերումն է ցույց տալիս, այլև նրա ամպրոպային գործառույթը՝ իբրև վիշտապ Աժդահակին հաղթող՝¹³⁰:

Դայոց հին վեճում՝ «Վիպասանքում», Երուանդն ու Երուազը հանդես են զալիս իբրև ցլածին, հրաշաճնունդ Երկվորյակներ: Այսինքն՝ նրանց հայրը ցուլն է, որը խորհրդանշում է ամպրոպային աստծո վաղնջական կերպարը, իսկ նրանից ծնված Երկվորյակները, բնականաբար, կապվում են Երկնային խոնավության՝ անձրևի, պտղավորման գաղափարի հետ:

Դայկական մի շարք հանելուկներում անձրևաբեր ամպը և ամպրոպային դորոդօք ներկայացված են որպես Երկնային կով և նրա բառաչ:

Կով մի ունիմ հանա-հանա,
Կոտոշները Մսրիսանա

¹²⁹ Տե՛ս *Близнечные мифы*, МНМ, т. I, Москва, 1980, с. 176, ինչպես նաև *Штернберг Л.Я.*, *Первобытная религия в свете этнографии*, Ленинград, 1936, с. 75-76.

¹³⁰ Տե՛ս *Դարությունյան Ս.Բ.*, Դայ առասպելաբանություն, Բեյրութ, 2000, էջ 110: Անգամ հայոց նշանավոր թագավոր Արտաշես I-ը, որն ըստ «Վիպասանքի» Երուանդի թշնամին էր, իր սահնանաքարերի արամեատառ արձանագրություններում հիշատակվում է իբրև Արտաշես Երուանդական (Տե՛ս *Սարգսյան Գ.Խ.*, Դայաստանի միավորումը և հզորացումը Արտաշես Ա-ի օրոք, Դայ ժողովրդի պատմություն, հ. I, Երևան, 1971, էջ 529): Սա ցույց է տալիս պաշտամունքային այն արժեքը, որն ունեցել է Երուանդը հայոց արքայաստիհի սկզբնավորման գործընթացում:

Կաթնաղբյուրեն ջուր կը խմա

Սրյունծովվեն ծեն կը հանա¹³¹:

Դաշվի առնելով Երկվորյակների սերտ-կապը ջրային տարեքի հետ և նաև այն, որ Երկվորյակներն իրենց տունը կամ քաղաքը կառուցում են ջրի ակունքներին¹³² կամ էլ ջրառատ տեղերում¹³³, տեսնում ենք, որ Երուանդը ևս, իբրև սրբազն Երկվորյակներից մեկը, հանդես գալով քաղաքի, իշխանության և տոհմի հիմնադիր, իր արքունիքը՝ Երուանդաշատը, և Բագարան քաղաքը կառուցում է Ախուրյան գետի ափին, իսկ գետի հյուսիսային ափին էլ տնկում է Ծննդոց անտառը¹³⁴: Այն, որ Երկվորյակներն աճպրոպային աստվածություններ են, հետևաբար հանդես են գալիս նաև իբրև Վիշապամարտիկներ, որոնք պայքարում են Երկրին սպանացող չար ուժերի՝ Վիշապների դեմ, ազատագրում են արևն ու ջուրը՝ պահովելով պտղաբերություն և բարգավաճում: Զրերի ազատման մոտիվը ևս դրսևորված է Երուանդի վեպում, որը Երևում է նրա՝ արքունիքն Արմավիրից դեպի արևմտյան կողմում գտնվող միակտուր ապառաժ բլրի վրա տեղափոխելուց, որի մի կողմը շրջափակում էր Երասխը, իսկ դիմացից հոսում էր Ախուրյան գետը: «Երուանդը պարսպապատում է բլրը, պարսպից ներս շատ տեղերում ժայռի քարերը կտրել տալով՝ փորվածքներ է բացում, հասց-

¹³¹ Դարձությունյան Մ.Բ., Դայ ժողովրդական հանելուկներ, Երևան, 1960, էջ 103-104:

¹³² Հննտ. Սանասարի և Բաղդասարի Սասնա քաղաքի կառուցումը:

¹³³ Հննտ. Ղեմետրի և Գիսաննի մեկյանների կառուցումը Իննակնյա տեղիքում:

¹³⁴ Արհասարակ Երկվորյակները կապվում էին նաև անտառի հետ, քանի որ նրանք համարվում էին անտառային ոգով Երեխաներ: Օրինակ՝ Ղահոմեռում (պետություն Աֆրիկայում), ինչպես նաև շատ ժողովուրդների մոտ, Երկվորյակներին ինցիդացիայի ժամանակ տառում էին դեպի ջուրը՝ ճահիճը, կամ անտառ, որտեղ ըստ հավատալիքի, նրանք վերադառնում կամ թափառում էին մահից հետո (Տես ՄՀՄ, թ. I, մ. 1980, ս. 176.): Ներաջրիք է նաև, որ «Սասնա ծոեր» եպսի գավաշցի Դամբարձում-Խասպո Գրիգորյանի տարբերակում (հ. Ա ԻՊ) Երկվորյակ Եղայրներից մեկը՝ Սամասարը, իր մուր Կեծակին ծեռք է բերում անտառում ծափի կախված, իսկ նույն Գավաշցի սերող Գրիգոր Փոխան Եղիազարյանի պատումում (հ. Ա. ԻՊ) Երկվորյակներն իրենց տունը կառուցում են անտառում:

նում մինչև բլրի հատակը, հավասարեցնում գետնի մակերևույթին՝ այնպես, որ գետի ջրերն սկսում են հոսել փորվածքի մեջ և խմելու ջուր մատակարարել քաղաքին»¹³⁵:

Երուանդի՝ արքունիքը ջրով ապահովելը, անշուշտ, պատմական իրողության վիպական արտացոլումն է: Այսինքն՝ այստեղ պատմականը վերահիմաստավորվում է առասպելաբանական մտածողությամբ, որն էլ կարող է լինել իբրև ջրի առասպելական պաշտամունքի դրսերում:

Ինչպես տեսնում ենք, Երուանդն իր միջազգային շատ արյունակիցների նման քաղաքն ու թագավորությունը ևս հիմնում է գետի կամ ջրերի ափերին և իբրև աճպրոպային աստժու հնագույն կերպար՝ պատագրում է ջուրը՝ ապահովելով պտղաբերություն ու բարգավաճում: Երուանդը Երկվորյակներից ավագն է և օժտված է աչքի (հայացքի) հմայական գորությամբ: Չար աչքի կամ նայվածքի հմայական գորությունն արդեն իսկ վկայում է նրա աճպրոպակայծակնային հատկանիշը:

Դնդեվրոպական հավատալիքների համաձայն՝ չար աչքն անձնավորումն է «ամպերի միջից շեղ փայլակող կածակի». որն աճպերից փայլատակում է որպես ցավոտ կամ զարիկուրելի խեթ հայացք և վնասում ոչ ճիշճ մարդկանց ու կենդանիներին, այլև պատահած ամեն ինչի¹³⁶:

Մ. Խորենացին նկարագրում է, թե ինչպես ամեն լուսաբաց սպասավորները ործաքարե վեմեր են պահել Երուանդի հայացքի դեմ, որոնք պայթել են նրա նայվածքի գորությունից և չեզոքացրել աչքի չար ազդեցությունը. «Բայց ասեն զԵրուանդայ՝ ըստ հմայից դժնեայ գոլ ական հայեցուածով. վասն որոյ ընդ այգանալ աչալոցացն սովորութիւն ունել սպասաւորացն արքունի՝ վէմս ործաքարեացս ունել ընդդէմ Երուանդայ, և ի հայեցուածոցն դժնութենէ ասեն պայթել ործաքար վիմացն»¹³⁷:

¹³⁵ Դարությունյան Ս.Բ., Յայ հին վիպաշխարհը, Երևան, 2004, էջ 78:

¹³⁶ Մրեղյամ Մ.Խ., Երկեր, հ.է, Երևան, 1975, էջ 99:

¹³⁷ Մովսէս Խորենացի, նշվ, աշխ., Գիրք Բ, խր:

Կնոջ և ցլի գուգավորնան մոտիվի մեջ Ս. Պետրոսյանը հակված է տեսնելու «Փօքր Ասիայի և Եգեյան ավազանի հնագույն բնակիչների հավատալիքներում» մեջ տեղ՝ գրավող ցլի և մայր դիցուհու երկմիասնական պաշտամունքը, որի վաղնջական արտահայտություններից են Չաթալ Հույուքի ընձեռած հնագիտական նյութերը:

Ըստ Ե.Վ. Անտոնովյայի՝ դրանք հիմքեր են տալիս կարծելու, որ կինն ու ցուլը ամուսնական գույգ են կազմում, իսկ կին էակի ծնած ցուլը հետևանք է նրանց միության¹³⁸: Ս. Պետրոսյանը գտնում է նաև, որ երկվորյակների երուանդ և Երուազ անունները «միևնույն դիցանվան գույգ տարբերակներն են», և որ նախնականը եղել է Երուանդ¹³⁹:

Ս. Աբեղյանը Երուանդի առասպելը համեմատել է հտալական Եցեղինո Դե Ռոմանայի և Նրա Եղբօր՝ Ալբերիկոյի առասպելի հետ, որոնց մայրը գուգավորում է ցլի կերպարանք մտած դլի հետ և ծնում է երկվորյակներին: Նրանցից մեկը դառնում է Պադուայի բռնապետ տիրակալը և ամեն շաբաթ խոսում է իր հայր ուկի հետ ու նրանից չար խորհուրդներ ստանում: Նրա դեմքին, իբրև դիվական ծագման հետք, մնում են օտարութի աչքերը, ինչպես հայոց Երուանդի դժմա հայացքը¹⁴⁰: «Այս միստերիաների բանաձևն է՝ Ցուլը ծնեց վիշապ, Վիշապը՝ Ցուլ», մեջբերում է Ս. Աբեղյանը¹⁴¹:

«Ծիսական այս բանաձևն ուշագրավ է այնու, որ նշված առասպելույթի գույգ հակադիր կերպարները՝ ցուլ և վիշապ, հավասարաձևունակ են և հարատև, կերպարներից յուրաքանչյուրը ծնում կամ փոխարկվում է մյուսին»¹⁴²:

¹³⁸ Պետրոսյան Ս., «Վահագնի Երգի» աքրոստիքոսների վերականգման և վերծանման փորձ, «Լրաբեր հասարակական գիտությունների», Երևան, 1981, N 4:

¹³⁹ Նույն տեղում:

¹⁴⁰ Աբեղյան Ս.Ի., հ. Ա. Երևան, 1966, էջ 139-140:

¹⁴¹ Նույն տեղում:

¹⁴² Հարությունյան Ս.Բ., Դայ առասպելաբանություն, Բեյրութ, 2000, էջ 108:

Ըստ Դ. Ալիշանի՝ «Երուանդ անունն Օծ կամ Վիշապ նշանակէ»: Ասպա Վահրամ վարդապետից մեջքերում է քաջքերի և վիշապների մասին մի վկայություն, որի մեջ քաջքերն ու վիշապները գիտակցված են իբրև համարժեք չար ոգիների, որոնց կողմից բանտարկված են հունաց Ալեքսանդրը, որին կապել են Շռոմում, հայոց Արտավագոր, որը շղթաված է Մասիսում, և Երուանդը, որին կապել են պղտոր ջրերում¹⁴³:

Փաստորեն Երուանդը հանդիսանում է իբրև մի վիշապ, որին, ինչպես նաև վիշապ Արտավագորին, բանտարկել են քաջքերը: Քաջքերի կողմից բանտարկված դյուցազունները «Էռյամբ պետք է հակադիր լինեն իրենց բանտարկողներին»¹⁴⁴:

Այսինքն՝ տվյալ դեպքերում դյուցազունները օժտված են լինում բնավորության երկվան հատկանիշներով: Նրանք և՛ բարի են, աշխարհաշեն, և՛ չար ու աշխարհական:

Երուանդի երկվան բնավորության այս գիծը երևան է եկել նաև նրա մասին պատմված պատմական գրույցներում:

Երուանդը նենգ է, կասկածամիտ, կեղծավոր: Նա կոտորում է Սանատրուկի ամբողջ տոհմը: Սմբատից մերժում ստանալով, վրեժիմներությունից դրդված գերում է նրա զույգ դուստրերին և արգելափակում ամրոցում: Տվյալ դեպքում Երուանդն օժտված է վիշապի հատկանիշներով: Սակայն, իբրև իրաշաճնունդ երկվորյակներից մեկը՝ մարմնավորում է նաև մշակութակերտ հերոսի հատկանիշներ՝ բազմակողմանի հարուստ բնավորությամբ և մարդկային լավ գժերով: Նա հաղթանակ է, սրտոտ, խոնարհ, առատաձեռն և շինարար:

Թագավոր դառնալուց հետո սիրաշահում է բոլոր նախարարներին, զարկ է տալիս Դայաստանի տնտեսությանը, հիմնում քաղաքներ:

¹⁴³ Ալիշան Դ., Դիմ հավատք կամ հերանոսական կրոնք հայոց, Վենետիկ, 1895, էջ 132:

¹⁴⁴ Դարրությունյան Ս.Բ., նշվ. աշխ., 108:

¹⁴⁵ Տես նաև Դարրությունյան Ս.Բ., նշվ. աշխ., էջ 109:

«Ցուլը ծնեց վիշապ, վիշապը՝ ցուլ» ծիսական բանաձևը, ըստ Ս. Ղարությունյանի, արդարացնում է հայկական, մասնավորապես Երուանդի առասպելներով՝ ոչ միայն հերոսի ծննդաբանությամբ, այլև նրա բնավորության Երկվորությամբ, քանզի ամպրոպային առասպելի Երկու հակաղիր նախասկիզբներ կրող-ները կարող են կերպավորվել և Երկու տարբեր անձանց մեջ և հերթագայությամբ գերակշռել միևնույն անձի մեջ¹⁴⁶:

Ղայագիտության մեջ ընդունված կարծիք է հայկական Երուանդ անունը բխեցնել պիլկ. *arvand*, ավեստ. *aurva-aurvant* «արագ, քաջ» բառից: Ըստ Աճառյանի՝ նույն անունից են կազմված ավեստ. *Aurvat-aspa* անձնանունը, որ բառացի նշանակում է «արագածի, արագընթաց ծի ունեցող»¹⁴⁷:

Ընդհանրապես ծիու պատվաճակները և դրա հետ կապված ծիավոր աստվածներն ու նրանց առասպելները բնորոշ են եղել իին հնդեվրոպական մշակույթների համար և շատ հաճախ հնդեվրոպական աստվածը ներկայացվել է որպես ծի հեծած Օձամարտիկ¹⁴⁸:

Այսպիս՝ հնդեվրոպական ամպրոպային աստվածությունը հայ իին ավանդության մեջ պատճականացվել, դարձել է հայոց թագավոր և անգամ Երուանդին արքայատոհի իիմնադիր:

Ելնելով Երկվորյակների առասպելների ընդհանուր մոտիվների համադրումից՝ տեսնում ենք, որ Երուանդի և Երուագի առասպելում ևս նկատելի է այդ առասպելների կառուցվածքային նույն ուրվագիծը:

Առաջինը նրանց սերումն ու ծագումն է, որը, ինչպես տեսանք, թեպետ ունի պատճական ավանդության մակարդակ (սերում են Արշակունի մորից, մեկը դառնում է հայոց թագավոր, մյուսը՝ քրմապետ), բայց և այնպես այդ մոտիվում պահպանվել է նախնական առասպելաբանական գիծը, այսինքն՝ նրանց ծագումն ունի հրաշալի բնույթ:

¹⁴⁶ Նույն տեղում:

¹⁴⁷ Աճառյան Դր., Ղայոց անձնանումների բառարան, հ. Բ, Երևան, 1944, էջ 145:

¹⁴⁸ Տե՛ս Պետրօսյան Ա.Ե., Արմենական էպոս և միֆոլոգիա, Երևան, 2002, ս. 13-17.

Երկրորդը Երկվորյակների հակադիր կերպարներ լինելն է, որոնք միմյանցից տարբերվում են սեռով, բնավորությամբ կամ ել գորությամբ: Նրանց հակադրությունն այստեղ հիմնականում ունի «սոցիալական բնույթ»¹⁴⁹:

Երուանդը դաշնում է միապետ թագավոր, իսկ Երուազը՝ քրմապետ, այսինքն՝ այստեղ գործում է աշխարհիկ և հոգևոր դասի հակադրությունը: Եվ, բացի դրանից, Երուանդն օժտված է չար աչքի հմայական գորությամբ, իսկ Երուազի մասին վկայված ոչինչ չկա:

Երկվորյակների առասպելներին բնորոշ հաջորդ գիծը հակասությունն է նրանց և ծնողների միջև: Սովորաբար առասպելաբանական ճակարդակի ավանդագրույցներում այս գիծը դրսկորվում է նույնությամբ (ծնող-Երկվորյակ), մինչդեռ պատմական բնույթի գրույցներում հակասությունը հիմնականում ծագում է Երկվորյակների և նրանց հովանավորող տերերի կամ թագավորների միջև:

Երուանդը կոտորում է իրեն հովանավորող թագավորի՝ Սանատորուկի ամբողջ ցեղը, և ինքը դաշնում հայոց թագավոր:

Եվ այս հակասություններն առիթ են հանդիսանում Երկվորյակների՝ իրենց տնից, հայրենիքից փախչելուն և հալածվելուն:

Ի տարբերություն մեր մյուս վիպական-պատմական և բանավոր ավանդագրույցների, որտեղ Երկվորյակները փախչում են իրենց տնից, հայրենիքից, Երուանդի վեպում հայրենիքից փախչողները և օտար Երկուում ապաստանողները Սանատորուկի մանուկ որդին՝ Արտաշեսն է ու նրա դայակը՝ Սմբատը:

Երկվորյակների փախուստն ու հալածանքը Երևան է գալիս այն ժամանակ, երբ Արտաշեսն ու Սմբատը պարսկական գործով վերադառնում են հայրենիք, հալածում են Երուանդին, որն էլ փախուստի է դիմում, բայց ի վերջո բռնվում և սպանվում է իր հակառակորդներից: Նույն բախտին է արժանանում նաև Երուազը, որին նետում են գետի հորձանուտը:

¹⁴⁹ Դարությունյան Ա.Բ., նշվ. աշխ., 345:

Հակասությունը երկվորյակների միջև և Երկվորյակների միջազգային առասպելների մոտիվների տարածված գժերից մեկն է: Երուանդի ու Երուազի, ինչպես նաև Դեմետրի և Գիսանեի մասին պատմվող առասպելներում՝ այս գիծը թեև բացակայում է, սակայն վառ արտահայտված ենք տեսնում մեր մյուս Երկվորյակային գրույցներում:

Եվ, ի վերջո, Երուանդն իր միջազգային շատ արյունակիցների նման դառնում է վիպականացված մշակութակերտ հերոս: Եվ քանի որ մեր իին վեպում, ինչպես Մ. Աբեղյանն է պարզել, տարբեր ժամանակների Երուանդ անունով արքաներն ու նրանց արարքները խառնվել ու ձուլվել են իրար¹⁵⁰ և հաշվի առնելով Երկվորյակային առասպելների հիմնական մոտիվները (տիեզերական կամ էթնիկական, սոցիալական նոր կարգի՝ Երկրի, քաղաքի, իշխանության, տոհմի հիմնադրում)՝ տվյալ դեպքում կարելի է ընդունել, որ այս վիպական Երուանդից է սերում Երուանդեանների արքայատոհմը:

¹⁵⁰ Աբեղյան Մ.Խ., Երկեր, հ. Ա., Երևան, 1966, էջ 119:
59

Բ. ԵՐԿՎՈՐՅԱԿՆԵՐԻ ԱՌԱՄՊԵԼԸ
«ՊԱՐՍԻՑ ՊԱՏԵՐԱԶՄԻ» ՀՈՐԻՆՎԱԾՔՈՒՄ

Հայոց երկրորդ հին վեպը «Պարսից պատերազմ» է, որը սկսվում է խիստ պատմականացած երկվորյակային գրույցներով:

«Պարսից պատերազմ» ժողովրդական վեպը ծագել և զարգացել է III-V դարերի սոցիալ-քաղաքական պայմաններում, իսկ հիմնական նաև վերաբերում է III-IV դարերի պատմական իրականությանը¹⁵¹:

Այս վեպի սկիզբը կապված է նոր տոհմերի ծագման հետ, մի կողմից՝ հայոց Մամիկոնյան սպարապետության, մյուս կողմից՝ պարսից Սասանյան հարստությամ¹⁵²:

Մեզ տվյալ դեպքում հետաքրքրում է հայոց կողմը, քանզի «Պարսից պատերազմ» հայ վիպական նորքի արգասիք է: Դիտարկենք այդ գրույցը, որն ավանդվել է երկու տարբերակով՝ Խորենացու և Սեբեոսի Անանուն հատվածում¹⁵³:

Ըստ Խորենացու՝ Սասանի որդի Արտաշիրի թագավորության վերջին տարիներին եղել է Արքոկ անունով մի ճեն-քակուր (թագավորական տիտղոս), որն ունեցել է երկու դայակորդի՝ Բղդիս և Մամգուն անունով, որոնք եղել են մեծ նախարարներ:

Բղդիսը Մամգունի մասին չարախոսում է, և ճենաց թագավորը հրամայում է Մամգունին սպանել: Մամգունն էլ մահից խուսափելու համար իր աղխով ճենաստանից փախչում և ապաստանում է պարսից Արտաշիր թագավորի մոտ:

Այդ իմանալով՝ Արքոկը պատգամավորներ է ուղարկում Պարսկաստան և պահանջում Մամգունին: Արտաշիրը մերժում է պատգամավորների պահանջը, ինչի հետևանքով ճենաց թագավորը

¹⁵¹ Արեյյան Մ.Խ., Երկեր, հ. Ա, Երևան, 1966, էջ 190:

¹⁵² Արեյյան Մ.Խ., նշվ. աշխ., էջ 192:

¹⁵³ Սովուն Խորենացի, Գիրք Բ, ԶԱ, Երևան, 1981, Սեբեոս, Պատմություն, Դ, Երևան, 2005, էջ 24:

պատրաստվում է նրա դեմ պատերազմել: Սակայն Արտաշիրը շուտով մեռնում է, և թագավորում է որդին՝ Շապուհը:

Վերջինս դարձյալ Մամգունին չի հանձնում Արքովին, այլ իր աղխովն իբրև աքսորական ուղարկում է Հայաստան՝ իր գործակալների մոտ: Շապուհը պատգամ է ուղարկում նենաց թագավորին և ասում, որ ինքը Մամգունին չկարողացավ իր ծեռքը տալ այն պատճառով, որ իր հայրը նրան երդում էր տվել արեգակի լույսով: Եվ որպեսզի իրենց մեջ պատերազմ չծագի, Մամգունին հալածել է արևմուտք՝ աշխարհի ծայրը, որտեղ նրա համար մահից էլ վատ է լինելու:

Մամգունը, ոչ իր կաճքով Հայաստան գալով, հանդիպում է Տրդատին, որը վերադառնում էր Հունաստանից: Եվ նա իր ամբողջ գերդաստանով, ընծաներով գնում է Տրդատին դիմավորելու: Վերջինս մեծ սիրով ընդունում է նրան, բնակության տեղ տալիս և ապահովում ապրուստով: Եվ մինչ հայոց թագավորը՝ Տրդատը, պատերազմում է Հայաստան ներխուժած հյուսիսական ազգերի դեմ, նրա դեմ ապստամբության են ելնում Տարոնի Ողական ամրոցի տեր, Սլկունիների նախարար Սղուկ իշխանը և Սիմ լեռան բնակիչները: Տրդատը ստիպված դիմում է հայոց բոլոր նախարարներին և պատվիրում, որ ով Սլկունյաց նահապետին բռնի և իր մոտ բերի, ապա Սլկունյաց ցեղի բոլոր գյուղերը, դաստակերտները, ունեցվածքն ու իշխանությունը ընդմիշտ կհանձնի նրան:

Թագավորի այս պահանջի կատարումը հանձն է առնում Մամգունը, որն իր ամբողջ գերդաստանով ներկայանում է Սղուկին և ծևացնում, թե ապստամբել է թագավորի դեմ:

Սլկունյաց նահապետը միրով ընդունում է նրան, սակայն Մամգունին չվստահելով՝ չի թողնում ամրոց: Մամգունն ամեն ինչով աստիճանաբար շահում է Սղուկի վստահությունը և իրավունք ստանում ազատ ելումուտ կատարել իր ամրոցում:

Անուիետև Մամգունը համոզում է Սղուկին՝ դուրս գալ ամրոցից և որսի գնալ: Որսի ժամանակ Մամգունը նետով թիկունքից հարվածում է Սղուկին և սպանում, ապա իր մարդկանց հետ

հասնում է ամրոց և գրավում բերդը: Կոտորում է Սլկունյաց տոհմի մեծ մասին: Տրդատը կատարում է իր խոստումը և նրան է տալիս Սլկունիների կալվածքը, Ողական ամրոցը՝ իշխանությամբ հանդերձ, ու նախարար կարգում: Եվ նրանից սկիզբ է առնում Մամիկոնյանների նշանավոր սպարապետական տոհմը:

Սեբեոսի Անանուն հատվածում ուշագրավն այն է, որ ըստ Անանուն հեղինակի՝ ինքն այդ գրույցը լսել է հայոց խոսրով թագավորի պալատում ճենաստանից Եկած դեսպանից, որի հավաստնամբ Մամիկի և Կոնակի պատմությունը «Ասեն, սաէ, գուսանք և ի մերում աշխարհին յերգս իւրեանց զՄամիկն և զԿոնակն, արս երկուս լեալ քաջս և գլխաւոր եղբարս հարագատս, որդիք Կառնամայ նախարարին, որ էր երկրորդ ի թագաւորութեանն ճենաստանի... »¹⁵⁴:

Այնուհետև, ըստ այդ գրույցի՝ Եղբայրները գժտվելով ապստամբում են ճենաց թագավորի դեմ, որն իրենց համանայր Եղբայրն էր, բայց հաղթվելով՝ փախչում և ապաստանում են պարթևաց Վաղարշակի որդի Արտավան թագավորի մոտ: Արտավանը, որպեսզի իր և ճենաց թագավորի մեջ խաղաղությունը չվրդովի, և միաժամանակ իր երդումը պահած լինի, նրանց իրենց ամբողջ տոհմով ուղարկում է իր ազգական Հայոց Վաղարշի որդի խոսրով Մեծ թագավորի մոտ՝ Հայաստան:

Սա նշանակում է, որ երկու Եղբայրների այս գրույցն ունի ժողովրդական-գուսանական ծագում և կատարվել է Եղբայրների հայրենիքում՝ ճենաստանում, երգով:

Մեզ հասած այս գրույցի երկու տարրերակում էլ հիշատակված չէ Եղբայրների երկվորյակությունը, սակայն գրույցի կառուցվածքը, գլխավոր մոտիվներն ու վերջնական արդյունքն աներկայորեն վկայում են գրույցի երկվորյակային բնույթը:

Այսպիսով՝ Մամիկն ու Կոնակը, Բղդոխն ու Մամգունը ևս հասարակ կամ սովորական ծագում չունեն: Նրանք ծագում են ճե-

¹⁵⁴ Սեբեոս, նշվ. աշխ., էջ 24:

նական նշանավոր տոհմից, այսինքն՝ արքայազներ են կամ իշխաններ:

Մամիկի, Կոնակի, Մամգունի և Բղդոսի միջև առերևույթ չենք հանդիպում կերպարների հակադրության, ինչը հանդիպում ենք գրեթե բոլոր երկվորյակների առասպելաբանական գրույցներում¹⁵⁵:

Նրանց հակասությունը, ինչպես տեսանք նախորդ վեպում՝ «Վիպասանքում»՝ Երուանդի և Երուազի դեպքում, ևս ծագում է իրենց տերերի կամ թագավորների միջև:

Իսկ երկվորյակների միջև հակասության մոտիվն այս վեպում դրսարպած է մասամբ: Խորենացու մոտ նշվում է, որ Բղդոսի թագավորի մոտ չարախոսում է Մամգունին, որն էլ առիթ է հանդիսանում հայունիքից Մամգունի հալածնան և փախուստի, մինչդեռ Սեբեոսի Անանուն հատվածի տարբերակում Մամիկի և Կոնակի միջև բացարձակ հակասություն չկա:

Եվ, ի վերջո, ճենաց թագավորից ապստամբած և վերջինիս կողմից հալածված Մամիկ և Կոնակ (Մամգուն) Եղբայրները վերջնականապես ապաստանում են Դայաստանում, հաստատվում են Տարոնում և հիմք դնում Մամիկոնյան տոհմին¹⁵⁶.

¹⁵⁵ Հնմտ. Դարրությունան Ս.Բ., նշվ. աշխ. 344-345:

¹⁵⁶ Տոհմի ծագման նմանատիպ պատմության ենք հանդիպում 13-րդ դարի պատմիչ Ստեփանոս Օրբելյանի «Պատմութիւն տանն Սիսական» աշխատության մեջ:

Ավանդության համաձայն Օրբեր ամրոցում մ.թ. 1-ին դարում ապաստան էին գտել Ենաց աշխարհի արքայական տնից մի խումբ փախստականներ՝ գահակալական պայքարում պարտված մի արքայազնի գլխավորությամբ և տեղավորվում են Վրաստանում՝ Օրբեր բերդում: Նրանց սերունդները տեղի աննշեց ստանում են Օրբելյու, այսինքն՝ Օրբերեցիկ անվանումը: Նոյն անունն էլ ամենում է այդ տոհմից շառավիղած սերունդների վրա՝ տարածվելով Օրբելյան ծեսով: Փախստական արքայազնի շառավիղները դառնում են Վրաստանի սպասալարներ և տեր դառնում շատ կալվածների: Բայց Գեորգի թագավորը 1177թ. կոտորել է տալիս նրանց, ազատվում են միայն երկու եղբայրներ: Նրանցից մեկը՝ Իվանեն, Թամար թագուհու օրոք վերադառնում է Վրաստան և ստանում է Օրբեր կալվածը: Նրանցից ծագում են Վրաց Օրբելները: Երկրորդ եղբայրը, Ելիկուս ծառայելով պարսիկների մոտ, կալված է ստանում Երմջակ բերդը և ճահիկ ավանը: Նրանցից էլ ծագում են հայ Օրբելյանները (Տես Օրբելեան Ս., «Պատմութիւն տանն Սիսական», Թիֆլիս, 1912, էջ

Այսպես՝ հայ վիպական ավանդության միջնադարյան նշանավոր հուշարձան «Պարսից պատերազմը» սկսվում է հայ անվանի իշխանական տոհմի՝ Մամիկոնյանների՝ Հայաստանում հիմնավորվելու պատմությամբ, Մամիկոնյաններ, որոնց սպառապետական տան ներկայացուցիչները հայ Արշակունի թագավորների հետ դառնում են «Պարսից պատերազմ» վեպի գլխավոր հերոսներ:

368-373): Ըստ Գ. Գրիգորյանի՝ այս պատմությունը Մամիկոնյաններից նրանց սերած լինելու մի վկայություն է, իսկ Օրբելյանները Գուգարքում հաստափած և քաղկեդոնականություն ընդունած Մամիկոնյանների մի ճյուղն են (Տե՛ս Գրիգորյան Գ.Մ., Օրբելյաններ, ՀՍՀ, հ. 12, Երևան, 1986, էջ 556; Տե՛ս նաև Գրիգորյան Գ.Մ., Սյունիքը Օրբելյանների օրոք, Երևան, 1981):

Գ. ԵՐԿՎՈՐՅԱԿՆԵՐԻ ԱՌԱՍՊԵԼԸ «ՏԱՐՈՆԻ ՊԱՏԵՐԱԶՄՈՒՄ»

Յայոց միջնադարյան վիպական հուշարձաններից է նաև «Տարոնի պատերազմը», որ պահպանվել ու մեզ է հասել Երկու գրավոր աղբյուրներով՝ Սեբեոսի (VIIդ.) և Յովիան Մամիկոնյանի (VIIIդ.) պատմություններում:

Այս վեպը ևս սկսվում է Երկու Եղբայրների՝ ցեղով հնդիկ իշխաններ Դեմետրի և Գիսաննեի պատմությամբ:

Չույզ Եղբայրները դավադրություն են կազմակերպում իրենց արքայի դեմ: Դավադրությունը բացահայտվում է, թագավորը գործով հալածում է նրանց, որոնք, փախչելով Յնդկաստանից, ապաստանում են Յայոց Վաղարշակ թագավորի մոտ: Վերջինս նրանց է տալիս «զերկիրն Տարօնոյ իշխանութեամբ»:

Այստեղ նրանք կառուցում են Վիշապ քաղաքը, այնուհետև գալով Աշտիշատ՝ կանգնեցնում են այն նույն կուռքերը, որ պաշտում էին Յնդկաստանում:

Տասնինգ տարի անց թագավորն անհայտ պատճառով սպանում է այդ Եղբայրներին, բայց իշխանությունը տալիս է նրանց Երեք որդիներին՝ Կուարին, Մեղտեսին և Յորին¹⁵⁷:

¹⁵⁷ Ն. Սառը «Պատմություն Տարօնոյ» Երկու նկարագրված հայկական Կուառ քաղաքի մասին սյուժեի մի հեռավոր արձագանքը համարում է Կիկի հիմնադրման մասին սլավոնական գրույցը: Մեծ գիտնական Երևանշակութային և պատմալեզվաբանական բազմաթիվ տվյալներով հաստատում է, որ մինչև մեր թվականության V-IV դարերը, Կանա լճի ափին գտնվող Կուառ կոչված քաղաքի և վերջինս կառուցող Կuar, Mel-te և Hor+e+an անուններով Երեք Եղբայրների մասին եղած հայկական լեզենդը նյութականորեն շփում է Յայատանի պատմության հնագույն շրջանի հետ և նման է Կիկ քաղաքի և սրա կառուցող Կիյ, Շեկ և Խորիկ անուններով Երեք Եղբայրների մասին վիպակող ուկրաինական համապատասխան լեզենդին: Ըստ այդ լեզենդի՝ Կիյ, Շեկ և Խորիկ անուններով Երեք Եղբայր իրենց քրոջ՝ Լիրեդի հետ գալիս են պոյսական ցեղերի հողը. նստում Երեք լեզենդի վրա, այնուհետև իրենց ավագ Եղբոր՝ Կիյի պատվին կառուցում Կիև քաղաքը: Սարը միաժամանակ հավաստում է, որ այդ Երկու լեզենդներն էլ ծագել են Պոնտական ծովափին Վաղնջական դարերում հորինված սկյութական մի ավանդությունից և ցույց է տալիս, թե ինչպես հիշյալ ավանդությունը բաժանվելով տվել է Երկու առանձին տարրերակներ. մեկը՝ հայկական, մյուսը՝ ուկրաինական (Մարք Հ., Կոնյակ)

Կուառը կառուցում է իր ավանը և այն անվանում կուառ, Մեղսեսն այնտեղի դաշտավայրում կառուցում է մի ավան և այն կոչում Մեղսի: Իսկ կրտսերն անցնում է դեպի Պալունյաց գավառը, որտեղ կառուցելով իր ավանը՝ կոչում է Հոռեանք:

Ժամանակ անց երեք եղբայրները բարձրանում են Քարքելեղոր, որն ընդարձակածավալ որսատեղ էր, զովասուն, խոտի ու փայտի առատ պաշարներ և ինն աղբյուրներ ուներ, այնտեղ կառուցում են դաստակերտ: Դետո կանգնեցնում են երկու կուռք. մեկը՝ Գիսանեի, մյուսը՝ Դեմետրի անուններով և «Ետուն նոցա ի սպասաւորութիւն զազգն իւրեանց: Եւ գիսան զի գիսաւոր էր, վասն այնորիկ և պաշտուանեալը նորա գեսք ունեին»: «Այլ յոյժ զարմանալի էր տեսիլ նոցա, քանզի սկը էին և գիսաւորոք և զարդարատեսակը, զի ցեղով ի Հնդկաց էին»: Քրիստոնյա դառնալուց հետո էլ, որպեսզի իրենց հին հավատը հիշեն «հնարեցան ծամ միայն թողով ի գլուխ ճանկանցն»¹⁵⁸:

Քրիստոնեության ընդունման ու տարածման ժամանակ, ըստ նույն միջնադարյան աղբյուրի՝ Գր. Լուսավորիչը կործանում է Իննականյա տեղերում կառուցված Դեմետրի ու Գիսանեի պղնձակոփ արձանները և դրանց տեղում ամփոփում է Կեսարիայից իր հետ բերած Հովհաննես Սկրտչի (ս. Կարապետի) և Աթանագիննես վկայի մասունքները, վրան կառուցում սուրբ Կարապետի վանքը, հաստատում վանական միարանություն:

Մ. Աբեղյանն այս պատմության մեջ տեսնում է Մամիկոնյան նախնիների՝ Մամիկ և Կոնակ եղբայրների գրուցի «մի մընացած արձագանք հետին դարերի» և գտնում, որ «Գիսանեայ-Դեմետրի անունով պատմվել է Մամ-Կոնի գրուցք»: Նույն տեղում նշում է, որ թեև անունները տարբեր են, բայց «Կապն անունի և

легенда об основании Киева на Руси и Куара в Армении, Заметки яфетическим клинописям,— Известия Российской академии истории материальной культуры, III, N 11-12, 1924, с. 274, 278;Տես նաև Ղանձանյան Ա.Տ., Դրվագներ հայ քանագիւռության պատմության, Երևան, 1985, էջ 143-144; “Повесть временных лет”, ч. 1, подготовка текста Пахачеев Д.С., Перевод Лихачёва Д.С. и Романова Б.А., М.-Л., 1950, с. 12-13.:

¹⁵⁸ Յովհանն Մամիկոնիան, Պատմության Տարօնոյ, Երևան, 1940, էջ 107-110:

մոտիվի միջև շատ թույլ է. անունները հաճախ փոխվում են, մոտիվներն ավելի կայուն են»¹⁵⁹:

Քարքել լեռան այն վայրը, որտեղ կանգնեցվել են Ղեմետրի և Գիսաննեի կուտքերը, եղել է «բարեբուխ» ու աղբյուրառատ, ունեցել է ինն աղբյուր (Իննակնյա), որն էլ, ըստ մատենագրի, հնդիկներն ու պարսիկներն են կոչել այդպես. «Իննակնեան տեղիսդ, զոր բարեբուխ ասեն ոնանք, իսկ «Իննակնեան կոչեն տեղոյն հնդիկը և պարսիկը»¹⁶⁰:

Ս. Դարությունյանը տիպահամենատական հանգամանալից քննություններով պարզում է, որ Ղեմետր և Գիսանների գրույցը, Երկվորյակային լինելով, կապված է Վիշապանարտի ծիսապաշտամունքային արարողությունների հետ, և Եղբայրներն առասպելաբանական առումով եղել են վիշապասպան հերոսներ, իսկ պատմական առումով՝ համայնքի ծիսական առաջնորդ քրներ, որոնք հիմնադրել են ծիսավայր (Վիշապ քաղաք), ուր հավանաբար կատարվել են վիշապանարտի նոր տարվա ծիսական արարողություններ, ռազմի խաղեր ու մենամարտեր, իսկ բուն սրբատեղին գտնվել է Վիշապ քաղաքի կողքին՝ Աշտիշատի բարձունքներում¹⁶¹:

Այսինքն՝ Ղեմետրի և Գիսաննեի գրույցն ունենալով պատմական ավանդության ճակարդակ՝ միաժամանակ հավաստում է նաև Տարոնում վիշապի հետ առնչված պաշտամունքի հիմնադրումը:

Գիսաննե անունն իրանական ծև և իմաստ ունի, մեկնաբանվում է որպես «գիսավոր» (գէս-իրան. «ծամ»): Հովհան Մամիկոնյանը ևս այդ անունը կապում է «գէս» բառի հետ. «Գիսանեայ տեղիք», «յիննակնեան տեղիսն Գիսանեայ կռոցն»¹⁶², իսկ Եղբոր՝ Ղեմետրի անունը բնորոշ է հունականին: Ս. Աբեղյանն

¹⁵⁹ Աբեղյան Մ.Խ., Երկեր, հ. Ա, Երևան, 1966, էջ 298-300:

¹⁶⁰ Յովհան Մամիկոնյան, նշվ. աշխ., էջ 36, 41:

¹⁶¹ Տե՛ս՝ Դարությունյան Մ.Բ., Դայ առասպելաբանություն, Բեյրութ, 2000, էջ 121-167:

¹⁶² Յովհան Մամիկոնյան, նշվ. աշխ., էջ 42, 48:

այս անունը կապում է հունական Դեմետրայի հետ, որը հոդի արգավանդության, պտղավորման աստվածուհին էր և շրջում էր վիշապ լժած կառքով: Իսկ նրա դուստրը՝ Պերսեփոնեն, որը նույն պաշտամունքն ուներ, ինչ որ մայրը, կինն է Հադեսի, որն էլ Ստորերկրայքի կամ Սանդարձամետքի աստվածն է, նշանակում է նաև մահ: Իսկ «Գիսանե, Գիսանեայ անունը... Դեմետրի մի մակողիր եղած պիտի լինի... և Վերջը իբրև առանձին անձնավորություն և եղբայր Դեմետրի»¹⁶³:

Ս. Հարությունյանը թեև ընդունում է Մ. Աբեղյանի այս կարծիքը, բայց, այնուամենայնիվ, մեծ տեղ է հատկացնում ավելի շատ հնդիրանական ավանդության տվյալներին¹⁶⁴:

Դին Իրանում եղել են երիտասարդական ռազմի ծիսապաշտամունքային խորհրդապաշտական միություններ, որոնց մասնակիցները կրել են երկար մազեր՝ նմանվելով վիշապամարտիկ Կերսասապա դյուցազնին, որի մակողիրն է գայս (գիսավոր, գիսակավոր): Վերջինս հաղթում է երեք վիշապների, իսկ Վերջին դատաստանին արթնանալու և սպանելու է շղթայագերծ վիշապ Ամի Դահակային¹⁶⁵:

Վիշապամարտի այդ ծիսակարգին մասնակցող երիտասարդ ռազմիկները կոչվել են *mairyā* («մանուկ»), որոնք մերկ մարմիններին կրել են կաշվե գոտիներ և իրար դեմ ծիսական կրիվներ են մղել: Կռվողներին տրվել են աետա («խենթ», «կատաղի»), ինչպես նաև միջին պրսկ. *gurg* «գայլ» անվանումը, որ տվել են նրանց իրենց հակառակորդները, իբրև երկուտանի գայլերի, որոնք ավելի վտանգավոր են, քան չորքոտանի գայլերը: Ռազմի խորհրդանիշն է եղել սև գույնի դրոշակը, որը կրել է վիշապի պատկեր¹⁶⁶.

¹⁶³ Աբեղյան Մ.Խ., նշվ. աշխ., էջ 299:

¹⁶⁴ Տե՛ս Հարությունյան Մ.Բ., նշվ. աշխ., էջ 123:

¹⁶⁵ Կերսասու, ՄՀՄ, տ. I, Մոսկվա, 1980, ս. 641.

¹⁶⁶ *Widengren Geo*, Die Religionen Irans, Stuttgart, 1965, s. 23-25, ինչպես նաև տե՛ս Հարությունյան Մ.Բ., նշվ. աշխ., էջ 123:

Իբրև հնդիկներ՝ Դեմետրոն ու Գիսանեն իրենց թխությամբ և Երկար մազափնջով նմանվել են նաև հնդկական Կրիշնա աստծուն, որը գուրզով զինված վիշապամարտիկ Կերսասապա դյուցազնի հետ նմանության որոշ եզրեր ունի: Կրիշնան իր բնույթով ևս պաշտպան էր ու ազատարար, պայքարում է դևերի դեմ, հաղթում օձերի հրամանատարին և փրկում հովիվներին ու կովերին¹⁶⁷: Կրիշնա բառացի նշանակում է «սև», «թուխ», «թուխ կապույտ»:

Դեմետրի և Գիսանեի թխությունը կամ սևությունը կապված է թուխ, անձրևաբեր ամպերի անձնավորման հետ և խորհրդանշում է վիշապամարտիկ ամպրոպային հերոսի կամ աստծու հատկանիշները, որոնք բնորոշ են Երկվորյակներին ընդհանրապես:

Նմանատիպ հատկանիշներով են օժտված նաև հայկական «Թուխ Մանուկներ» անվանք սրբերը, որոնց «թուխ» մակրիի մեջ միանգամայն նկատված է, որ թուխը (սև, մթագույն) «խորհրդանշում է անձրևաբեր թուխ ամպը»¹⁶⁸, այսինքն՝ դարձյալ կապված է Երկնային ջրերի, անձրկի, խոնավության հետևաբար և բերքի ու պտղաբերման գաղափարին:

Ըստ ամպրոպային առասպելի և ժողովրդական հավատալիքների՝ վիշապները պատկերացվել են տարբեր կերպարանքներով (օծ, մարդ, ուլոտ, գրաստ, ջորի), որոնք կալերից գողանում են հացահատիկը, հետապնդում որսի կենդանիներին, ծծում; սպառում են ընտանի կենդանիների կաթը: Եվ այդ տիեզերակործան արարածների դեմ կրվում է ամպրոպային բարի աստվածն ու հետ բերում ավարը¹⁶⁹: Դետևաբար, Երկվորյակ աստվածություններն ել, օժտված լինելով ամպրոպային բարի

¹⁶⁷ Կրսահա, ՄՀՄ, թ II, Մոսկվա, 1982, ս. 15-17.

¹⁶⁸ Մարտիրոսյան Դ.Ա., Գեղամա լեռների ժայռապատկերները, Երևան, 1981, էջ 76:

¹⁶⁹ Տե՛ս Արեղյան Մ.Խ., Երկեր, հատ, Ա, Երևան, 1966, էջ 86, Երկեր, հատ, Ե, Երևան, 1975, էջ 112-114:

աստծո հատկանիշներով, նույնպես հանդիսանում են բերքի, բույսերի աճի և բերքատվության պահպաններ:

Ժողովրդական երգերից մեկում Թուխ Մանուկներին բացահայտ դիմում են բերքի պահպանման համար.

Մեռնիմ քըզի սըբ Թուխ-Մանուկ,

նուղ-ճուղ կորեկ թորկես կայնուկ¹⁷⁰.

Բերքի պահպանման համար են ոգեկոչված նաև Իննակնյա տեղիքի Ղեմետը և Գիսանե հեթանոս զույգ կուռքերին փոխարինած քրիստոնյա զույգ սրբերից (Կարապետ և Աթանագինես) Կարապետը, որին ժողովրդական ավանդության տվյալներով ևս վերագրված է հացաբույսերը ոչնչացնող չար ու վնասակար կենդանու՝ մորեխի հալածման և նրանից փրկվելու հույսը.

Քըզի մեռնիմ սըբ Կարապետ,

Սրբերուց զոր ու զորապետ,

Կիտուռն յընցրու, թոթուռն ի հետ¹⁷¹:

Թուխ Մանուկները հատկապես պաշտելի են եղել կանանց կողմից, և ինչպես Ղեմետըն ու Գիսանեն, նրանք նույնպես համարվել են նախնիներ, որի ապացույցներից մեկն է Թուխ Մանուկներին ուղղված հետևյալ ծիսական բարեմաղթությունը. «Աստված օղորմի մեր նախնյաց հոգվոյ»¹⁷²:

Կապված լինելով ջրային տարերքի և պտղաբերման գաղափարի հետ՝ Թուխ Մանուկների մատուռները, ինչպես և Ղեմետընի ու Գիսանեի մեխյանները, կառուցված են եղել աղբյուրների, առվակների, ջրհորների մոտ և օժտված են եղել բուժիչ հատկություններով. «Թուխ Մանուկներու ջրերն ախտածետներուն թժկություն կը պարգևեին»¹⁷³: Եվ ով խներ այդ աղբյուրի ջրից «ամեն կտրիծ ու մանուկ բերեր».

¹⁷⁰ Մնացականյան Աս.Ը., Թուխ մանուկ հուշարձանների մասին, ՊԲՀ, Երևան, 1976, N 2, էջ 199:

¹⁷¹ Բնեսե, Յարը (Աշո Բուլամըխ), Յայ ազգագրություն և բանահյուսություն, հաս. 3, Երևան, 1972, էջ 138:

¹⁷² Տե՛ս Մնացականյան Աս.Ը., նշվ. աշխ., էջ 191:

¹⁷³ Մնացականյան Աս.Ը., Թուխ Մանուկ հուշարձանների մասին, Երևան, 2001, էջ 105:

Ես ունեի երկու թուխ ու թարմ կտրիճ,
Անչափ քար ու խիճ երին,
Ինչուր հանին աղբուրն ի սահրին.
Որն որ էն աղբուրի ջուր խմէր՝
Ամէն կտրիճ ու մանուկ բերեր¹⁷⁴:

Իննակըյա տեղիքում, որտեղ կանգնեցված են եղել Ղեմետ-րի և Գիսանեի արձանները, ինչպես բազմիցս նշել ենք, բխել են աղբյուրներ, որոնք նույնպես ունեցել են զանազան հիվանդություններ բուժելու հատկություն ու կոչվել են «բարեբուխ»: Ու թեև մեհյանների փոխարեն հետագայում խոյացավ Սուրբ Կարապետի վանքը, այնուամենայնիվ, չդադարեց հավատքը այդ ջրերի հրաշագործ զորության նկատմամբ. «Այլ որ յոյսով հաւանեալ և հաւատով գան ի բժշկութիւն ի դուռն եկեղեցոյն, խնդրուածովք Կարապետիս բժշկեսցես զնոսա», - ասում է Գրիգոր Լուսավորիչը¹⁷⁵:

Թուխ Մանուկների մասին եղած պատկերացումների արձագանքները պահպանվել են նաև միջնադարից եկող մի շարք ժողովրդական երգերում՝ անտունիներում, որտեղ և տղաները, և աղջիկները «քրուխ» են, ու ինչպես նշում է Ս. Զարությունյանը, «գունային առունով համասեռություն է ստեղծվում այդ տարասեռ զույգերի միջև, այդ զույգին կամ զույգերին դարձնում միևնույն երևույթի տարասեռ անձնավորումներ»¹⁷⁶.

Տարասեռ զույգերի զրույցը վերաբերում է սիրուն և ամուսնությանը.

- Կըտրիճ, գնե՛, թե գնել կարես,
- նորտակ ու շեն ծանտրագնոչ:
- Թո՛ւխ, ամ ծոցուտ գին հրամե՛,
- Գընեմ զգեզ, թե գնել կարեն:
- Թո՛ւխ մաստօն դու ի թուխս և յուս,
- Օղս է ընկեր, գին՝ ծոցերուս¹⁷⁷:

¹⁷⁴ Նույն տեղում:

¹⁷⁵ Յովիան Մամիկոնեան, նշվ. աշխ., էջ 104:

¹⁷⁶ Զարությունյան Ս.Բ., նշվ. աշխ., էջ 355:

¹⁷⁷ Մնացականյան Աս.Ը., նշվ. աշխ., էջ 105:

Զրի, սիրո և կանանց հետ կապված՝ Թուխ Մանուկների կապի ապացույցներից են նաև հետևյալ անտունիները.

Երկու ծամավոր աղջիկ
Կուժը ձեռ աղբիւր գնացին,
Երկու թուխ-թաճաք կըտրիծ
Չիմ խեծած ինոնց իտև գընացին:
Թեն թուխ մ'էր առեր,
Աղորերես, ա՛յ,
Իր նօշրայպայեկն, ա՛յ,
Օ՛խ, իմ պարոն, էյնեկ,
Կերթար դեպի ջուրն, ա՛յ
Կտրիծ էր հեծել,
Աղորերես, ա՛յ,
Իր քամալ ջարեկն, ա՛յ,
Օ՛խ, իմ պաչոն, էյնեկ,
Որ կերթար դեպ ի հետն, ա՛յ...¹⁷⁸

Զրի և սիրո հետ է կապված նաև իննակնյա տեղիքում աճ-փոփոված զույգ քրիստոնյա սրբերից Կարապետը, որը դիտվել է իբրև ամենափափագատար սուրբ, և նրա առաջին յուրահատուկ գործառույթներից է սիրո փափագի կատարումը. դեռատի աղջիկները յոթ տարի շարունակ պաս էին պահում, ապա յոթերորդ տարում ուխտի գնում Սուրբ Կարապետի վաճքը և խնդրում, որ սուրբն իրենց սրտի փափագը կատարի¹⁷⁹:

Այսպես՝ թե՛ հեթանոս զույգ աստվածները՝ Թուխ Մանուկները և Դեմետրն ու Գիսանեն, թե՛ վերջիններիս փոխարինած քրիստոնյա զույգ սրբերը՝ սուրբ Կարապետ և Աքանագինես, կապված են սիրո, ջրային տարերքի, անձրկի, հետևարար և պտղաբերության հետ առնչվելու գաղափարին, որն էլ միանգամայն բնորոշ է Երկվորյակների միջազգային առասպելներին: Հետագայում հեթանոս այս աստվածությունները, վերախ-

¹⁷⁸ Մնացականյան Աս.Ը., նշվ. աշխ., էջ 107:

¹⁷⁹ Բեմսե, նշվ. աշխ., էջ 45:

մաստավորվելով քրիստոնյա սրբերի կերպարներում, աստիճանաբար մոռացության են տրվել, և նրանց գործառույթները վերագրվել են այդ հուշարձանների մոտ գտնվող ջրերին ու բույսերին¹⁸⁰:

Շտերներօք, ուշադրություն դարձնելով պաշտվող երկվորյակների բազմաշատության ու տեղայնության հատկանիշի վրա և Հունականի օրինակը բերելով, նշում է, որ այդտեղ յուրաքանչյուր քաղաք կամ փոքրագույն գավառ ունի իր սեփական Դիուկուրները՝ իրենց տեղական անուններով¹⁸¹:

«Հունական աշխարհում այդ տեղական երկվորյակներին համարել են ապրած ու գործած հերոսներ, որոնք իրենց քաջագործությունների համար մահվանից հետո պաշտվել են ու աստվածացվել»¹⁸²:

Զույգ Եղբայրների՝ Դեմետրի ու Գիսանեի պաշտամունքի և նրանց հետևորդ՝ հերոսների նկարագրության մի քանի քնորոշ գծերի և արարքների մեջ, ինչպես արդեն նկատել է Ս. Չարությունյանը, երևան են գալիս հնդիրանական ռազմի ծիսական արարողություններ, որ մանրանասն նկարագրված ենք տեսնում Հովհան Մամիկոնյանի գրքում՝ քրմերի պատերազմի ժամանակ։ Այս պատերազմի հիմքում, բնականաբար, ընկած են պատմական որոշակի եղելություններ այն մասին, որ քրիստոնեության տարածման ժամանակ կրիվներ են տեղի ունեցել հեթանոս քրմերի և քրիստոնյա իշխանների գլխավորած զորքերի միջև, և պատմական այս իրադարձություններն ել ծեսվորվել են ժողովրդական ավանդության օրինաշփությամբ¹⁸³։

Առասպելաբանական պատկերացումների համաձայն՝ Իննակնյա տեղիքը գտնվել է հին Սանդարամետք անդնդոցի կամ

¹⁸⁰ Տե՛ս նաև *Մարտիրոսյան Յ.Ա.*, Գեղանա լեռների ժայռապատկերները, Երևան, 1981, էջ 80:

¹⁸¹ Տե՛ս *Ռեմերի Պ.Յ.*, նշվ. աշխ., էջ 141:

¹⁸² *Մանաւականյան Աս.Ը.*, Թուլս մանուկ հուշարձանների մասին, ՊԲՀ, 1976, N 2, էջ 192:

¹⁸³ «Քրմերի պատերազմի մասին» մանրանասն տե՛ս Չարությունյան Ա.Բ., օշվ. աշխ., էջ 131:

դժոխքի դրմերի վրա, որն էլ դիտվել է որպես Աշխարհի կենտրոն, առանցք, որ միմյանց է կապել երկիրը, երկինքն ու ստորերայքը:

Ըստ քրիստոնյա մատենագրի՝ Իննակնյա տեղում «անչափ որջացել էր մահ», «թէ նա իսկ է դրունք դժոխոց», թե «այստեղ է դիացն դուռն: Եւ այնչափ են բազումք ուաք ի տեղլոցն Գիսանէ, որչափ զսանդարամեսս անդընդոց»: Եվ այստեղ գտնվող Դեմետրի և Գիսանեի կուռքերը որակվում են իբրև «զպատկերս սատանայի», որ կործանում է Գրիգոր Լուսավորիչը¹⁸⁴.

Ս. Դարությունյանն առավել ուշադրություն է դարձնում սուրբ Կարապետի վանքի Գալակա վանք անվանմանը, որն իր բոլոր հիմ ու նոր անվանումների համարմանը հիշատակում է Դովիան Մամիկոնյանը. «ի վանս Գլակայ, յիննականեան տեղիսն Գիսանէ կռոցն, ի կայանս նշխարաց սուրբ Կարապետին»¹⁸⁵:

Գալակը, ըստ Ս. Դարությունյանի, հիմ առասպելաբանական անուն է, որը հավանաբար ունեցել է Գլակ <Գլակ<Գեղակ<Գեղակ(ն) հնչյունաբանական հետադարձ անցումները, կազմված Գեղ-և-ակ(ն) արմատներից, որ հանգում է հնդեվլուպական *սել-+*օկ նախածներին, իսկ *սել-ը հաճահնդեվլուպական հասկացություն է և նշանակում է «արոտավայր», «մարգագետին», ուր արածում են մեռելների հոգիները, այսինքն՝ ուա մահվան թագավորության պատկերացումն է, որը հետագայում նշանակել է նաև «մահ», իսկ օկ (օկ i) նախածներին են հանգում հայերեն «ակն» «աչ-ք» բառերը: Եվ համեմատելով բալբիկ-սլավոնական ավանդության տվյալները՝ գտնում է, որ Գլակ և Իննակնյա անուններն առասպելաբանական հասկացություններ են, որոնք գրեթե համանիշներ են և նշանակում են մահվան ստորերկրյա թագավորության ջրառատ տեղեր ու դիտվում են որպես ստորերկրյա քառսային ջրերի հետ կապված դև-վիշապ-

¹⁸⁴ Յովիան Մամիկոնեան, նշվ. աշխ., էջ 36, 99:

¹⁸⁵ Յովիան Մամիկոնեան, նշվ. աշխ., էջ 53:

ների դուրս գալու տեղեր, որտեղ էլ կառուցվել են թե՝ հեթանոսական, և թե՝ քրիստոնեական սրբավայրերը¹⁸⁶:

Երկվորյակ եղայրյաների՝ Դեմետրի և Գիսամեի հիմնադրած Վիշապ քաղաքը¹⁸⁷ գտնվել է հին Աշտիշատի սրբավայրի մոտ, որտեղ կանգնեցված է եղել Վիշապաքաղ Վահագնի մեհյանը, այսինքն՝ Վիշապամարտիկի պաշտամունքատեղին:

Գ. Սրվանձտյանցի վկայությամբ «Տարոնո դաշտի թերանը, Աշտիշատա մոտ, կա մի գեղ, զոր այսօր Բաղչա կը կոչեն տեղացիք, բայց Տարոնո պատմիչ Յովիաննես եպիսկոպոսը Վիշապն անուն կուտա այն տեղին, և քաղաք կը կոչե, ինչպես նաև Գայլ Վահանի ժամանակ Օծ քաղաք կը պատմե Տարոնո դաշտի արևելյան հարավի կողմը, ուր շաճբեր կամ, Մեղրագետի ականքով: Օծ քաղաքի հետքերը, ավերակները, ինչպես նաև անունն ալ՝ կան ցայսօր, և քանի մը տուն ալ բնակիչ ունի մեջը իբրև գեղացի, Մուշեղշեն անունով գեղին մոտ»¹⁸⁸.

Սրվանձտյանցի տեղագրական այս վկայությունները հավաստում են, որ ըստ Յովիան Մամիկոնյանի՝ Վիշապ քաղաքը գտնվել է հին Աշտիշատի մոտ և իր՝ Սրվանձտյանցի ժամանակ Բաղչա է կոչվել: Իսկ Օծ քաղաքն էլ գտնվել է Մշո դաշտի հարավարևելյան կողմում՝ Մեղրագետի ակունքի մոտ՝ ծածկված ընդարձակ եղեգնուտով, որն էլ հավանաբար եղել է Օծ-Վիշապի հին պաշտամունքատեղի, այսինքն՝ կապված ջրային տարերքի հետ: Այս երկու տեղանունները՝ *Օծ և Վիշապ*, մեկ անգամ ևս վկայում են Տարոնում օծի կամ վիշապի պաշտամունքի և համապատասխան ծիսարարողությունների նասին, որ ենթադրել է նաև Գ. Սրվանձտյանցը. «Վիշապը թերևս յուր ահավորությանք՝ ի հնումն պաշտված ալ լինի ի հայոց»¹⁸⁹:

¹⁸⁶ Մանրամասն տես՝ Դարությունյամ Ա.Բ., նշվ. աշխ., էջ 129:

¹⁸⁷ Վիշապ անունն իբրև առասպելաբանական հասկացություն արդեն հուշում է համանուն քաղաքի պաշտամունքային բնույթն ու գործառույթը:

¹⁸⁸ Սրվանձտյանց Գ., Երկեր, հ. I, Երևան, 1978, էջ 68-69:

¹⁸⁹ Սրվանձտյանց Գ., նշվ. աշխ. էջ 69:

Ըստ Գր. Խալաթյանցի՝ Հովհան Մամիկոնյանը Տարոնում չի հիշատակում այնպիսի նշանավոր սրբավայրեր, որպիսիք Վահագնին ու Անահիտին էին, և գտնում է, որ Ղեմետրի ու Գիսանեի պաշտամունքը հենց այդ աստվածներին է վերաբերել¹⁹⁰:

Մշտ Թարքե լեռը, որտեղ գտնվել է Գիսանեի պաշտամունքատեղին, ժողովրդական ստուգաբանության մեջ կոչվել է նաև Մշտ ծամ¹⁹¹:

Եվ հենց նույն այս վայրում հեթանոս աստվածներին՝ Ղեմետրին և Գիսանեին փոխարինած երկու սրբերից Կարապետը նույնպես, ըստ Հովհան Մամիկոնյանի գիսավոր էր «...այր մի գիսաւոր ընդ ամպ որոտացեալ»¹⁹²:

Ընդհանրապես, հնոեկոռոպական ավանդության մեջ ամպոպի աստվածներն ընկալվել են որպես առատ մորուքով և մազերով օժտված էակներ, որոնց մազերի շարժումով էր պայմանավորված ամպոպի աստծու ձայնը՝ որոտը¹⁹³:

Դիտարկելով Գր. Խալաթյանցի վերը նշված, ինչպես նաև հետագա հետազոտողների (Մ. Աբեղյան, Ս. Յմայակյան, Ա. Պետրոսյան) կարծիքները¹⁹⁴, կարելի է ասել, որ Աշտիշատի կուռքերը և իրենց պաշտամունքի բնույթով, և՝ իրենց տեսքով հեռու չեն կարող լինել Թարքե լեռան վրա կանգնեցված Ղեմետրի ու Գիսանեի, հետագայում սուլթ Կարապետի պաշտամունքից¹⁹⁵,

¹⁹⁰ Խալաթյան Գր., Զենոր Գլակ, Յամենատական ուսումնասիրութիւն, Վիեննա, 1893, էջ 26-27:

¹⁹¹ Արեդյան Մ.Խ., Երկեր, հԱ, Երևան, 1966, էջ 298-299:

¹⁹² Յովհան Մամիկոնյան, նշվ. աշխ., էջ 218:

¹⁹³ Իվանոս Բ.Բ., Տոպորօ Բ.Ն., Исследования в области славянских древностей, Москва, 1974, с. 15-16.

¹⁹⁴ Տե՛ս, Արեդյան Մ.Խ., նշվ. աշխ., էջ 321, Յմայակյան Ա.Գ., Կուռար աստվածության պաշտամունքը Յայկական լեռնաշխարհում, ՊԲՀ, N1 (128) էջ 154-155 և Պետրօսյան Ա.Ե., Արմանակի էպոս և միֆոլոգիա, Երևան, 2002, ս. 124-127.

¹⁹⁵ Այս հարցի առնցությամբ գրյություն ունեն նաև այլ մոտեցումներ: Այսպես՝ Դ. Ալիշանն ուշադրություն է դարձնում ոչ միայն Ղեմետրի տաճարի տեղանքի վրա, որ կոչվում է «Արևու ըլլուր», այլ նաև այն հանգամանքի, որ Թարքե լեռան դիմաց գոյություն է ունեցել ևս մեկ բլուր՝ Արեգակնածագ անվամբ, ուր եղել է Անահիտ դիցուու պատկերը (Ալիշան Դ., Յին հավատը կամ հեթանոսական կրօնը Յայոց, Վենետիկ 1895, էջ 268), որ է «մայր ամենայն զգաստու-

միայն մեկ հակադրությամբ, որ Վահագնի և սուրբ Կարապետի մազերը հուր, բոց ու լուսավոր էին, իսկ Գիսանեի և Դեմետրի ժառանգները «սկը էին և գիսաւորք...», որոնք քրիստոնյա դառնալուց հետո էլ «հնարեցան ծամ թողու ի գլուխ մանկանց»¹⁹⁶:

Սուրբ Կարապետի պաշտամունքը, ինչպես ապացուցել է Մ. Աբեղյանը, առնչվում է Վահագնի հետ¹⁹⁷, այսինքն՝ այն հատկանիշները, որոնք ժողովրդի պատկերացմամբ հատուկ էին սուրբ Կարապետին, հատուկ են նաև Վահագնի կերպարին: Դա նախ և առաջ Վահագնի Վիշապամարտիկ լինելու և հաղթանակ ու քաջություն պարզող էրթյան մասին է, որից հայոց թագավորները քաջություն էին հայցում:

թեանց, բարերար, ամենայն մարդկան բնութեան», խնանակալ, «ոսկեմայր ոսկեծին» (Ազարանգեղոս, Դայոց պատմություն, Երևան, 1983, էջ 452): Թերևս հենց Արև աստծոն պաշտամունքի մասին է վկայում «Տարոնի պատմության» մեջ Արձան քրօնապետի սպառնալիքը՝ ուղղված Գրիգորի բանակին. «Ո՞չ գիտեք, զի այսաւը մեծն Գիշանե... հարկանելոց է զծեզ կուրութեամբ և մահուամբ» (Յովհան Մամիկոնեան, նշվ. աշխ., էջ 85), իսկ կուրությամբ կարող է պատմել Արեգակն իր ասեղային ճառագայթներով: Յայկական ավանդագրույցներում Արեգակն իր ասեղային ճառագայթներով կուրացնում է նրանց, ովքեր փորձում են նայել իր մերկ մարմնին (Դամայան յան Ա.Տ., Ավանդապատում, Երևան, 1969, էջ 5-7), կամ էլ առավոտ ժեղին լեռան ետևից արևը նայի իր հրեշեն վարսերն է ոցոյ տալիս, իսկ հետո նոր բարձրանում Երկնականար (Մրծվանոյանց Զ. Երկեր, հ. Երևան 1978, էջ 76-77): Ալաշկերտցիները, սովորության համաձայն մանուկների գլուխմերը խուզելին, գլխի վրա շրոված մաս են թողել, որ կոչվել է «կալ», որն ունեցել է արևին համարժեք նշանակություն (Եմինեան ազգագրական ժողովածու, հ. Ա. Մոսկվա-Ալեքսանդրապոլ, 1901, էջ 203):

Յայկական միջնադարյան գրավոր արյուրներում Վահագնի անունը ընթառվել է իբրև Արեգակ: «Տօնական մատեան» ծենագրում նշված է. «Ոմանք զարեգակն պաշտեցին և Վահագն կոչեցին...» (Նոր բառագիրք հայկագետն լեզուի, հ. II, Երևան, 1981, էջ 771):

Փիլին Եբրայեցու «Կասն տասնաբանեան օրինաց» գրվածքի հայերեն թարգմանության մեջ նշված է. «Քանզի կոչէն ոնանք... զիուր Նեփեստոսն և արեգակն զՎահագն» (Արենյան Մ.Խ., նշվ. աշխ., էջ 75): Գիսանեի Երկար վարսերը նոյնապես կարող են արևի ճառագայթներ խորհրդանշել:

¹⁹⁶ Յովհան Մամիկոնեան, նշվ. աշխ., էջ 110:

¹⁹⁷ Արեղյան Մ.Խ., նշվ. աշխ., էջ 321:

Քրիստոնեություն ընդունելուց հետո հայերն արդեն սուրբ Կարապետից են խնդրում հաղթանակ ու քաջություն:

«Տարոնի պատերազմ» ժողովրդական վեպի թե՛ հերոսները, և թե՛ հոգևորականները պարսիկների դեմ կռվելու ժամանակ օգնության են կանչում սուրբ Կարապետին. «Յիշեա զմեզ, սուրբ Կարապետ եւ զմեր երախտիսն, եւ որպէս աւգմեցեր ի հեռաստանէ, աւգմես եւ ի մատոյոյ: Եւ եհաս ի թիկունս աւգմականութիւնն աստուծոյ», – դիմում է Սմբատը կրվի մեջ նեղն ընկնելիս: Կամ՝ «Ով տէր զարութեանց, զարաց զմեր պատերազմողսն եւ արայմաւթ գթշնմամիսն: Ո՞վ Կարապետ Քրիստոսի, զարթի՛ր ի ձայն պաշտանէից քոց», կանչում են Վահանյանները՝ ծնկի գալով¹⁹⁸:

Յաճախ պատերազմ գնալուց առաջ հերոսներն ուխտի են գնում Ս. Կարապետի վանք, ծիսական արարողություն կատարում (12 թուր դնում էին բեմի առաջ և պատարագ էին մատուցում) և խնդրում. «Զարթի՛ր տեր եւ զարթո զզարութիւնս քո»¹⁹⁹:

Եվ պատերազմի ժամանակ Տարոնի հայ իշխաններին միշտ օգնության էր համնում գիսավոր, լուսաճաճանչ մազերով, արյունոտ սրով զինված, ամպերի մեջ որոտացող սուրբ Կարապետը:

Ինչպես բազմիցս նշել ենք, հեթանոս քրմերին հաղթանակած Գրիգոր Լուսավորիչը, կործանելով գոյգ աստվածությունների՝ Ղեմետորի և Գիսանեի արձանները, նույն արձանների տեղում ամփոփում է Կեսարիայից իր հետ բերած ջրի ու մկրտության հետ կապված Յովիաննես Մկրտչի (Կարապետի) և վիշապասպան սուրբ Աթանագիննես վկայի նշխարները, և կառուցում սուրբ Կարապետի նշանավոր Եկեղեցին²⁰⁰: Կեսարիայի Ղեղնդ հայրապետին հղած Գրիգոր Լուսավորչի թղթում Յովիաննես Մկրտչիը (Կարապետ) գնահատվում է իրուկ բարեխսոս միջնորդ աստծոն և մարդկանց միջև և համեմատվում է փրկչի՝ Քրիստոսի հետ, որ ինչպես նրա գալը ու Յորդանանում Յովիաննեսի կող-

¹⁹⁸ Յովիան Մամիկոնեան, նշվ. աշխ. էջ 219, 239, 264, 271 և այլուր:

¹⁹⁹ Նշվ. աշխ. էջ 252:

²⁰⁰ Նշվ. աշխ. էջ 110-111:

մից մկրտվելն է դիտվում իրեն մահվան ոչնչացում, այդ կերպ նաև Հովհաննես Մկրտչի և Աթանագինես վկայի նշխարների բերումով և Իննակնյա տեղում ամփոփելով՝ խորտակվում են տեղի դժոխքի դրները, ուր «որջացեալ էր մահ...» և որ զույգ սրբերի նշխարները Դայոց աշխարհի համար կենաց գանձ են համարվում²⁰¹:

Ժողովրդական ավանդության տվյալներով սուրբ Կարապետը հենց սկզբից հանդես է գալիս իրեն դիվամարտիկ: Նա Իննակնյա տեղերի բոլոր դևերին հավաքում և լցնում է զնդանը, բացառությամբ Կաղ Պիկի, որը խնդրում է իրեն չբանտարկել, իսկ ինքը կդառնա Եկեղեցու փոշեհանը²⁰²:

Սուրբ Կարապետին՝ իրեն ամպրոպային աստծո, վիշապամարտիկի գծերով օժտված առասպելական անձի, տեսնում ենք դարձյալ մեր միջնադարյան ավանդության մեջ:

Արծրունյաց Մարիամ տիկինը, հակառակ արգելքի²⁰³, մտնում է վաճք և ուխտը կատարելուց հետո դուրս է գալիս ու հանկարծ տեսնում է իրեն մոտեցող սուրբ Կարապետին և բացականչում. «Տեսանեմ այր մի գիսաւոր ընդ անպս որոտացեալ եւ ելեալ յեկեղեցոյն զայ առ իս. տեսանեմ առ նա զեն սրեալ եւ թագուցեալ եւ յարեան ներկեալ»: Այդ խոսքերի վրա ս. Կարապետը հարվածում ու տեղնուտեղը սպանում է բարեպաշտ տիկնոջը²⁰⁴:

Անդրադառնալով Իննակնյա տեղիքում ամփոփված քրիստոնյա մյուս սրբին՝ Աթանագինեսին, նշենք, որ ըստ վկայաբանության՝ ծնվել է քրիստոնյա ընտանիքում: Գոթերն արշավում են նրա հայրենիք, ավարում և գերում են բնակչությանը: Աթ-

²⁰¹ Նշվ. աշխ. էջ 35-37:

²⁰² Ընդհանրապես հեթանոսական սրբավայրերի տեղում կառուցված քրիստոնեական տաճարներում հիշատակվող դևերի անվան տակ հասկացել են տվյալ վայերում պաշտված հեթանոս նախկին աստվածություններին և նրանց գործակիցներին (ինչ քրմերին):

²⁰³ Կանանց մուտքը ս. Կարապետի վաճք արգելված էր, քանի որ ըստ Աստվածաշնչյան ավանդության՝ Հովհաննես Մկրտչի (Կարապետի) մահվան պատճառը եղել է կին:

²⁰⁴ Յովհան Մամիկոնեան, նշվ. աշխ. էջ 154-155:

նագինեսը գնում է Գոթաց աշխարհ՝ իր հայրենակիցներին ազատելու: Նա մի գյուղի մերձակայքում հանդիպում է ծովակի, որտեղ բնակվում էր «մեծագոյն վիշապ մի ահաւոր», որը հափշտակում էր բնակիչների անասուններին և մանուկներին: Գյուղացիները վիճակ գցելով պարզում են, թե ում մանկանց պետք է տան վիշապին որպես կեր: Աթանագինեսը սկսում է աղոթել աստծոն՝ խնդրելով զարկել վիշապին և կտոր-կտոր անել: Նրա աղոթքի ժամանակ հսկա վիշապը դուրս է սողում բնից, Աթանագինեսն էլ իր ծեռքի գավազանով (գավազանը ևս ամպրոպային իին աստվածների գենքերից է) սպանում է վիշապին և ազատում մանկանց²⁰⁵:

Այսպես՝ օտար աշխարհից եկած հերոսը կրվում է ջրարգել վիշապի դեմ և ազատում Վիշապին կեր մատուցված երեխային (դյուցազնական հեքիաթներում աղջկան, կույսին), ջրով ապահովում տեղի բնակչությանը: Այս պատճությունն իր երթյամբ ամպրոպային աստծո կամ հերոսի տարածված ու ավանդական առասպել է, որտեղ Աթանագինեսը հանդես է գալիս որպես վիշապամարտիկ: Զրի հետ կապված այս վիշապամարտիկ սրբի ամպրոպային հատկանիշը բացահայտ դրսնորված ենք տեսնում նրա նահատակությունից հետո իր հսկ հիշատակի օրը (հուլիսի շոգ ու տոր օրերին) կատարվող ծիսակատարությունից²⁰⁶, որն ըստ Եկեղեցական տոնացույցի՝ կատարվում է Վարդավառի կիրակից մեկ շաբաթ անց՝ երեքշաբթի հունիս և հուլիս ամիսներին²⁰⁷:

Այսպիսով՝ այս գոյգ ամպրոպային վիշապամարտիկ սրբերը իրենց պաշտամունքով փոխարինելու եկան հեթանոս գոյգ աստվածություններին՝ Դեմետրին ու Գիսանեին, և դարձան նրանց

²⁰⁵ Կարդ և վկայաբանությունք սրբոց, հատընտիր քաղեալք ի ճառընտրաց, հ. Ա, Վենետիկ, 1874, էջ 47-48:

²⁰⁶ Այդ օրերին ջուրը խիստ սակավում է, բայց ով որ նրա հիշատակը հարգում և կատարում է, ջրոր է փորում, ուր նրա հիշատակի օրը ջուր է բխում: Մարտամասն տե՛ս նաև Ղարությունյան Ա.Բ., նշվ. աշխ., էջ 146:

²⁰⁷ Տօնացոյց, Վաղարշապատ, 1906, էջ 132:

գործառույթի շարունակողմերը քրիստոնեական նոր կրոնի ազդեցության տակ:

Ս. Հարությունյանի կարծիքով, Աթանագինեսի ամպրոպային բնավորությունն ու վիշապամարտի գործառույթը գալիս է քրիստոնեական վկայաբանությունից, մինչդեռ ս. Կարապետի գործառույթները սերում են ոչ թե նորկտակարանային ավանդությունից, այլ պատկանում են իր փոխարինած աստվածություններին, որոնցից էլ փոխանցվել են նրան ռազմի, ամպրոպային հատկանիշներ: Եվ ինչպես Դեմետր և Գիսանե գույգ աստվածությունների մեջ մեկի աստիճանական գերակայություն է կատարվում, մոռացվում է անգամ մյուսի անունը (Դեմետր), այնպես էլ նրանց փոխարինված գույգ սրբերից՝ Յովիհաննես Մկրտիչ և Աթանագինես, գերազանցությունը տրվում է առաջինին, իսկ սրբավայրն ու պաշտամունքը կոչվում է առաջինի ոչ թե բուն անվանք, այլ մականվաճր՝ Կարապետ (ինչպես «Գիսանե» մականվան դեպքում), որը նշանակում է «առաջնորդ», «ռահվիրա»²⁰⁸:

Այսպիսով՝ քննելով Դեմետրի և Գիսանեի առասպելական գրույցը, տեսնում ենք, որ գույգ եղբայրներն իրեն երկվորյակներ, հանդես են գալիս որպես նոր քաղաքի ու պաշտամունքի հիմնադիրներ, վիշապամարտիկներ, որոնց պաշտամունքը կապված է լեռնային բարձունքների և Աշխարհի կենտրոնի ու ստորերկրայքի դրաների հետ:

Այս գրույցում և երկվորյակները ոչ թե հասարակ մարդիկ են, այլ իշխանագունեներ: Եղբայրների միջև չենք հանդիպում կերպարների հակադրության, իսկ նրանց հակասությունը, ինչպես նախորդ երկու գրույցներում տեսանք, և ծագում է իրենց տերերի կամ թագավորների միջև, որն էլ ի վերջո հանգեցնում է պատժի: Նրանք արտաքսվում են հայրենիքից:

Դեմետրի և Գիսանեի առասպելում բացակայում է երկվորյակների միջև եղած հակասության համընդիանուր հատկանիշը: Եվ, ի վերջո, սեփական երկրից հալածված եղբայրներն

²⁰⁸Տե՛ս Հարությունյան Ա.Բ., նշվ. աշխ., էջ 148:

ապաստանում են Յայոց աշխարհում, դառնում Տարոնի իշխաններ, իիմնում Վիշապ քաղաքը, Աշտիշատում կուռքեր կանգնեցնում, իրենց մահից հետո սրբացվում և դառնում պաշտամունքի առարկա:

Մի խոսքով՝ այս երկու եղբայրներն էլ նախորդ զրույցների երկվորյակների նման դառնում են մշակութային նոր իրողությունների հիմնադիր նախնիներ:

Փաստորեն «Տարոնի պատերազմ» վեպը սկսվում է երկվորյակային զրույցով և ավարտվում երկվորյակներին փոխարինած քրիստոնյա զույգ սրբերի պատմությամբ:

Դ. ԵՐԿՎՈՐՅԱԿՆԵՐԸ «ՍԱՍՆԱ ԾՈՒՇՈՒՄ»

«Սասնա ծոեր» հերոսավեպն իր գրառումից ի վեր արժանացել է տարբեր հետազոտողների ուշադրությանը և մինչև այսօր էլ ուսումնասիրվում է հայագիտության տարբեր ճյուղերի ներկայացուցիչների կողմից:

Դերոսավեպի գրառման և պատումների հրատարակման ուղղությանք հսկայական աշխատանք է կատարվել անցած շուրջ մեկուկես հարյուրամյակի ընթացքում: Գրառվել և գիտական հրատարակության են արժանացել շուրջ մեկուկես հարյուրակի չափ պատումներ, հետազոտվել են դրանցում պարունակվող սյուժեների, մոտիվների և կերպարների պատմական, առասպելաբանական պատկերացումների դրսերումները:

«Սասնա ծոերը» թեպետ անցել է դարերի հոլովույթով, փոխվել, փոխակերպվել է տարբեր դարաշրջանների մտայնության համենատ, ունեցել է շատ մոտիվների կորնչումներ և նորերի ծեռքբերումներ, այդուհանդերձ պահպանել է հիմնականը՝ այն վաղնջական ինվարիանտային (չփոփոխվող) սյուժեների նախատիպերը, որոնց հիման վրա են հետագայում ձևավորվել, վիպապատմական խավավորման ենթարկվել և զարգացել հերոսավեպի վիպական չորս առանձին ճյուղերը, որոնք բանավոր ավանդությամբ մեզ են հասել «Սասնա ծոեր» անվամբ, որի հիման վրա էլ ստեղծվել է «Սասունցի Դավիթ» համահավաք բնագիրը:

Դայոց վաղագույն առասպելաբանական վեպի՝ «Վիպասանքի», դյուցազնական առասպելները գրեթե նույնությամբ և միևնույն հերթականությամբ (ինչպես ապացուցել է Մանուկ Աբեղյանը)²⁰⁹ փոխանցվել ու մտել են մեր համեմատաբար նոր «Սասնա ծոեր» հերոսավեպի մեջ: Սա վկայումն է այն իրողության, որ այդ առասպելներն այն հնավանդ չփոփոխվող սյուժեներն են, որոնց հիմքի վրա են ձևավորվել թե՝ մեր անդրանիկ

²⁰⁹Աբեղյան Մ.Խ., Երկեր, հ. Ա, Երևան, 1966, էջ 424:

առասպելաբանական վեպը՝ «Վիպասանքը», և թե՛ մեր նոր ազգային վեպ «Սասնա ծոերը»:

Մ. Աբեղյանը «Սասնա ծոեր» ժողովրդական վեպը բնորոշել է որպես հայ հասարակության զարգացման նախընթաց փուլերի բազմակողմանի ու բովանդակալից արտահայտություն, հայ ժողովրդի մանկության հուշարձան²¹⁰: Եվ նա մեր նոր հերոսավեպի ծևավորման մեկնակետ է դիտում ավելի շատ պատմական իրադարձությունն ու անձը՝ չժխտելով իհարկե նաև վեպում առկա առասպելաբանական տարրերը: Մեծ հայագետը միաժամանակ ապացուցում է, որ «Սասնա ծոերը», «Պասից պատերազմ» և «Տարոնի պատերազմ» հայ իհն ժողովրդական վեպերի նոր կերպարանափոխությունն է պատմական նոր դեպերի ազդեցությամբ²¹¹:

Տակավին վեպի անդրանիկ պատումի գրառող Գ. Սրվանձտյանը արդեն ուշը էր դարձրել Միերի կերպարի դիցաբանական հատկանիշների և պաշտամունքատեղիի վրա: Իր պատումի առաջարանում նկարագրելով «Միերի դուռ» կոչված քարանձավը և ներկայացնելով դրա հետ կապված Միերի մասին ժողովրդական ավանդությունները՝ Գ. Սրվանձտյանը խորաթափանցորեն նկատում է. «Գուցե Միերն ինքը Միհր մեծն լինի և յուր դուռը ուղղակի հարավո հանդեա կամ արևու լինելով պաշտելու պատշաճ»²¹²:

Սրվանձտյանի այս նկատումը հետագա ուսումնասիրողների համար ունեցավ ելակետային նշանակություն և տարրեր գիտնականների կողմից (Մ. Աբեղյան, Ստ. Կանայանց, Թ. Ավելիբեգյան, Կ. Մելիք-Օհանջանյան, Յ. Օրբելի, Ս. Հարությունյան) հիմնավորվեց և ապացուցվեց, որ երկու Միերի անվան ու արարքների հիմքում ընկած են Միհր աստծո անվան առասպելների ու պաշտամունքի հիշատակները:

²¹⁰ Նշվ. աշխ., էջ 40-41:

²¹¹ Նշվ. աշխ., էջ 380-400:

²¹² Սրվանձտյանց Գ., Երկեր, հ. Ա, Երկան, 1978, էջ 88:

Նույն կերպ հայ և այլազգի մի խումբ գիտնականների կողմից (Մ. Աբեղյան, Յ. Օքբելի, Ժ. Դյումեզիլ, Ե. Մելետինսկի, Ս. Շարությունյան) նախանշվեցին և հիմնովին ապացուցվեցին, որ «Սանասար-Բաղդասար» վիպական ծյուղի հիմքում ընկած է սրբազն Երկվորյակների միջազգային տարածված առասպելը՝ պատճականացված, վիպականացված, տեղայնացված և ազգայնացված: Իսկ հնդեվրոպական, այսպես կոչված, հիմնական (ամպրոպային) առասպելի և նրա ամպրոպակայծակնային հերոսների (Սանասար, Դավիթ, Սիեր, Ծովյան-Ծովինար) մեր էպոսում անդրադարձված հիմքերի վեր բացահայտումների նախապատիվը պատկանում է Մ. Աբեղյանին, որի հետևությամբ հետագա ուսումնասիրողներն ընդլայնել ու խորացրել են դրանք և տվել նոր լուսաբանումներ: Այսինքն՝ «Սանա ծռերի» բոլոր չորս ծյուղերի գլխավոր կերպարների արարքներում բացահայտ դրսորված են ամպրոպային տիեզերաշեն հերոսներին բնորոշ մի քանի գործառույթներ ու մոտիվներ, որոնք վկայում են մեր վեպի ժառանգական խոր կապը հնդեվրոպական այդ հնավանդ հիմնական առասպելի հետ՝ չբացառելով, անշուշտ, առաջավորասիհական այլ ավանդությունների (հնդիրանական, հունական, միջազետքյան) ազդեցության հնարավորությունը: Բոլոր դեպքերում մեր վեպի առամպելաբանական հիմքերի բացահայտումները վկայում են «Սանա ծռեր» նոր հերոսավեպի ծագումնաբանության վաղնջական արմատներն ու հնագույն ակունքները:

«Սանա ծռեր» հերոսավեպի սկզբնամասը ևս սկսվում է սրբազն Երկվորյակների վիպականացված առասպելներով: Դրաշաճնունդ Երկվորյակների այս առասպելի հնագույն տարբերակը տակավին հին աշխարհում կապվում է պատճական մի նշանավոր իրադարձության հետ, որն արձանագրված է մ.թ.ա. թարելական սեպագիր մի ժամանակագրության մեջ և Աստվածաշնչի Չորրորդ թագավորության գրքում:

Ըստ այս գրուցների՝ Ասորեստանի Սինախերիք (Սենեքերիմ) թագավորի որոիները՝ Սարասար և Աղրամելիք, սպանում են

իրենց հորը (ըստ Աստվածաշնչի՝ տաճարում աղոթելիս) և փախչում անհայտ ուղղությամբ (Արարադա Երկիրը)²¹³:

Նեպք կատարվել է մ.թ.ա. 681 թվականին: Սինախերիբին հաջորդած նրա մյուս որդու՝ Ասարիսադոնի արձանագրությունների համաձայն հայրասպան Եղբայրները «Լսելով իմ արշավի մոտենալու մասին, թողեցին իրենց հավաքած զորքերը և փախան հայտնի չեն, թե ուր»: Մարդասպան Եղբայրները, պարտություն կրելով, փախչում են Շուպրիա²¹⁴:

Ըստ Մովսես Խորենացու՝ Յայատան ապաստանած Եղբայրներից Սանասարին (Սարասար) «մեր քաջ նախնի Սկայորդին»՝ Պարույրը, բնակեցնում է Ասորեստանի սահմանների մոտ՝ Յայատանի հարավարևմտյան մասում: Սանասարի սերունդը, աճելով ու բազմանալով, լցնում է Սիմ լեռը (Սասուն): Սանասարից են, ըստ Մովսես Խորենացու, սերում Աղճնյաց աշխարհի բդեշխները: Իսկ Եղբայրը (ըստ Մ. Խորենացու՝ Արգամոզան) բնակվում է նույն Սիմ լեռան հարավարեւելյան կողմում, և նրանից առաջ են գալիս Արծրունի ու Գնունի նախարարական տները²¹⁵:

Ահա այս գրույցները իինք են ծառայել «Սասնա ծոերի» առաջին վիպաճյուղի համար, որն էլ հայկական հողի վրա պատմական նոր արմատներ է ընծոյուղել և վերածվել Աղձնիքի բդեշխության, Արծրունի ու Գնունի նախարարական տների, անգամ լեռնաբնակ սասունցիների երնիկական ծագումը պատճառաբանող պատմական իրողության²¹⁶:

«Սասնա ծոերում» Սանասարից և Բաղդասարից բացի, որոշ վերապահումներով երկվորյակային զույգեր են Դավիթն ու Մսրա Մելիքը՝ ծնված նույն հորից, բայց տարբեր մայրերից:

²¹³ Աստուածաշունչ, Թագ. 7, Ժք, 36, 37:

²¹⁴ Յայ ժողովրդի պատմություն, հ. I, Երևան, 1971, էջ 426, նաև Աղոնց և, Յայաստանի պատմություն, Երևան, 1979, էջ 130-136:

²¹⁵ Մովսես Խորենացի, Յայոց պատմություն, Երևան, 1981, Գիրք Ա, ԻԴ:

²¹⁶ Տե՛ս Մովսես Խորենացի, Յայոց պատմություն, Գիրք Ա, ԻԴ, Թովմա Արծրունի և Անանուն, Պատմություն Արծրունյաց տան, Երևան, 1978, էջ 138:

Երկվորյակ գույգեր են դիտվել նաև Մեծ և Փոքր Մհերները, այսինքն՝ պազն ու թոռը՝ իբրև մեկ ամբողջական կերպարի երկատման արդյունք²¹⁷: Վեպում երկվորյակային գույգերին բնորոշ հատկանիշներ են նկատվել նաև խոր Սանուկի և Պարոն Աստղիկի կերպարներում²¹⁸:

Սույն հետազոտության մեջ անդրադառնում ենք միայն Սանասարի և եղբոր, իսկ որոշ վերապահումներով՝ Դավթի և Մսրա Մելիքի վիպաճյուղերի՝ իբրև երկվորյակային գրույցների վիպական դրսերումների:

Անդրադառնանք վեպի երեք տիպաբանական խմբերին և նրանց մեջ հանդես եկող երկվորյակային գրույցների տարրերակային դրսերումների քննությանը:

²¹⁷ Աբրամյան Լ.Ա, Պարные образы "Сасна црер": Близнецы, сводные братья, двойственныe герои, Յայլկական «Սասնա ծոեր» էպոսը և համաշխարհային էպիկական ժառանգությունը, Երևան, 2004, էջ 62:

²¹⁸ Զաքարյան Ե.Լ., Խոր Սանուկ և Պարոն Աստղիկ կերպարների գույգը «Սասնա ծոեր» էպոսում, Յայլկական ժողովրդական էպոսը և համաշխարհային էպիկական ժառանգությունը, Երևան, 2006, էջ 162:

1. ՍԱՆԱՍԱՐԻ ԵՎ ԵՂԲՈՐ ՎԻՊԱԿԱՆ ԶՐՈՒՅՑՆԵՐԸ

ա. ՄՈԿԱՑ ՏԻՊԱԲԱՆԱԿԱՆ ԽՈՒՄԲ

Մոկաց տիպաբանական խմբի պատումներում տարածված են քառաջուղ տարբերակները, որոնց գերակշիռ մասը հանդես է գալիս առաջին ճյուղով (հատ. Ա՝ Գ, Է, Ժ, ԺԱ, ԺԲ, ԺԹ Ի, ԻԲ, ԻԳ, ԻԴ, ԻԵ, հատ. Բ՝ Գ, Է, Ժ, ԺԱ, ԺԲ, ԺԹ, Ի, ԻԲ, ԻԳ, Ի, Դ, ԻԵ, հատ. Բ՝ ԺԳ, ԺԶ, հատ. Գ՝ Ա, Բ, Գ, Դ), իսկ հինգ պատումներ ներկայացնում են միայն առաջին ճյուղը (հատ. Ա՝ Գ, Դ, Է, Ի, հատ. Բ, մաս Բ՝ ԺԹ):

Մոկաց պատումների այս ճյուղում ընդգծված է յուրային և օտար հակադրության մոտիվը, որն սկսվում է Կոապաշտ թագավորի ամուսնության պահանջով և Խաչապաշտ թագավորի հպատակությամբ, որին էլ անմիջապես հաջորդում է Երկու կողմերի միջյանց հետ բախման նախապատրաստությունը կամ կրիվը, որը կանխվում է հիմնականում աղջկա անձնազոհությամբ.

Կոիվ արեցին, շատ դոշում սպանեցին.

Խաչապաշտ թագավոր կոտըրվից:

Աղջիկ երդիկ կայնիր Եր, ասաց.

-Վոր իմ խերն ինանար,

Եսքան մեղք չեր ըցկի իմ շլինք, ինձ կը տար:

(հատ. Ա՝ Գ, Էջ128):

Պատումների գերակշիռ մասում աղջիկն իր հետ վերցնում է իայ հոգևորականների, որոնք օտար Երկրում պետք է դառնային իր ազգային և կրոնական պաշտպանները: Վերը նշված պատումում (հատ. Ա՝ Գ) վարդապետին աղջկա հետ ուղարկում են այն պայմանով, որ Եթե տղա ծնվի, կնքեն թոնրի վրա²¹⁹:

Մանուկ Յարությունյանի տարբերակում (հատ. Ա՝ ԺԲ) կոապաշտ թագավորի փոխարեն հանդես է գալիս քուրդ բեկի տղան, որը կնության է վերցնում խաչապաշտի աղջկան: Գա-

²¹⁹ Հիշենք, որ թոնիրը՝ որպես կրակի օջախ, Յայաստանում հատուկ պաշտամումքի առարկա է եղել մինչև XX դարը:

Վաշցի Զարդար Տեր-Մխիթարյանի պատումում (հատ. Ա' Ի) ընդգծվում է Երկու կողմերի կրոնական հակադրությունը և այստեղ խաչապաշտ թագավորի աղջկա փոխարեն հանդես է գալիս տերտերի աղջիկը, իսկ աղջկան անուսնացնելու որոշումը կայացնում է Վարթապատրակա եպիսկոպոսը.

Ինչ Վարթապատրակա իպիսկապոսն Եր,-Եկավ:

Ետա տեղ խորհուրդք Երին:

Իպիսկապոս ասաց.

Սեկ հոգու պատճառ ա՞զք մը տաք կտրել.

Չե՛, Ետա մեկ հոգին թըխ Երթա յես կ'Երթամ խետ:

(հ. Ա' Ի, էջ 875)

Այնուհետև, օտար կռապաշտ թագավորի կողմից բռնությանք կին տարված խաչապաշտի դուստրը խնդրում է ամուսնում զբոսանքի կամ ուխտագնացության գնալ (հատ. Ա' Ժ, ԺԱ), որտեղ էլ ծովից բխած հրաշագործ աղբյուրից խմած բուռուվես ջրից հղիանալով՝ ծնում է Երկվորյակներ: Այստեղ արդեն գործում է Մոկաց պատումներում գերիշխող անարատ հղիության մոտիվը:

Գրեթե բոլոր պատումներում աղջիկն առաջնորդվում է հոգևորականների խորհրդով, որոնց տված թասով էլ խմում է ջուրը.

Աղջկան ան կողմ, ան կողմ Երկու հաղբար Ելավ,

Սելքեսեթ քահանեն թաս առից,

Խտու ան հաղբըրը ջրու մեչ,

Իլից, խտու,-աղջիկ կուշտ խմավ.

Եսաց.—Տերտեր, մեկ Ել տու:

Մեմ Ել խտու՝ աղջիկ կուշտ չխմավ:

Յաղբըրքիր Երկուսն Ել կտրան:

(հատ. Ա' ԺԱ, էջ 530):

Երբեմն էլ քահանան խաչակնքում է ջուրը, հետո նոր տալիս աղջկան.

Քահանեն ատճուր խաչակնքի,

Կը տա ախճկան, կը խըմը...

(հատ. Ա' Ժ, էջ 476):

Ուշագրավ միջադեպերի ենք հանդիպում անհայտ ոմնի (հատ. Բ՝ ԶԺ) և Կազարյան Թառոյի (հատ Ա՝ ԻԴ) պատումներում:

Առաջին պատումում մի ծերունի աղջկան երազում տեղեկացնում է իր ապագայի մասին, ապա գուշակում, որ աղջկա որդին վաճք է հիմնելու.

Կես ճամպախ խասավ թե չե, մել ելանկարժ
Են երազի մեջ երեվցավ խալիվոր դիմացն
Ելավ ու ասաց.

«Գիտցած ելնիս, վոր քեզնից ելած տղեն եսա
տեղ ժամ ըն պիտի շինի. Են ժամու անունն
ել պիտի դնի Մարութա Պանցի Աստածածին»:

(էջ 393):

Երկրորդ պատումում դաշտում ծարաված աղջիկը՝ Սառան խաթունը, բուռուկես խնում է ձիու ոտնահետքում կուտակված անձրևաջրից և հղիանում.

Կ'երթա, ձիու մը վոտաց տեղ կը գնտնի,
Վոր երկու կուց ջկր կա ինե, կը խնի.
Մեկ թամամ, մեկ կիսատ կուց կ'ելնի ջուրն
Ելավ, են տեղեն տարձավ՝
Մտավ գենա ուր յոթոտանին մեջ:
Ինն ամիս, ինն որ, ինն սիաթ վոր լմնցավ,
Աստված երկու տղա յտուր Սառան խաթունին²²⁰:

(հատ. Ա՝ ԻԴ, էջ 1029)

Անարատ հղիացման մոտիվի հետ է կապված նաև աղջկա կողմից երբեմն կռապաշտ թագավորին խաթելու և ծաղրի միջադեպը.

²²⁰ Երբ երկվորյակները մեծանում և խաղում են քաղաքի երեխաների հետ, վերջիններս նրանց «բիճ» են անվանում: Եղբայրները մորից պահանջում են ինանալ իրենց ծագումը: Մայրը տղաներին տանում է ծովափ, որտեղ տղաները մի քար են գտնում, տակը՝ ձիու սանձ: Սանասարը սանձը խփում է ծովի մեջ, ծովը բացվում է, և այնտեղից դուրս է գալիս Յուլկու ճալալին՝ զենք ու զրահով: Սանասարը սանձում է ձիուն և դիմում մորը. «Մարե, արի, իմ խորն սալըս տուր, //Զեթե՝ քե ծով կը թալեն»: Մայրը նրանց պատմում է ձիու ոսնահետքից խմած ջրի և իր հղիության պատմությունը:

Ասաց.-Դու շատ գորեղ իս.
Խոսեցիր, քո բերնի հելըմ ես առա,
Ըդուց տղով էլա:
Թագավորի խելք իմկավ:

(հատ. Ա' Գ, էջ 129)

Կամ՝

Աղջըկ եսաց.-Քո տուն չավոք,
Դու զորբադաս ճարդ իս.
Վոր դիւ փուր թալիր իս փարդին,
Խա ծի խաբար իս տվի,
Քի շորան գացիր իմ փոր, տղովացիր ըմ:

(հատ. Ա' Է, էջ 310):

Պատումների մեծ մասում պահապանվել է եղբայրների կողմից թագավորի կամ հայրացուի սպանության մոտիվը, ինչպես նաև տղաներին կուռքերին զոհաբերելու խոստումը, (հատ. Ա' Գ, Է, Ժ, ԺԱ, Ի, ԻԳ, ԺԳ, ԺԹ, հատ. Գ' Ա, Գ), որը մի քանի տարբերակներում (հատ. Ա' ԺԹ, ԻԲ, հատ Գ' Բ, Դ) բացատրվում է թագավորի վախով:

Կազարյան Թառոյի, Յովան Զոհրաբյանի (հատ. Ա' ԻԴ, ԻԵ) և ոմն անհայտի (հատ. Բ' ԺԶ) պատումներում քանի որ բացակայում է հիմնական բախումը, կամ էլ թույլ է արտահայտված, այդ պատումներում բացակայում է նաև հոր սպանության մոտիվը, ինչն էլ, ըստ Ա. Սահակյանի, առնչվում է ոչ թե պատումի աղավաղման, այլ երկվորյակների ինքնուրույն առասպելի հետ՝ կապված վիպական մոտիվի գործառնության հետ. «Ուրեմն՝ որոշ պատումներ առաջին ծյուղի իրենց նկարագրով ցույց են տալիս, որ երկվորյակ եղբայրների մոտիվը կարող է կապ չունենալ աստվածաշնչյան պատմության հետ և հանդես գալ առանձին, իր դրսեւորումը գտնել վիպական այլ մոտիվների կապակցության մեջ»²²¹: Բայց, այնուամենայնիվ, Մոլկաց փոփոխակների զգալի մասում առկա է սպանության միջադեպը (հատ. Ա' Գ, Է, հատ. Բ' ԻԲ, ԺԳ, հատ Գ' Գ):

²²¹ Սահակյան Ա.Ը., «Սասնա ծոերի» պատումների քննական համեմատություն, Երևան, 1975, էջ 96:

Մոկաց տիպաբանական խմբի յուրահատուկ մոտիվներից է նաև հերոսներից մեկի՝ ջրում հզորանալը, ռազմի պարագաներ և ծի ծեռք բերելը, որն իրացվում է հիմնականում հոր սպանությունից առաջ, և առկա է Մոկաց խմբի առաջին ճյուղն ունեցող գրեթե բոլոր պատումներում:

Փոփոխակների մեջ մասում ավագ եղբայրը՝ Սանասարը, ռազմի պարագաներ ու ծի է ծեռք բերում ծովի հատակից (հատ. Ա' Գ, Է, ԻԲ, ԻԴ, հատ. Գ' Գ, Դ) և լողանալով աղբյուրի մեջ՝ դառնում է հզոր. «Սանասար ճիժ էր, վոր մտավ ծով/Ելավ, լցվավ, դարձավ հրեղեն»:

Կան պատումներ, որտեղ հզորացումը տեղի է ունենում եկեղեցում, իսկ գենքն ու զրահը գտնում են Գագիկ թագավորի խորհրդով՝ Աստվածածնին աղոթելուց հետո (հատ. Ա' Ժ, ԺԱ, Ի, հատ. Բ' ԺԳ):

Դզորացման մոտիվին անմիջապես հաջորդում է եղբայրների մշակութային գործունեությունը, և եղբայրները հիմնում են Սասնա բերդը կամ տունը, ինչպես նաև սր. Աստվածածին վանքը²²²: Եղբայրների մշակութային գործունեությունը՝ կապված

²²² Սանասարի և եղբոր պատմական ավանդությունը, որին հարակցվել են սրբազն երկվորյակների միջազգային առասպելն ու հավատալիքները, գրեթե նոյնությամբ հանդիպում է քրդական զրոյցներում խմբագրաված իրենց ազգային զաղափարախոսությամբ:

Ըստ քուրո Շահնամերի պատմիչ Շարաֆ Խան Բիրլիսու «Շարաֆ-Նամե» երկի՝ Սասնա (Ղազը) կառավարչները սերում են Սասանյան արքայատոհմից ծագած երկու եղբայրներից՝ հզարդինից և Զիադինից, որոնք Զայաստանի մայրաքաղաք Ախլաթից գալով Բիրլիս՝ Դավիթ անունով ոմն վրացուց գրափում են Սասուն բերդոն ու դառնում Սասունի և Բիրլիսի տիրակալներ: Մեկ այլ տարրերակով՝ այդ տարածքները գրավում են նրանց ցեղակիցներն ու եղբայրներին հրավիրում դրանք կառավարելու:

Հզարդինը կարգվում է Բիրլիսի կառավարիչ, արժանանում է թե՛ ավագանու և թե՛ հասարակ մարդկանց հարգանքին, իսկ Զիադինը՝ Զագոյի, որը նման հարգանք չի վայելում իրեն Ենթակա սասունցիներից:

Զիադինը տեսնելով եղբօր նկատմամբ նման վերաբերմունքը, ինչպես նաև Բիրլիսի բարենապատ կիման՝ հարեւությամբ տիրանում է Բիրլիսին: Իսկ հզարդինն է գնում է Ղազը և տիրանում Սասունին:

Զիադինից հետագայում սերում է Դիաղոդինների իշխանական տոհմը, իսկ հզարդինից Ազիզան կոչված իշխանական տունը:

տոհմի կամ ցեղի համար բնակության վայրի հիմնման հետ, ինչպես բազմից նշել ենք, երկվորյակների և ընդհանրապես մշակութային հերոսների հիմնական գործառույթներից է:

Սպանելով կամ փախչելով կռապաշտ թագավորից, երկվորյակ եղբայրներն աճայի վայրում կառուցում են իրենց բերդը (հատ. Ա՛ Գ, Է, Ի, ԻԲ, հատ. Բ՝ ԺԶ): Նրանց կառուցած բերդը մի ալևոր մարդու (երբեմն Աբամելիք թագավորի) կողմից անվանվում է «Սասուն» (հատ. Ա՛ Գ, Է, Ժ, ԺԱ, ԺԹ, Ի, ԻԲ, հատ. Բ՝ ԺԶ), որը Մոկաց պատումներում ստուգաբանվում է որպես ցասում²²³:

Մոկաց մի քանի պատումներում, ինչպես Մշո խմբում, դրսերպում է երկվորյակ եղբայրների՝ տարբեր թագավորներին ծառայելու մոտիվը:

Եղբայրները դառնում են օտար թագավորի սպասավորներ («ռենքարներ») կամ ծիապաններ և ծիամրցման մասնակիցներ: Օտար թագավորներին ծառայելու այս մոտիվը երբեմն կապված է նաև Սասունի բնակեցման հետ (հատ Ա՛ ԺԹ, ԻԳ, հատ. Բ՝ ԺԹ, հատ. Գ՝ Գ):

Ի տարբերություն Մշո տարբերակների, որոնց հիմքում ընկած են հիմնականում պատմականացած զրույցները՝ Մոկաց տարբերակներում գերակշռում են ավելի շատ առասպելական տարրերը: «Առասպելական-հերիաթային մոտիվներով կազմված միջադեպերի ու այլ տարբերի առատություն է, որ հիմք է ստեղծել «Սանասար և Բաղդասար» ծյուղի առանձին, անկախ գոյությանը», -նշում է Ա. Սահակյանը²²⁴:

Մոկաց տարբերակներում առասպելական ծագում ունի վիշտապների և դևերի հետ եղբայրների կրիվը, որը հիմնականում առնչվում է նրանց սիրուն և ամուսնությանը: Քննելով այս միջադեպերը՝ Ս. Հարությունյանը դրանք համարում է «Սասնա ծոերում» վիշտապամարտի առասպելույթի ուղղակի դրսերում-

²²³ Հատ. Ա՛ ԻԴ, հատ. Գ՝ Դ պատումներում բացակայում է բերդի հիմնադրման մոտիվը, երկու պատումում (հատ Ա՛ Ժ, ԺԱ) եղբայրներն իրենց տունը հիմնում են սարի մեջ:

²²⁴ Սահակյան Ա.Ը., նշվ. աշխ., էջ 103-104:

ների, որոնք կապված են հերոսների ամուսնության և նրանց ջրային տարերքի հետ²²⁵:

Այս տիպաբանական խմբում սիրո մոտիվը հիմնականում դրսնորվում է թագավորի աղջկա՝ Սանասարին ուղարկած նամակով: Կան պատումներ, որտեղ այս մոտիվը դրսնորող դեպքերը կապվում են Բաղրամարի հետ (հատ. Ա' Դ, Հատ. Բ' ԺԳ, ԺԹ):

Պատումների գերակշիռ մասում նամակը ավագ եղբոր փոխարեն թյուրիմացաբար հանձնվում է կրտսեր եղբորը, և վերջինիս զայրույթը եղբոր դեմ հանգեցնում է երկվորյակ եղբայրների բախման վիպահառասպելական մոտիվին: Եղբայրների մենամարտը կամ բախումը երբեմն պատճառաբանվում է նաև հերոսների անճանաչելիությամբ. «Սանասար վիրցուց զբաղդասար, ետու գետըն//Ծըռնգ եզար վըր սրտին, վըզ տը կտրեր, //Բաղդասար եսաց. Դայ գիդի, դու տը սպանիս ծի//Ծպա ի կտրծի ծեռնեն դու՞ր տը պարծնը.//Սանասար եսաց.— Դու վո՞վ իս//Եսաց.— Իս Բաղդասարն իմ://Սանասար եսաց.— Ավահ, //Իմ աչքիր տը կուրցուցի, իմ աղբեր տը սպանի://(հատ. Ա' Է, էջ 324):

Գավաշցի Զարդար Տեր-Մխիթարյանի պատումում եղբայրներին հաշտեցնողի դերում հանդես է գալիս նայրը և, երբ նրա աղերսանքները չեն օգնում, ամենավտանգավոր պահին բացում է իր կուրծքը.

Սանասար զբաղդասար երան գետին.

Ծեռ պարզեց խըտ թուր, վոր առներ, վիզ կտրեր,

Սեր ծծեր եխան. տիւս վազեց, զինք երան վերեն:

(հատ. Ա' Ի, էջ 883)

Սանասարը կասեցնում է հարվածը և ասում.

-Մարե, տվի քիւ ծծերուն խաթըր, չոմ սպանե.

Ելան, ենոնց մոր խաթրին

Իրարու գըլիխ պաքեցին:

(Նույն տեղում):

²²⁵ Տե՛ս Դարությունյան Ա.Բ., Դայ առասպելաբանություն, Բեյրութ, 2000, էջ 167-178:

Պատումների գերակշիռ մասում եղբայրների միջև եղած թյուրիմացությունը բացահայտում է քահանան, որն էլ հենց դառնում է հաշուության միջնորդ:

Մոկաց խճի պատումների մեջ մասում գրեթե նույնությամբ հանդես են գալիս երկվորյակ եղբայրների՝ սիրո և ամուսնության մոտիվի հետ կապված մի շարք միջադեպեր, ինչպես օրինակ՝ ավագ եղբոր և կախարդված փեսացումների, հերոսի և խորհրդատու մարդկանց զրույցները, թագավորի պայմաններն ու դրանց կատարելը, կրտսեր եղբոր օգնության հասնելը, կրտսեր եղբոր ու հարսնացուի մենամարտը և կախարդված փեսացումների առողջանալը:

Գավաշից սերող ԻԲ (հատ. Ա) և Շատախի ԻԵ (հատ. Ա) պատումներում շատ հակիրծ կերպով նշվում է եղբայրների ամուսնության մասին, իսկ նույն Գավաշից սերող Դամբարձում Խապո Գրիգորյանի պատումում (հատ. Ա՝ ԻԳ) երևան են գալիս հարսնացուի՝ դռնապանի հետ մենամարտի և դեմ սպանության միջադեպերը, որոնք ևս կապված են վիշապամարտի առասպելույթի հետ:

Վեպում առասպելական տարրեր են նաև թագավորի առաջարկած պայմանների՝ ոսկե խնձորի և վիշապի բերանում գտնվող մատանու առկայությունը, ջրարգել վիշապի սպանությունն ու աղջկա ազատագրման միջադեպերը:

Պղնձե կամ մեկ այլ քաղաքի թագավորի աղջիկը նամակ է գրում Սանասարին, որ գա և ամուսնանա իր հետ: Սանասարը (հատ. Ա՝ Գ պատումում՝ Բաղդասարը) մեկնում է այդ քաղաքը և ինանում է աղջկան ուզելու պայմանները.

Ենու վոսկի խնձորը ըմ կա նումերը գըլիխ.

Են վոսկի խնձորը վո՞վ պիրը՝ տակ,

Ենու սերին մեչ ինը՝ կը բաղըլը՝

Մեկն ել բորջ ըմ կա, գիրզ ըմ կա բրջան մեչ.

Են գիրզ են բրջան վով թաղը՝ տակ,

Ենու սերին մեչ ինը կը բաղըլը.

Խլիսուն վով ինը, ախճիկ մանչ հողին տիսնա,

Ենու սերին կը բաղըլը...

(հատ. Ա՝ Ժ, Էջ 486)

Սանասարը ծիով թռչում, բարձունքից իջեցնում է աղջկա խնձորը: Թագավորը պահանջում է խնձորը դնել նախկին տեղը և մենամարտել իր փականների հետ: Սանասարը կատարում է այդ պայմանները ևս:

Գավաշցի Համբարձում Խապո Գրիգորյանի պատումում (հատ. Ա՝ ԻԳ) Սանասարը նշանվում է Քառասուն Շամ Գոհարի հետ, որին դև Համդոյն առևանգել ու պահում էր սարի մեջ: Սանասարը, սեղմելով Համդոյի ծեռքը, վախեցնում և փախցնում է նրան: Երբ Սանասարը գնում է Գոհարին բերելու, վերջինս հայտնում է, որ վիթխարի գազան է հայտնվել լճի մեջ, անունը՝ Քաբլաբանյան, որն ավերակ է դարձրել երկիրը և նրա վրա ոչ սուր է բանում, ոչ թուր: Սանասարը, քաշելով իր նետ-աղեղոց, աղոթում է և նետն արձակում հրեշի զույգ աչքերի մեջտեղը: Հրեշը տապալվում է գետնին, Սանասարն իր կայժակե թրով քերթում է կաշին, դարձնում իրեն քուրք և ամուսնանում է Քառասուն Շամ Գոհարի հետ:

Գավաշցի Եղիազար Հակոբյանի (հատ Ա՝ ԺԹ) և վանեցի Դավիթ Գալստյանի (հատ. Բ՝ ԺԹ) պատումներում երկվորյակ եղբայրներն ապաստանում են մի օտար թագավորի երկրում: Պարզվում է, որ այդ քաղաքում ջուր չկա, և տարին մեկ աղջիկ պետք է տան վիշապին ուտելու, որպեսզի ջուր թողնի քաղաք: Երկվորյակ եղբայրները կռվում են քաղաքի ջուրը փակող վիշապի դեմ, քարերով ջարդում են գլուխը և ազատում վիշապին կեր մատուցված թագավորի աղջկան, որի հետ մի դեպքում ամուսնանում է Սանասարը (հատ. Բ՝ ԺԹ), իսկ մյուս դեպքում հրաժարվում է ամուսնությունից (հատ. Ա՝ ԺԹ):

Մոլացի Սախոյի տարբերակում (հատ. Ա՝ Է) Սանասարը, ստանալով Չիննաչինի թագավորի դստեր՝ Քառասուն նող Շամի ամուսնության նամակ-առաջարկը, գնում է Չիննաչինի քաղաք, որտեղ էլ տեղեկանում է նող Շամի կախարդված լինելու մասին: Աղջկա կախարդանքը լուծելու համար հրեղեն մարդ էր հարկավոր, որ գնար ծով և ծովային վիշապի բերանից համեր մատանին: Սանասարը քառասուն ուղտաբեռ գինի է վերցնում

և գիշերով գնում ծովափ ու գինին լցնում ծովը: Վիշապը խնում և գինովնում է: Սանասարն իջնում է ծովի հատակը և, տեսնելով, որ վիշապը բարձրացրել է գլուխը, կարթը վերևից գցում և վիշապի բերանից հանում է մատանին, որից հետո վերադառնում է քաղաք: Առավոտյան ծովը կատաղում է, և **վիշապ քամի** է բարձրանում քաղաքի վրա:

Թագավորը պահանջում է վիշապի բերանից մատանին հանողին: Թագավորի մարդիկ, գտնելով Սանասարին, սկսում են նրա հետ կռվել: Կրտսեր եղբայրը՝ Բաղդասարը, տեսնելով, որ եղբոր «աստղը նժվաղիր ի», հասնում է օգնության, շատերին կոտորում են, հետո, վերցնելով Քառասուն նող Ծամին, վերադառնում են Սասուն: ճանապարհին նրանց դեմ է ելնում մի զինված տղամարդ և փողծում խլել աղջկան: Բաղդասարը կռվում է նրա հետ, և պարզվում է, որ նա նող Ծամի քույրն է: Նրան էլ են բերում Սասուն, և նա էլ ամուսնանում է Բաղդասարի հետ:

Այսպես՝ մեկ անգամ ևս տեսնում ենք, որ վիշապամարտը հիմնականում երկվորյակների արարքներին է հարում, իսկ Սանասարն իր միջազգային շատ արյունակիցների նման կապված է ջրի, խոնավության, աճպրոպ-կայծակի և անձրևի հետ, հետևաբար օժտված է նաև աճպրոպակայծակնային հատկանիշներով և իբրև վիշապամարտիկ՝ մուր ու սակավաջուր Պղնձե քաղաքի արքայադստերը տիրանալու համար ծեռք է բերում ոսկի խնձորն ու վիշապի գլխի թանկագին քարը և կռվում վիշապի հետ: Պարտվելով՝ վիշապը քաղաքի վրա ջուր է թափում. «Ինչըխ անձրև գա, ընցկուն զքաղաք է թաց»: Դնագույն պատկերացման համաձայն քարն աճպրոպային աստծո զենքն է, իսկ ծովը՝ երկինքը, քանի որ, մեկ պատկերացման համաձայն երկնքի ծայրն ու վերջը գտնվում է օվկիանոսի վրա, որտեղ

պարտվելով՝ վիշապը կորցնում է իր վերոհիշյալ բոլոր առասպելական հատկանիշները և բացում ջրի ակը²²⁶:

Առհասարակ աշխարհի հին ու նոր ժողովուրդների դիցաբանական համակարգերին բնորոշ առասպելի համաձայն՝ ամպուպի ժամանակ Երկնային ծովում վիշապն առևանգում կամ կուլ է տալիս արեգակին (աղջկան) և փակում Երկնային ջրերի ծանապարհը: Ամպրոպային հերոսը սպանում է վիշապին, ազատում արևը և Երկնային ջրերը, որից հետո անձրև է գալիս: Նշենք նաև, որ արևը, ըստ ժողովորդական պատկերացումների, ընկալվում է որպես անգին քար (արեգ-ակն)²²⁷, իսկ Սանասարի կողմից վիշապի բերանից հանված անգին քարը հենց վիշապի կլանած արև-աղջիկն է: «Ակունուքը թե մատանի, իսկապես մատանու ակն, վիշապի բերանին, դա միևնույն ակն ու արեգակ աղջիկն է...», նշում է Մ. Աբեղյանը²²⁸:

Ընդհանրապես ժողովրդական պատկերացումներում վիշապն ընկալվել է որպես մեծ օձ, իսկ օճն ու վիշապը հաճախ նույնանում են, և, ինչպես կտեսնենք Սասնա պատումների քննության ժամանակ, Սանասարը վիշապին սպանում է հենց Օձ քաղաքում: Վիշապի կամ օձի գլխի, Երբեմն նաև բերանի թանկարժեք քարը, որը նույնանում է արեգակը կլանող վիշապ օձի պատկերացմանը, համոխառում է նաև ճրագի մասին ժողովրդական հանելուկաշարի տարբերակներում.

Մի օձ ունի՞մ՝

Յուլը (հակինք) ըոխին (բերան):

Կամ՝

Օձը ծովընը,

Յուլը բերնընը²²⁹.

²²⁶ Տե՛ս Աբեղյան Մ.Խ., Երկեր, հատ. Է, Երևան, 1975, էջ 73, ինչպես նաև Դարությունյան Ս. Դայ առասպելաբանություն, Բեյրութ, 2000, էջ 168-169:

²²⁷ Տե՛ս Աբեղյան Մ.Խ., Երկեր, հատ. Է, Երևան, 1975, էջ 40:

²²⁸ Աբեղյան Մ.Խ., Երկեր, հատ. Ա, էջ 471:

²²⁹ Դարությունյան Ս.Բ., Դայ ժողովրդական համելուկներ, Երևան, 1965, էջ 152:

Հանելուկի այլ տարբերակներում հակինքին փոխարինում են աղամանդը, ոսկին, կարմիր խնձորը, ծաղիկը և այլն: Եվ ինչպես իրավացիորեն գտնում է Ս. Հարությունյանը, այս հանելուկներում ևս տեղ է գտնել ամպրոպային, տիեզերական առասպելի սիմվոլիկ պատկերը, իսկ օձի բերանում գտնվող անգին քարը, ոսկին և նշված մյուս առարկաները խորհրդանշում են վիշապի կամ օձի կողմից կլանված արևը: Հանելուկում արևը զուգորդվել է տաճ լուսատուի՝ ճրագի հետ, և ծովի մեջ գտնվող օձի բերանի անգին քարի պատկերը դարձել է ճրագի խորհրդանշը²³⁰:

Անդրադառնալով Սանասարի ամպրոպա-կայծակնային հատկանիշներին՝ նշենք, որ Արեոյանը, որպես ամպրոպային հերոսի, Սանասարին համեմատում է հնդկական Ինդրայի, Ապան Նապատի և հայ Վահագնի հետ: Ամպրոպային Ինդրան Ագնիի Երկվորյակ Եղբայրն էր և կոչվում էր Ապտիա («Զրային»), իսկ Սանասարը Բաղդասարի Երկվորյակ Եղբայրն էր՝ ծնված ջրից²³¹ և Երբեմն կոչվում էին «Զրեղեն», «Իրեղեն», («Սանասար, Բաղդասար ջրից են առաջացել //Ենոնք ջրեղեն ին, իրեղեն ին») և «ծովային»: Օրինակ՝ Երբ Սանասարը սանձում է իրեղեն ձին, վերջինս ասում է.

«Քե կը տամ Երեգական, կը խաշեմ:

Ասաց.- Ծովային եմ, ձի կը տամ քի փորի տակ:

Վոր կը տար Երեգական, խաշեր, ետու փորի տակ.

Վոր կը տար, Երթար համդիւդ, ինք ետու քամակ:

Ասաց.- Ձես քի ձին, դու ին տեր.

Դու նեղացած կ'ըլնիս,

Երթանք Ենդի, մի ջնիւ խմի ռահարի:»

(հատ. Ա' Գ, էջ130)

Ժողովրդական պատկերացումների համաձայն՝ Զրային ծագում ունեցող հերոսները ոչ թե սովորական մարդիկ են, այլ ա-

²³⁰Տե՛ս, *Արյունյան Ը.Բ.*, Мифологический образ солнца в загадке о лампаде, Историко-филологический журнал, Ереван, 1976, N 1, с. 237-242:

²³¹Արեոյան Ս.Խ., Երկեր, հ. Ա, Երևան, 1966, էջ 414:

ռասպելական հզոր հսկաներ, որոնք տարբերվում են մյուսներից թե՛ իրենց արտաքինով և թե՛ իրենց բնույթով ու եռթյամբ. «Ենոնք ազնավոր մարդիկ են, փական են»:

Ընդհանրապես երկվորյակները և իրենց մայրը դիտվում էին որպես եակներ, որոնք հարաբերակցվում են գերբնական ուժեղին և դառնում դրանց կրողները²³²:

Զուրը և նրա մասին եղած հնավանդ հավատալիքներն ու պատկերացումները դարձել են ոյուցազնավեպի բոլոր ճյուղերի առասպելաբանական նախահիմքը և գրեթե բոլոր եական միջադեպերը կապակցող օղակը:

Վեպի ոյուցազնական երկվորյակ նախահիմների մայրը՝ Ծովինարը, ծովային, ջրային տարերքի մարմնավորումն է: Ըստ Ս. Աբեղյանի՝ «Ծովյան բառը չի կարելի այլ կերպ ստուգաբանել, քան կազմված ծով արմատից և հաճախ գործածվող յան վերջանցով, որը ցույց է տալիս սերում, ծագում: Ծովինար անունը ածանցված է ծովյան բառից՝ *առ վերջածանցով*»²³³:

Ժողովրդական հավատալիքներում Ծովինարն ամպրոպային ոգի է, ծիավոր հեծյալ և նկարագրվում է որպես «ցասումնալից, պատուհասող կայծակնեղեն եակ», որ ամպրոպի ժամանակ հրեղեն ծիով շրջում է ամպերի մեջ, կայծակ ու որոտ արձակում և երկիր է ուղարկում անձիս կամ կարկուտ: Յայկական հավատալիքներում առկա հրեղեն աչքերով (հրաչք) կույսը՝ Ծովինարը, մտել է «Սասնա ծռեր» հերոսավեպ, Վիպականացել, պատմականացել և հանդես է եկել որպես հայոց թագավորի դուստր: Ծովից բխած աղբյուրից խմած երկու բուռ ջրից հղիանում է և ծնում ամպրոպային երկվորյակ ոյուցազուներ: Այսինքն՝ թե՛ ժողովրդական հավատալիքներում և թե՛ հերոսավեպում Ծովյալ-Ծովյան-Ծովինարը հանդես է գալիս որպես բնության միւնույն երևույթի՝ ջրային, ամպրոպային տարերքի մարմնացում և վեպում խորհրդանշում է մայրական սկզբունքը:

²³² Штернберг П.Я., Античный куль близнецов при свете этнографии, Ленинград, 1936, с. 103.

²³³ Աբեղյան Մ.Խ., Յայ ժողովրդական հայվատքը, Երկեր, հ. Է, Երևան, 1975, էջ 71: 100

Այսպիսով՝ «Սամանա ծռերի» առաջին վիճակյուղի Մոլկաց տիպաբանական խմբի փոփոխակները հակված են հիմնականում դեպի առասպելականացած գրույցները, և այս խմբում մեծ տեղ է հատկացված վիշապամարտի առասպելույթին, ինչպես նաև կարևոր առանձնահատկություններից է երկվորյակ եղբայրների գերբնական ջրային ծննդյան մոտիվը:

Բ. ՄՇՈ ՏԻՊԱԲԱՆԱԿԱՆ ԽՈՒՄԲ

Մշո տիպաբանական խմբի պատումներում, ի տարբերություն Մոլկաց խմբի պատումների, որտեղ բավական տարածված են քառածյուղ տարբերականները, հանդիպում է նաև եռածյուղ՝ Սանասար և Բաղդասար-Սասունցի Դավիթ-Փոքր Միեր կառույցը²³⁴:

Մեր ուսումնասիրության շրջանակում գտնվող Մշո պատումների մեջ մասում տարբեր ծավալներով ու միջադեպերով առկա է առաջին ճյուղը²³⁵:

Այս վիճաբնակում է հիմնականում խաչապաշտ քագավորի կամ իշխանի հպատակությամբ և աղջկա բռնի ամուսնությամբ:

Եթե Մոլկաց տիպաբանական խմբի պատումներում առկա է աղջկա անձնագործության մոտիվը, ապա Մշո պատումներում այն գրեթե բացակայում է և հանդիպող մեկ պատումում էլ նույնիսկ աղջկը հրաժարվում է կռապաշտի հետ ամուսնանալուց.

-Յես իմ հայոց հավատը չեմ կուրցնի.

Յես վոչ կ'առնեմ, վոչ ել:

(հատ. Բ, մաս Բ՝ ԺԱ, էջ 94)

²³⁴ Տես նաև Դամբարձումյան Դ.Ա., «Սամանա ծռերի» պատումների տիպաբանական խմբերում ու դրանց հատկանիշները, Թեկնածուական ատենախոսություն (սեղմագիր), Երևան, 2008, էջ 8:

²³⁵ Դատ. Բ, մաս Ա՝ Ա, Բ, Գ, Դ, Ե, Ը, Թ, հատ. Բ, մաս Բ՝ Ժ, ԺԱ, ԺԲ, ԺԵ, ԻԲ, հատ. Գ՝ Ե, Զ, Է, Թ, ԺԱ, ԺԲ, ԺԴ, ՍԴ՝ 3,5:

Կան պատումներ, որտեղ աղջկան կռապաշտի հետ ամուսնացնելու խորհուրդը տալիս է Քեզի Թորոսը, որն ի դեպ, այս տիպաբանական խմբում կարևոր դեր է կատարում:

Ետեխ Թորոս տասնըինգ-տասնութ տարեկան ա.

Տեսավ որ՝ ժողովուրդ գ'ուզին պադիվ ենին տերտըրոց,
Գուզին կրիվ ենին, ախճիկ չիտան,

Ըսեց.— Տերտե՛ր, յես գինամ,

Ժողովուրդ գ'ուզա կրիվ ենա, ախճիկ չիտա.

Աղեկ ա, ախճիկ մի վերծանա,

Քանց թե ազկ մի վերծանա...

(հատ. Բ, մաս Ա՝ Ը, էջ 254)²³⁶:

Մշո պատումների առաջին ճյուղի մի մասն էլ սկսվում է ուղղակի կռապաշտ թագավորի երկու որդիների ներկայացնամբ.

Ժամանակով մեկ թագավոր կ'եղնի, անուն Սենեքերիմ:

Սենեքերիմին երկու տղա կ'եղնի՝

Սեկի անուն Սանասար, մեկին՝ Ասլիմելիք...

(հատ. Բ, մաս Ա՝ Բ, էջ 49)

Կան պատումներ (հատ. Բ, մաս Բ՝ Ժ, ԺԲ), որտեղ գույգ եղայրները հանդես են գալիս որպես հայոց իշխանի որդիներ, որոնք կռապաշտի ծեռքից փախչում և ապաստանում են մի վաճքում: Եվ երբ կռապաշտը որոշում է ավերել վանքը, եղայրները դիմում են անձնազիտության՝ կամովի ներկայանալով թագավորին:

Ի տարբերություն Մոկաց պատումների, որտեղ գերակշռում են առասպելաբանական տարրերն ու մոտիվները, Մշո փոփոխակների հիմքում ընկած են հիմնականում պատմականացած և վիպականացած գրույցները: Եվ այս խմբում եղբայրների ծնունդը կապվում է ոչ թե ջրային առասպելական հիմքի, այլ պատմական ու աստվածաշնչյան թագավորի՝ թշնամու կողմից

²³⁶ Սեկ պատումում էլ (հատ. Բ, մաս Ա՝ Պ) պատմվում է, թե ինչպես է Կառ Գոգեն իր շահի համար փախցնում Գորգիկ թագավորի քույր Ծովինարին և տանում կռապաշտ Սինամքար թագավորին:

Անդվելու և որդիներին կուռքերին զոհելու խոստման մոտիվի հետ:

Ուշագրավ է 1973թ. մարտունեցի Մելիք Գևորգյանից գրառված պատումը (հատ. Գ՝ ԺԱ), որտեղ որոշ բացառություններով առկա է երկվորյակների գերբնական ծնունդի, այսինքն՝ անարատ հղողության մոտիվը: Նշված պատումում Սինամօք խաչապաշտ թագավորի դուստրը, բռնությամբ կռապաշտ թագավորի կինը չդառնալու համար, հուսահատված իրեն գցում է Սևանա լիճը: Ալիքները աղջկան տանում հասցնում են Սևանա վանքը, որտեղ նստում էր Հայոց կաթողիկոսը: Վերջինս աղջկան ցորենի երկու հատիկ է տալիս, որպեսզի կուլ տա: Եվ առաջարկում է աղջկան, որ երբ նա զավակներ ունենա, բերի իր մոտ՝ նորածինների կնունքը կատարելու: Աղջիկը ցորենի հատիկներից հղիանում է, ծնում երկվորյակներ, բերում կաթողիկոսի մոտ, որը նրանց մկրտում է և անունները դնում Սանասար ու Բաղրամար: Այս պատումում բացահայտ արտահայտվում են հայ ժողովորի երկրագործական մշակույթի հնագույն հավատալիքներից մեկի՝ Ցորենի՝ իբրև սերմի պաշտամունքի դրսերումները և նաև այն, որ ցորենը, ըստ ժողովրդական պատկերացումների, հանդես է գալիս որպես պտղաբերության խորհրդանշ: Այս տեղ տեղին է հիշել Գեղաճա և Սյունյաց լեռների ժայռապատկերների երկվորյակներին, որոնք մի կողմից հանդես էին գալիս իբրև լուսատուներ, իսկ մյուս կողմից մշտապես գտնվում էին ջրի, ամպրոպ-կայծակի գաղափարներն արտահայտող կենդանիների միջավայրում, այսինքն՝ բոլոր դեպքերում երկվորյակները կապվում են երկրագործության և պտղաբերության գաղափարի հետ:

Մշում մի քանի փոփոխակներում (հատ. Բ՝ Բ, Դ, Ը, ԺԵ) պահպանվել է նաև երուսաղեմի պաշարման պատմական փաստը, ինչպես նաև դրա հետ կապված երկնային կրակի, հրեղեն սրի կամ հրեշտակների միջոցով զորքի կոտորման առասպելական միջադեպը.

Գիշերվան մեկ վախտն ամուդամն որ խախնդավ.

Աստուծուց կրակ թափավ, Սինամքար թագավորի ասկարն շարեց.

Սինամքար դանչեց.

«Յա՛ կրեր, յա՛ կրեր, Սանասարն ու Բաղդասար ծեզի մատաղ կ'ենեմ, որ դուք խասնիք, որ դուք խասնիք, ինձի ազատ ենեք»:

(հատ. Բ' Դ, էջ 138)

...Պատարագն որ երեցին, պրծան,

Յրեշտակներ սրով, թրով իջան

Սենեքերիմի ասքարի մեջ.

Ու՛ ջարդեցին, ու՛ սպանեցին, ու կոտորեցին:

Մնաց Սինեքերիմ մինակ.

Ու հեծավ մեծ դեվեն, ու փախավ:

Փախավ ու ճամբախ ըսեց.

«Ո՛վ Զոջ Կուռք, Ասլիմելիք քըզի մատաղ»:

(հատ. Բ' Բ, էջ 50, տե՛ս նաև նույնի Ը, ժԵ պատ.)

Վիպական այս միջադեպին, ինչպես տեսնում ենք, հաջորդում է հոր, իր փրկության համար եղբայրներին կուռքերին գրիաբերության խոստման մոտիվը: Ի դեպ, Մոկաց պատումներում այդ գրիաբերությունը պահանջում են հենց իրենք՝ կուռքերը:

Կան պատումներ, որտեղ թեև բացակայում է կովի, թագավորի փախուստի ու նեղն ընկնելու միջադեպը, սակայն առկա է գրիաբերություն խոստանալու միջադեպը (հատ. Բ' ԻԲ): Որոշ դեպքերում էլ թագավորը մատաղ է խոստանում կուռքերին նրա համար, որ տղաները, արտին պահակ կանգնելով, «ղշերին» թույլ չտվեցին «ծեծկրտել արտը» (հատ. Գ' Թ): Այնուհետև այս միջադեպին անմիջապես հաջորդում է եղբայրների փախուստը:

1873թ. Գ. Մրգանձտյանցի գրառած պատումը եզակի է, որտեղ իր որդիներին սպառնացող վտանգի մասին մայրը տեղեկանում է երազով (հատ. Բ' Ա):

Փախչելով հայրական երկրից, տանից՝ Եղբայրները դիմում են օտար թագավորների օգնությանը՝ ծառայության մտնելով նրանց մոտ (հատ. Բ՝ Ա, Բ, Է, Ժ, ԺԱ, ԺԵ, ԻԲ, հատ. Գ՝ Է, Թ, ԺԴ), և նրանց կողմից Ենթարկվում են փորձության (հատ. Բ՝ Բ, հատ. Գ՝ Թ):

Ի տարբերություն Մոկաց պատումների, որտեղ առկա է Եղբայրներց մեկի՝ ջրում հզորանալը և ռազմի պարագաներ ձեռք բերելը, Մշո տարբերակներում ջրով հզորանալու մոտիվը բացակայում է, քանի որ այս խմբում Եղբայրներն ունեն բնական ծնունդ²³⁷:

Օտար թագավորի մոտ ծառայության ժամանակ Երկվորյակ Եղբայրները ձեռնարկում են իրենց ճշակութային գործումներությունը և նրանց բերդի կամ տան հիմնադրումը պատումների մեջ մասում կապված է իրենց օտար թագավորի հետ:

Մշո փոփոխակների մեջ մասում Եղբայրներն իրենց տան կամ բերդի հիմնան վայրը գտնում են բարակ, բայց հզոր առվի միջոցով և բերդն էլ հիմնում են ակունքի վրա (հատ. Բ, մաս Բ՝ Ա, Բ, Է, Ը, Թ, ԺԲ, ԺԵ, ԻԲ, հատ. Գ՝ Ե, Զ, Է, Թ, ԺԲ, ԺԴ): Մի քանի պատումներում (հատ. Բ, Ը, Թ, ԺԲ, հատ. Գ՝ Զ) գետը հիշատակված է Մեղրագետ անունով:

Այս խմբի պատումների մեջ մասում բերդն իր անվանումը ստանում է թագավորի կողմից, որն է՛ Սասուն (հատ. Բ՝ Ա, Բ, ԺԵ, հ. Գ՝ Է, ԺԱ).

Քարե սան սուն եք զարկե,

Ըդրա անուն տեղնի Սանսուն, Սասուն²³⁸:

²³⁷ Բացառություն են Մշո Գ, Նոր Բայազետի ԺԴ (հատ. Գ) պատումները, որոնք թեև գրառված են Մշո ազգագրական շրջանից, բայց սերում են Մոկաց խմբի պատումներից, որտեղ Եղբայրները, ունենալով ջրային ծնունդ, բնականաբար առնչվում են ջրով հզորացման մոտիվին:

²³⁸ Մի քանի փոփոխակներում բերդը կամ տունն անվանվում է կամ անծանոք ծերունու (հատ. Գ՝ Զ, ԺԲ, ԺԴ), կամ էլ թերի Թօրոսի կողմից:

Մշո և Նոր Բայազետի պատումներում, որոնք ավելի ուշ են գրառվել, բերդի կամ տան անունը ստուգաբառնվիւմ է որպես Յասուն, իսկ երբեմն էլ տեղանվան ստուգաբառությունը կապվում է Սանասար անվան հետ (հատ. Գ՝ Ե, ԺԲ):

Ի դեպ, մշակութային գործունեությունը այս խմբի պատում-ների մեջ մասում դրսևովում է կրապաշտ հոր սպանությունից հետո:

Կան պատումներ (հատ. Բ՝ Ա, Բ, Է, ԺԵ), որտեղ եղբայրների (երբեմն կրտսեր եղբոր) վերադարձը հոր մոտ պատճառաբանվում է կուռքերի՝ կրտսեր հերոսին հանգիստ չտալու իրողությամբ: Որոշ փոփոխակներում այս միջադեպը բացակայում է և նշվում է միայն եղբայրների վերադարձի մասին, որոնք էլ կռատանը սպանում են իրենց հորը (հատ. Բ՝ Ա, Բ, Դ, Է, Ը, ԺԲ, ԺԵ, ԻԲ, հատ. Գ՝ Զ, Է, Թ).

Երգպագություն օր էրեց՝ տղեզմեր թոփուզով զարգեցին,

Կռատան մեջ պադուցին, սըբանեցին,

Փախան էգան, էգան հասան մոր:

(հատ. Գ՝ Զ, Է)

Մարտունեցի Մելիք Գևորգյանի պատումում (հատ. Գ՝ ԺԱ) երևան է գալիս այլ միջադեպ: Այստեղ մեծ եղբայրը Բաղդասարն է, իսկ կրտսերը՝ Սանասարը: Եվ կռապաշտ թագավորը վերջինիս խաբեությամբ հետ է կանչում իր մոտ ոչ թե կուռքերին մատադ անելու, այլ թշնամիների հետ կռվելու:

Ի տարբերություն Մոկաց պատումների, որտեղ միշտ դրսեվորվում է հերոսների սիրո և ամուսնության մոտիվը, Մշո խմբի պատումներում այս մոտիվը, բացառությամբ նորբայազետցի Զոհրաբ Ավետիսյանի պատումի (հատ. Գ՝ ԺԴ), բացակայում է: Նշված պատումում երևան են գալիս այս մոտիվին բնորոշ միջադեպեր, ինչպես՝ Պղնձե քաղաքի թագավորի աղջկա նամակը՝ ուղղված հերոսներից մեկին, հերոսի ու աղջկա փեսացուների հանդիպումը, ոսկե խնձորով սիրո փորձության ենթարկելը, թշնամիների դեմ կռվելը և եղբոր օգնության հասնելը: Մշո խմբի առաջին ծյուղի պատումներն ավարտվում են հերոսների ամուսնությամբ և նրանց որդիների ժննդյան մասին հիշատակությամբ:

Մի քանի պատումներում (հատ. Գ՝ ԺԲ, ԺԴ) Սանասարի վերաբերյալ վիպվում են այնպիսի միջադեպեր, որոնք խորթ են

այս ճյուղին և ավելի շատ բնորոշ են Մեծ Մհերի ճյուղին, ինչպես՝ Մսրա թագուհու՝ Մհերին ուղղված նամակն ու իրավերը, թագուհու հետ կենակցելն ու Մելիքի ծնունդը, այնուհետև զղալն ու վերադարձը, զավակի ծնունդն ու ծնողների մահը:

Այսպիսով՝ Մշո խմբի պատումները հակված են իհմնականում պատճականացած գրույցներին ու դեպքերին, իսկ Երկվորյակ եղբայրներն ունեն բնական ծնունդ և սերում են արքայական տոհմից:

Փաստորեն եղբայրների հայրասպանության մոտիվը, որն ունի բացահայտ պատճական ծագում և աղերսվում է Ասորեստանի Սինախերիբ-Մենեքերիմի սպանության գրույցներին, դառնում է Ելակետային սյուժե Սանասար-Բաղդասար վիպաճյուղի Մշո փոփոխակների վիպական իրադարձությունների հետագա զարգացման համար: Երկվորյակների հնագույն առասպելը նմանության պատճառով իրեն է քաշել զավակների կողմից հոր սպանության իրողությունը և վիպական հետագա զարգացման ու վերամշակման ընթացքում դարձել է գեղարվեստական մի անբողջական կառույց «Սասնա ծոերի» ողջ համատեքստում: Նախկին առասպելի շրջանակների մեջ առնվելով՝ մոտիվների համապատասխանությամբ (գժույքուն հարազատների հետ, փախուստ օտար Երկրներ, արկածային թափառումներ, ի վերջո, որևէ տեղում ապաստանում, սեփական Երկրի, քաղաքի, տոհմի հիմնադրում) միավորվում են առասպելն ու պատճությունը՝ վերածվելով վիպական հյուսվածքի:

գ. ՍԱՍՆԱ ՏԻՊԱԲԱՆԱԿԱՆ ԽՈՒՄԲ

Սասնա խմբի պատումների մեջ մասը իհմնականում հանդես է գալիս Երկյուղ և Եռածյուղ համակարգով:

Պատճումների անբողջական և ավանդական քառածյուղ համակարգ է առկա 1930-ական թվականներին գրառված Թամո Դավթյանի (հատ. Բ' Ե) և Կահան Ասատրյանի (հատ. Դ' Գ) պատճումներում, որտեղ թեև իրացվում են և Մշո, և Մոլկաց խմբե-

թին յուրահատուկ մոտիվներ, այդուհանդերձ, դրանց թիվը բավական փոքր է, և անգամ առանցքային մոտիվներն արտահայտվում են շատ սեղմ և հակիրճ բնորոշումներով²³⁹:

Այս խմբի առաջին վիպաճյուղի՝ յուրային և օտար հակադրության մոտիվն իրեն բնորոշ հարկահանության, ամուսնության պահանջի և այլ միջադեպերով երևան է գալիս միայն Գ, Ե, Ժ, ԺԴ (հատ, Բ) և ՄԴ՝ 2 պատումներում, որն էլ սահմանափակվում է խաչապաշտի հպատակության ուղղակի նշնամք.

Նիմկե քաղաքի Սենեքարիմ թագավոր
Ուր ասկրով էգավ Յըյատընի վրեն գոհիվ:

.....
Ասեց Յըյատընի իշխանին.
-Թե զքու ախչիկ կիտաս զնծի, ես չըմ խոսա քըզի,
Թե չիտաս՝ գըգդրիմ գժողովուրթ,
Գավիրիմ զքաղաք, թալնիմ, տանիմ,
Իշխանն մտածեց ասեց.
-Ընչի՝ թորգոմ գողորի զըմ ժողովուրթ.
Աղեգ են ը՝ գիդամ զիմ ախչիկ, թը տանի,
Ին ժողովուրթ խլըսի:

(հատ. Դ' Գ, էջ 131)

Սասնա այն պատումները, որոնք ավելի մոտ են Մշո պատումների մոտիվային համակարգին, բացակայում է անարատ հղիության մոտիվը, և վիպասացները սահմանափակվում են միայն երկվորյակների ծննդյան մասին մեղմ հիշատակնամբ:

Սակավաթիկ պատումներում (հատ. Բ' Ե, հատ. Դ' Գ, Թ, Ժ, ԺԴ, ՄԴ՝ 2) իրացվում է անարատ հղիության մոտիվը՝ իրեն բնորոշ ավանդական միջադեպերով: Կոպապաշտի հետ ամուսնալուց առաջ աղջիկը գնում է գրոսանքի, որտեղ ծարագում է և հայտնաբերած առըլուրից բուռուկն ջուր խմելով՝ հղիանում: Ի դեպ, Կահան Ասպարյանի պատումնում (հատ. Դ' Գ) այս մոտիվն ընդարձակ է, և հանդես են գալիս Մոկաց պատումներում

²³⁹ Տե՛ս նաև Դամբարձումյան Դ.Ա., նշկ. աշխ., էջ 20:

հանդիպող միջադեպերը, այսինքն՝ աղջկա նավակ նստելը, ծովի մեջ կղզի և Եկեղեցի գտնելը, որի մեջ «...պատիկ քուռակ մը գաներ հոդ, //Օսկի լը գամ, օսկի թամք, խամչի մը, հատըն օսկի թակ, // Սապոկ մը, թուր մը, կոտի մը, աջամի զրեցի շաբիկ, //Խաչ մը, կուրտիկ մը, սնդրիգ մը, աբա մը, //Մատանի շլվար, գուռզ մը, թոփուզ ու մռտալ, //Ղեսան՝ ախայուր մը լը գաներ օնի. // (հատ. Դ՝ Գ, էջ 134): Թագուհին լվացվում է այդ աղբյուրի ջրով, հետո «էրգու չաք» ջուր խոնում, աղոթում և դուրս է գալիս: Պարզվում է, որ աղջիկը այդ Եկեղեցու մեջ գտնվող աղբյուրի ջրից խմելով «էրգուհոկով» է.

«Բարգավ, եղավ ուրին ջուխտ տղա.

Երեց գնքից, մեզի անուն տրեց Սաղնասար,

Մեզին՝ Բաղտասար:

(հատ. Դ՝ Գ էջ 134)

Սասնա պատումներում շատ թույլ է արտահայտված կրապաշտ հոր և որդիների բախումը, իսկ տղաների՝ իրենց հոր կողմից զոհաբերման խոստման միջադեպը հանդիպում է Թամո Դավթյանի (հատ. Բ՝ Ե) և Վահան Ասատրյանի (հատ. Դ՝ Գ) պատումներում:

Սասնա առաջին ճյուղն ունեցող պատումները թեև հակված են դեպի Մոլաց խմբի փոփոխակմները, որտեղ մեծ տեղ է հատկացված առասպելական մոտիվներին, բայցևայնպես Վահան Ասատրյանի պատումում (հատ. Դ՝ Գ) աղոտ կերպով հիշատակվում են Մշո պատումներին բնորոշ պատճական անձնանուններ:

Սենեքերիմ թագավորն այլ երկրի թագավորին հաղթելու համար իր կուռքին՝ «օսկե հորթկան», իր մեծ տղային՝ Սաղնասարին, մատաղ է խոստանում: Կրտսեր եղբայրը՝ Բաղդասարը, օգնության է հասնում եղբորը և քարով խփելով՝ սպանում հորը: Կրապաշտ թագավորի սպանության միջադեպն առկա է նաև ընկուզիկցի Սարգիս Սաֆարյանի (հատ. Դ՝ ԺԴ) պատումում: Նախորդ երկու պատումներում (հատ. Բ՝ Ե, հատ. Դ՝ Գ), որտեղ առկա է զոհաբերության միջադեպը, հիմնավորված գործում է նաև եղբայրների փախուստի մոտիվը:

Հերոսի հզորացման մոտիվը ևս այս խճբում գրեթե բացակայում է. այն դրսերպվում է միայն Վահան Ասատրյանի (հատ. Դ՝ Գ) և Սարգիս Սաֆարյանի (հատ. Դ՝ ԺԴ) պատումներում: Առաջինում Եղբայրները խնում են այն Եկեղեցու աղբյուրի ջրից, որից խնել և հղիացել էր նրանց մայրը, և հզորանալով ծեռք են բերում Քուրկիկ Զալալին: Երկրորդում Սանասարը սուզվում է ջրի տակ, ծեռք է բերում թուրք, Խաչ Պատերազմին, իրեղեն ծիուն և «Եթե մի ուժ ուներ, էղավ տաս ուժ»:

Երկվորյակ Եղբայրների մշակութային գործունեության մոտիվը հանդիպում է այս խճի առաջին Ծյուղն ունեցող գրեթե բոլոր տարբերակներում (հատ. Դ՝ Գ, Է, Թ, Ժ, ԺԳ, ԺԴ, ՍԴ՝ 2), որտեղ դրսերպվում է իհմնականում Մշո խճին բնորոշ միջադեպը, այսինքն՝ հզոր առվի ակունքին բերդը կամ տունը իհմնելը: Սակայն, ի տարբերություն Մշո պատումների, որտեղ գետը կամ առուն հիշատակվում է Մեղրագետ կամ Մեղր գետ անվանումով, այս խճբում այն անվանվում է Որձ ջուր կամ Սամաց ջուր: Այս իմաստով բնորոշ է Զարքյազ Պողոսյանի պատումի սկիզբը.

Սանասար և Բաղդասար գըսին.

-Քիի երբանք, ընթիսի դեխս մը մըտ դուն շինինք, աբրինք,
Ըր ըդրեկի մարդն էլ որց եղնի,
Զուրն էլ որց եղնի,
Քարն էլ որց եղնի:

(հատ. Դ՝ ԺԳ, Էջ 309)

Ինչպես մյուս խճբում, այնպես էլ այս խճբում հանդիպում են բերդի անվանակոչման, ծերունուն տուն բերելու և փորձության միջադեպերը: Սակայն այստեղ գրեթե բացակայում է բերդի կամ տան անվանման սան սուն կամ ցասում տարբերակը: Միայն Սարգիս Ավագյանի պատումում է (ՍԴ՝ 2) ծերունին բերդն անվանում սան-սուն. «Լառ, ադ բերթ չէ, ադ սան-սուն է»: Մնացած փոփոխակներում բերդը կամ տունը անվանվում է Սասուն:

Հերոսների ամուսնության և սիրո մոտիվն այս խճբում ևս, ինչպես Մշո պատումներում, աչքի չի ընկնում իր միջադեպերի

բազմազանությամբ, և շատ հաճախ սպիտակավում է ամուսնության մասին ուղղակի նշումով:

Միայն փոքրաթիվ պատումներում է (ՍԴ 2, հատ. Դ Ժ) այս մոտիվն իրացվում թագավորի աղջկա՝ ավագ եղբորն ուղղված նամակով, որն էլ համգեցնում է երկվորյակ եղբայրների բախ-մանը:

Սարգիս Ավագյանի պատումում (ՍԴ 2) երկվորյակ եղբայրնե-րին հաշտեցնում է մայրը՝ Ծովինարը.

Գարքա գընկնի ախպատոց մեջ

Գըբաժանե կառնե գիկա տուն:

(ՍԴ 2, Էջ 72)

Վահան Ասատրյանի տարբերակում (հատ. Դ Գ) իրացվում են Սանասարի և աշուղների, Պղնձե քաղաքի թագավորի հսկա-յին հաղթելու միջադեպերը: Սանասարն աշուղներին փող է տալիս, որպեսզի նրանք ասեն չափերով իրենց հարմար հարս-նացուի տեղը: Գնալով Պղնձե քաղաք՝ Սանասարը հաղթահա-րում է փորձությունը և արժանանում Գոհարի սիրուն: Այստեղ դրսկորվում է նաև Բաղրամասարի և իր ապագա կնոջ՝ Տեղծուն Շամի կրպի միջադեպը:

Ընկուզիկցի Սարգիս Սաֆարյանի պատումում (հատ. Դ Ժ) այս մոտիվը դրսկորվում է Մոկաց պատումներին բնորոշ միջա-դեպային ամբողջ բազմազանությամբ, որն էլ, ըստ բանահա-վաքների, արդյունք է համահավաք բնագրի ազդեցության²⁴⁰: Այս պատումում դրսկորվում է երկվորյակ եղբայրների շատա-կերության միջադեպը, որը բնորոշ է ավելի շատ վեճի երրորդ ճյուղին, ինչպես նաև Բաղրամասարի երագի և օգնության գալու, ջորի ճանապարհը փակող վիշապի սպանության, Սանասարի մեջքին վիշապի արյանք նշան անելու միջադեպերը, որոնք վի-շապանարտի առասպելույթի ակնհայտ դրսկորումներ են:

Իմանալով եղբայրների քաջագործությունների մասին՝ ուրիշ քաղաքից գալիս, խնդրում են նրանց, որպեսզի գան և սպանեն

²⁴⁰ Սասնա ծոեր, հատ. Դ, Էջ 324:

իրենց աղբյուրը ցանաքեցնող վիշապին, որին օրական մեկ աղջիկ և մեկ անծին երինջ են տալիս որպես կերակուր: Եղբայրները գնում և ծիրահանքի քարերով սպանում են վիշապին: Թագավորն ի հատուցում՝ Սանասարին է նվիրում ազատված աղջկան:

Այնուհետև եղբայրները վերադառնում են Պղնձե քաղաք և տեսնում, որ մի վիշապ մարդ փախցրել է Սանասարի ուզած աղջկան և տարել թաքցրել քարայրում: Սանասարը ջարդում է քարայրի դուռը, սպանում վիշապին, ազատում աղջկան և վերադառնում Սասուն: Ինքն ամուսնանում է այդ աղջկա հետ, իսկ եղբայրը՝ Բաղդասարը՝ ջրարգել վիշապից ազատվածի հետ:

Լրացուցիչ միջադեպեր են Երևան գալիս Սարգիս Ավագյանի պատումում (ՄԴ՝ 2): Կապված Բաղդասարի ամուսնության հետ: Երկու եղբայրները քառասուն փակիւններին հաղթելուց հետո կովի են բռնվում քառասուն դևերի հետ և ազատում են Դեղձունի քրոջը, որի հետ ամուսնանում է Բաղդասարը: Բացարիկ միջադեպեր են հանդիպում սասունցի Ֆարմանի պատումում (ՄԴ՝ 8):

Վերոհիշյալ պատումում Սանասարը գնում է Կախսարդական քաղաքի տեր Քառասուն ճող Շամի հետ ամուսնանալու: Մտնում է քաղաք և հեռվում տեսնում է մի մեծ պալատ՝ դուռլուսամուտը սև: Սանասարը կրվում է այդ քաղաքի փակիւնների հետ, կրտսեր եղբայրը օգնության է հասնում և միասին կոտորում են բոլորին:

Սանասարը տեսնում է սև պալատի գլխին լույսի պես վառվող խնձորը, բարձրանում, գուրզով խփում է, վերցնում, դնում է ծոցը և ուզում է մտնել պալատ: Դռնապանը չի թողնում: Սանասարն ուժեղ սեղմում է դրմապանի ծեռքը. («Սանասարը ծեռք բռնեց ենակես ճմտեց./Որ փակիւնն մոր կաթ տվեց դուս/»), իսկ վերջինս ցավից գուշակում է նրա ով լինելը և ներս թողնում: Սանասարը գնում է ճող Շամի մոտ, ով առաջարկում է. «Պետք ի գնաս ծովի միջից հրելեն ծին հանես/Քեծնես գնաս Օծ քաղաք, օծին սպանես գաս»:

Սանասարը գնում է ծովափի, սանձը կախում է ծովը, հրեղեն ծին հանում, հեծնում, գնում է Օձ քաղաք: Տեսնում է՝ ամբողջ քաղաքը խավարի մեջ է: Պարզվում է, որ թևավոր վիշապը թռել է երկինք և թևերով բռնել արևի երեսը: Սանասարը նետ-աղեղով զարկում է վիշապին և ցած բերում. «Անձրև-հեղեղ էկավ, կայծակ-փայլակ շամփիրեց, // դղրդոց, գոգոց ընկավ աշխարհ. // հետո կամաց-կամաց դադարավ, արկուս էլավ»:

Այնուհետև Սանասարը հյուրընկալվում է իր ծանոթ պառավիտանը, որտեղ էլ ինանում է, որ այդ քաղաքում վիշապը փակել է աղբյուրի ակը, և օրական մի աղջիկ են տալիս վիշապին կեր, որ ջուր բաց թողնի: Այդ օրը թագավորի աղջկա հերթն էր: Սանասարը քաղաքի մարդկանց հետ միասին գնում է աղբյուրի մոտ: Աղջիկը խնդրում է Սանասարին հեռանալ: Վերջինս մերժում է և գլուխը դնելով աղջկա ծնկներին՝ քնում է: Շատ չանցած՝ աղբյուրի ակից դուրս սողալով գալիս է վիշապը: Սանասարն արթնանալով՝ քաշում է սուրը և կանչում. «Դացն ու գինին, տեր կենդանին, Մարութեա բանձր աստվարածին/, Դու օքնական Սանասարին!» և գլխատում է վիշապին, հետո կտորկտոր անում: Թագավորը կամենում է իր աղջկան կնության տալ Սանասարին, սակայն նա իրաժարվում է և խնդրում, որ իրեն դուրս բերեն այդ աշխարհից: Թագավորը Սանասարին խորհուրդ է տալիս գնալ անտառ, որտեղ մի արծիվ կա, որի ծագերին վիշապն ուտում է: Եթե հաջողվի սպանել վիշապին, ապա արծիվը նրան կտամի երկիր: Սանասարը գնում է անտառ, գտնում արծիվի բույնը, պառկում է ծառի տակ և սպասում վիշապին: Քիչ անց գալիս է վիշապը: Սանասարը սպանում է վիշապին, կտոր-կտոր անում, մի քանի կտոր տալիս է ծագերին: Արծիվը գալիս, տեսնում է Սանասարին և պատրաստվում է նրան կտոր-կտոր անել: Զագերը ծայն են տալիս իրենց մորը, որ դա իրենց փրկողն է: Արծիվը վայր է իջնում, թևերը բացում,

իով է անում, որ Սանասարը քնի²⁴¹: Սանասարը զարթնելով՝ խնդրում է արժվիճ՝ իրեն Լույս աշխարհ հանի: Նա նստում է արժվի թևերին, դուրս է գալիս Լույս աշխարհ, գնում կախարդական քաղաք, վերցնում Քառասուն նող Ծամին, վերադառնում Սասուն և անուսնանում:

Այս պատումի գրառող Գր. Գրիգորյանը դրանք կապում է մեր իին առասպելների հետ. «Ամենահիշարժանը դրանցից, թերևս, Վիշապի նետահարումն է, որը բարձրացել է Երկինք, իր վիրխարի թևերով ծածկել արևի երեսը և լույսից ու անձրկից գրկել Օձ քաղաքի բնակիչներին: Այս միջադեպը սերտորեն կապվելով «Կահագնի ծնունդը» առասպեկի հետ, էպոսի առաջին ծյուղը իր արմատներով տանում է դեսի վաղնջական անցյալի խորքերը»²⁴²:

Ս. Դարությունյանը քննելով այս մոտիվները՝ դրանց ծագումը կապում է առասպելաբանական վիշապանարտի առասպելույթի հետ²⁴³: Իսկ ըստ Ա. Սահակյանի՝ «Մեզ այդ մոտիվները թվում են ոչ թե իին, վիշապա-առասպելական նախնական շերտեր, որոնց հետքերը փնտրում էր Սանուկ Աբեղյանը վեպում, այլ պատահական կամ միտումնավոր մուտք այդ մոտիվների հայտնի հերիաքային տարբերակումից»²⁴⁴:

Այսպիսով՝ քննելով հերոսավեպի երեք տիպաբանական խմբերի առաջին՝ Սանասար-Բաղդասար վիշապյուղերի պատումները, մեկ անգամ ևս համոզվում ենք, որ այս ծյուղի հիմքում ընկած է սրբազն Երկվորյակների տարածված առասպելը, և երեք խմբերում էլ գործում են Երկվորյակների գրույցներին բնորոշ ընդհանուր մոտիվները:

²⁴¹ Ուշագրավ է նաև Մ. Խորենացու՝ Արքումի տոհմի ծագման լեզենդը, որը պատմվել է Դաղամակերտում. իբր թե Երեխայի քննելուն հակառակվելիս են Եղել անձրևն ու արևը, և թոշումը հովանի է Եղել թալկացած պատանուն (Մովսես Խորենացի, II, 7):

²⁴² Սասունցի Դավիթ, Երևան, 1977, էջ 326:

²⁴³ Դարությունյան Ա.Բ., Վիշապամարտը՝ «Սասնա ծոերում», Լրաբեր հասարակական գիտությունների, Երևան, 1981, թիվ 11, ինչպես նաև՝ Դայ առասպելաբանություն, Բեյրութ, 2000, էջ 167-178:

²⁴⁴ Սասնա ծոեր, հանոր Դ, էջ 41:

Պատումների գերակշիռ մասում (Մոկաց և մասամբ Սասնա) երկվորյակ եղբայրներն ունեն հրաշալի ծնունդ, իսկ Մշո պատումներում՝ բնական ծնունդ և արքայական ծագում (Ասորեստանի թագավորի կամ Բաղդադի խալիֆայի օավակներն են):

Ծնված օրվանից նրանք հակադիր են և իրենց ուժով, և ընավորությամբ:

Ծնողների և երկվորյակների միջև հակասության գիծը երևում է նրանց հոր կամ հայրացուի արարքներում, որը տարբեր պատճառներով կամենում է սպանել եղբայրներին, սակայն վերջիններս ընթուտանալով սպանում են հորը, փախչում են հայրենիքից ու ապաստանում օտար երկրներում:

Հիմնականում Մոկաց փոփոխակներում երկվորյակների միջև վեճ է ծագում օտար երկրի արքայադստեր նամակի պատճառով: Եղբայրները հաշտվում են իրենց մոր՝ Ծովինարի միջամտությամբ, իսկ երբեմն էլ հաշտության միջնորդ է դառնում քահանան:

Գրեթե բոլոր պատումներում երկվորյակ հերոսներն օժտված են հետևյալ հատկանիշներով:

ա) Վայելում են աստվածային հովանավորություն (ինչպես իրենց միջազգային գուգորդները, հատկապես Աշվիններն ու Դիոսկուրները):

բ) Հիմնականում երկու տիպաբանական խմբերում (Մոկաց, Սասնա) երկվորյակներն օժտված են անպրոպային հերոսների հատկանիշներով. Կռվում են վիշապների դեմ, հաղթում, ազատագրում ջրերը և հատկապես այդ ջրերը խորհրդանշող կույսերին, վերջիններիս հետ անուսանում են, մի գիծ, որ յուրահատուկ է անպրոպային հերոսներին:

գ) Երկվորյակների տոտեմական ծագման հնագույն ընկալումները և դրսենորված են «Սասնա ծռեր» հերոսավեպում, որտեղ շեշտված է հատկապես նրանց ձիային նախասկիզբը (ձիերի ձեռք բերելը, ձիու կճղակից գոյացած ջրից հղիանալը և այլն)՝ ի տարբերություն մեր մյուս վիպական երկվորյակների:

Երվանդի և Երվազի, որոնց կապը դրսեորված է մյուս տոտեմական նախնու՝ ցլի հետ:

դ) Երեք տիպաբանական խմբերի փոփոխակներում էլ իրենց միջազգային շատ արյունակիցների նման նրանք հանդես են գալիս իբրև սրբազան նախնիներ՝ դառնալով վիպականացված մշակութաստեղծ հերոսներ, որոնք հիմնադրում են Սասնա բերդը, քաղաքը, իշխանությունն ու դյուցազնական տոհմը:

2. ԴԱՎԹԻ ԵՎ ՄՄՐԱ ՄԵԼԻՔԻ ՎԻՊԱԿԱՆ ԴՐՎԱԳՆԵՐԸ

Որոշ վերապահումներով Երկվորյակների առասպելի ինքնատիպ դրսեորումներ են առկա նաև հերոսավեպի երրորդ վիպաճյուղում՝ Դավթի և Մսրա Մելիքի կերպարներում:

Ի տարբերություն մյուս ճյուղերի վիպական մոտիվների՝ Դավթի ճյուղն ամենից ընդարձակն է թե՝ մոտիվներով և թե՝ իր միջադեպերով։ Բացառություն են Մոկաց խմբի հինգ պատումներ, որոնք ունեն միայն առաջին ճյուղ (հատ. Ա՝ Գ, Դ, Ե, Ի, հատ. Բ՝ ԺԹ), մնացած բոլոր տիպաբանական խմբերում առկա է Դավթի ճյուղը։

Էպոսի համարյա բոլոր պատումներում Դավիթն ու Մսրա Մելիքը հանդես են գալիս իրեն արյունակից եղբայրներ։

«Սասնա ծռերի» երեք տիպաբանական խմբերում երրորդ ճյուղն սկզբում է յուրային հերոսի՝ Դավթի՝ օտար Երկրում գտնվելու մոտիվով։ Եթե Մշո պատումներում Դավիթը Մսրում է հայտնվում Մհերի կամ Երկվորյակ ավագ Եղբոր և Մելիքի պայմանի արդյունքում (ննան պատումներում բացակայում է Երկրորդ ճյուղը), ապա Մոկաց պատումների մեծ մասում Դավիթն Մսրը են ուղարկում հոր՝ Մհերի ցանկությամբ, կամ էլ ծնողների մահվան պատճառով։ Սասնա պատումների մեծ մասում Դավիթն Մսրը է տանում Մելիքը՝ համաձայն Մհերի հետ կապած պայմանի (հատ. Բ՝ Ե, Զ, հատ. Դ՝ Ա, Զ, Ե, Ը, Ժ, ԺԱ, ԺԲ)²⁴⁵.

Էպոսի այս ճյուղի երեք խմբերում էլ իրացվում են յուրային և օտար հերոսների հակասության և բախման մոտիվները, որոնք ի հայտ են գալիս տակավին յուրային հերոսի մանուկ հասակից։ Դավիթը չի վերցնում օտարի, այսինքն՝ Մսրա խանումի կուրծքը (հատ. Ա՝ Բ, Ե, Զ, Ը, Թ, ԻԴ, հատ. Գ՝ Դ), կամ էլ կծելով ստնտումների կուրծքը՝ սպանում է նրանց (հատ. Ա՝ ԻԱ, ԻԲ, ԻԳ, ՍԴ1) և սնվում միայն Սասունից բերած մեղր ու կարագով։

²⁴⁵ Հատ. Դ՝ Դ պատումում Դավիթն Մսրը է ուղարկում Հովանք, կնոջ վատ վերաբերմունքի պատճառով, իսկ ժե պատումում Դավիթն կապում են ծիու գավակին և այդպես ուղարկում Մսրը։

Մշո և Սասնա փոփոխակներում տարածված և հաճախականությամբ են դրսնորվում Դավթի՝ Մելիքի մորուքը քաշելու (հատ. Բ՝ Ը, Թ, ԺԱ, ԻԲ, հատ. Գ՝ Զ) ու Մելիքի հոլը բռնելու միջադապերը (հատ. Բ՝ Դ, Ի, հատ. Գ՝ Ը, ԺԲ, ԺԴ)²⁴⁶: Մինչդեռ Մոկաց պատումներին առավել բնորոշ է խաղի ժամանակ Մելիքի հոլը (գուրգ) բռնելու միջադապը (հատ. Ա՝ Ա, Բ, Ե, Զ, Ը, Թ, Ժ, ԺԱ, ԺԲ, ԺԹ, ԻԱ, ԻԲ, ԻԳ, ԻԴ, հատ. Բ՝ ԺԳ, ԺԴ, ԺԵ, ԺԶ, ՁԵ, հատ. Գ՝ Ա, Գ, Դ):

Զայրացած Դավթի արարքից՝ Մելիքը ցանկանում է սպանել նրան: Սակայն Դավթին մահից փրկում է Մելիքի մայրը՝ Խսմիլ խարունը և միջնորդում Եղբայրների հաշտեցմանը:

Յուրային և օտար հակասության վառ օրինակ են միայն Մշո պատումներում դրսնորվող հերոսի կամ հերոսների գերությունից ազատման և թշնամու հպատակության մերժման մոտիվները, որոնք իրենց միջադապերով Մշո պատումների գերակշիռ մասում դրսնորվում են միննույն ձևով:

Մսրա Մելիքը, վախենալով հերոսի (հերոսների) հետագա ցասումից, որպես հպատակության նշան՝ իրամայում է, որ անցնեն իր թրի տակով: Բոլորն անցնում են, բացի Դավթից, որն անցնում է ոչ թե թրի տակով, այլ կողքով և «Ուր ճոչ բոք քիսավ ի ջադու քար՝ / Կրակ ելավ մոտեն»:

Յուրային և օտար հակասության օրինակ է դրսնորված նաև սասունցի Գենջօ Գրիգորյանի պատումում (ՄԴ՝ 4), որտեղ Մելիքն ապահովում է Դավթին, իսկ վերջինս «... ընդուն գըվերու զարգա գեղին// Մինչև չըքեր կըխրվի գեղինի մեջ», իսկ Սարգիս Ավագյանի պատումում (ՄԴ՝ 2) Դավթիը մենամարտի սկզբում խփում է Մելիքի թևին, թուրք ընկնում է ծեռքից, իսկ հետո, բռնելով Մելիքի գոտկատեղից, բարձրացնում է վերև և հարվածում գետնին: Այնուհետև Եղբայրները գոտեմարտում են: Այս-

²⁴⁶ Միսակ Հարոյանի և Խաչատուր Հովհաննիսյանի պատումներում Դավթի Մելիքի մորուքը բաց չի թողնում այնքան ժամանակ, մինչև որ կրակով չեն այրում նրա ծեռքը:

տեղ հաշտարարի դերում հանդես է գալիս Մելիքի մայրը, որը բաժանում է Եղբայրներին և ասում.

Տուք պետք է իրար քոնագ էղնեք,
Եգեր աք զիրարու գը սպանիք,
Չէ տուք ախարտիք աք, մեգ հոր զավակ:

(ՍԴ 2, էջ 87):

Այս միջադեպին անմիջապես հաջորդում է հերոսի փորձության մոտիվը, որն արտահայտվում է կրակով, ոսկով ու չամիչով: Սասնա մի քանի պատումներում նշվում են նաև խնձորը (հատ. Դ՝ 4), ծուն և կրակխառնիչը (հատ. Դ՝ Ը), կրակն ու մեղրը (հատ. Դ՝ ԺԳ): Սպաղանցի Միսակ Հովհաննիսյանի պատումում (հատ. Դ՝ Զ) Ղավթին փորձում են կրակով, ոսկով, սինոդով և ծիավորների մեյդանով.

«Թը գնաց մեյտան՝ ըստի գտրիչը,
Թը էգավ սիմոթ՝ մախուլ մարթ մը գըննի,
Թը գնաց վըր օսկում՝ փարը սեր գըննի
Թը գնաց վըր գրագին՝ ծուռ գըննի»

(հատ. Դ՝ Զ, էջ 212)

մեկնաբանում է Մելիքը:

Այնուհետև Մելիքը վտարում է մանուկ Ղավթին իր երկրից և պատվիրում, որպեսզի Բարձմանա կամուրջի վրա սպանեն նրան:

Մոկաց և Սասնա խմբերում դրսերվող սպանության այս մոտիվը հանդես է գալիս գրեթե նույն միջադեպերով. Ղավիթը հաղթում է իրեն ուղեկցող Մելիքի փակիւաններին, իսկ Վերջիններս էլ իրենց փրկության համար որևէ կենդանու արյան մեջ թարախում են Ղավթի շապիկը և ներկայացնում Մելիքին՝ որպես հանձնարարության կատարման ապացույց²⁴⁷:

Վերադառնալով Մըսրից՝ Ղավիթը դառնում է նախրապան, գառնարած և որսորդ:

²⁴⁷ Սասունցի Ֆարմանի պատումու (ՍԴ՝ 8) Մելիքը պատվիրում է սպանությունից հետո Ղավթի արյունը կծով թերեն իրեն, որպեսզի խմի: Սակայն փակիւանները խղճում են Ղավթին, չեն սպանում և բավարարվում են նրան ջուրը գցելով:

Մշո, այդ թվում նաև Սասնա մի քանի պատումներում դրսորված են Դավթի և Ղևերի (ավազակների), դևերի քարայրում գանձի և ծիու քուրկիկ Զալալու ծեռք բերելու, ինչպես նաև հորթատերերին հանգստացնելու միջադեպերը²⁴⁸, մինչդեռ Մոլկաց պատումներում առավել տարածված են կենդանիներին խառնելու և գազաններին Սասուն բերելու ու սասունցիների բողոքի միջադեպերը: Նետաքրքիր միջադեպ է պատմված սասունցի Թամոն Դավթյանի պատումուն (հատ. Բ՝ Ե), որտեղ Դավթը հինգ դևերին սպանում է ծխով խաբելով, հետո կտրում է դևերի ականջները և ուղարկում Յովիհանին ու Թորոսին:

Դերոսավեափի երեք տիպաբանական խմբերում ել հերոսի մշակութային գործունեությունը դրսորվում է համարյա նույն կերպ: Մոլկաց տարբերակներին բնորոշ են իոր գերեզմանի լույսը տեսնելու և վանքի վերաշինումն ու վանական միաբանության հաստատելու միջադեպերը:

Մշո պատումներում այս մոտիվը դրսորվում է հերոսի երազ կամ լույս տեսնելու միջադեպով:

Գերեզմանի լույսը տեսնելու և վանքի վերաշինման միջադեպն առկա է նաև Սասնա պատումների մեծ մասում: Լրացուցիչ միջադեպերի ենք հանդիպում Թամոն Դավթյանի (հատ. Բ՝ Ե) պատումում, որտեղ Սիերի գերեզմանի վրա կառուցված վանքում մատուցված առաջին պատարագի ժամանակ խաչը երկնքից իջնում է Դավթի աջ թևին:

Դավթի մշակութային-շինարարական գործունեությունը Սասնա պատումներում, ի տարբերություն մյուս երկու տիպաբանական խմբերի, ավելի բազմազան է: Դավթը հիմնում է ճախրկան գյուղը (հատ. Դ՝ Ը), ինչպես նաև տարբեր քաղաքներ (հատ. Բ՝ Ե, հատ. Դ՝ Զ, ԺԱ), եկեղեցի և վանքեր (հատ. Դ՝ Ա, ԺԳ,

²⁴⁸ Քառասուն ավազակներ, հսկաներ, դևեր փախցնում են Դավթի նախկիք և իրենց քարայրը տանում: Դավթը հետապնդում է նրանց, իր մահակով, որը ամպրոպային աստծոն զենքերից է, սպանում է, իսկ քարայրում գտնում է շատ ոսկի և արծաթ, որը բաժանում է սասունցիներին, ծի և կայծակի թուր, որը պահում է իրեն:

ժԴ), ջրամբար, ջրաղաց (հատ. Դ՝ Բ, Գ,), շենքեր, պարիսպներ (հատ. Դ՝ Գ, Ե), հացի փուռ (հատ. Դ՝ Գ) և այլն:

Մշակութային-շինարարական մոտիվին հաջորդում է Սելիքի հարկահանության, զորահավաքի ու հարձակման մոտիվը, որին էլ՝ Դավթի հզորանալը, զենք ու զրահ ծեռք բերելը, ինչպես նաև ուժի փորձության մոտիվները:

Սելիքի մայրը՝ Խամիլ խաթունը, փորձում է կանխել զորահավաքն ու հարձակումը և համոզում է որդուն, որ չգնա Դավթի վրա, քանի որ երազում տեսել է, որ «Սասնա աստղա լուսապայծառ եր, /Մսրա աստղա մութ-խավար եր/...Մսրա ծին փախս ելավ, /Սասնա ծին ել հետեւ խաղ ելավ.// (հատ. Ա. էջ 272): Սակայն որդին չի լսում մոր հորդորը և մեծ զորքով հարձակվում է Սասունի վրա ու պաշարում այն:

Մշո պատումների մի մասում Դավթին զենքերի մասին հայտնում է խորհրդատու պառավը (հատ. Բ՝ Գ, Ը, Թ, Ի, հատ. Գ՝ Ե, Է, Ը, Ժ, Բ, ԺԴ, ՍԴ՝ Յ).

Դու ի՞րլա չըս երտա քո հորոխապոր մոդ,
Ըսի, թե՝ յու՞ր է իմ հոր զենքեր,
Յու՞ր է իմ հոր ծին,
Յու՞ր է իմ հոր թուր,
Յու՞ր է իմ հոր Խաչ-Պարագին:

(հատ. Գ՝ Ե, էջ 168):

Երեք փոփոխակում (հատ. Բ՝ Ը, Թ, Ի, հատ. Գ՝ Զ) Դավիթը զենքը ծեռք է բերում Արմաղանի օգնությամբ²⁴⁹:

Յերսոսի՝ վեպում տարածված ջրով հզորանալու մոտիվը երևան է գալիս հիմնականում Մոկաց պատումներում:

Յորեղբոր խորհրդով Դավիթը գնում է Կաթնաղբյուր, լվացվում է, խմում այդ ջրից, աղոթում, քնում և հզորանում:

²⁴⁹ Սեկ պատումն (հատ. Բ՝ Ե) զենքը ստանում է Սարաթուկում ուխտի գնալուց հետո: Ալաշկերտցի Թևոս Մալխասյանի պատումն (ՍԴ՝ 5) զենքերի մասին իմանում է երազում հայտնված ծերունուց: Վանից սերող երկու պատումներում (հատ. Բ՝ ԺԴ, ԺԵ) Դավիթը ուսզմի պարագաներն ու ծին ստանում է քերիներից:

Կամ տարբերակներ (հատ. Ա՝ ԺԵ, ԺԶ, ԺԷ, ԺԸ, հատ. Բ՝ ԺԸ), որտեղ հերոսին Կաթնաղբյուր է հասցնում Քուռկիկ Զալալին՝ Մամիկի խորհրդով:

Չիու, Մամիկի խորհրդով Դավթին Կաթնաղբյուր հասցնելու մոտիվն առկա է նաև արծվիկցի Օհան Գասպարյանի (հատ. Դ՝ Ա) պատումում, իսկ Գրիգոր Պետրոսյանի և Վահան Ասատրյանի պատումներում (հատ. Դ՝ Ե, Գ) ավելի մեծ է Քուռկիկ Զալալու դերը, ում խորհրդով էլ Դավիթը գնում է Կաթնաղբյուր:

Սկրտիչ Ավետիսյանի պատումում (հատ. Գ՝ Ժ) Դավթին լուղացնում են քառասուն երնջի արյան մեջ.

Նոր բերեցին Դավթին քառասուն երինջ մատղեցին,
Եդոր արնով Դավթին լոյսկըցուցին
Դավթի աջ քազկի վրեն Մսե խաչ կար,
Եդ խաչն էլ օռշնեցին...

(հատ. Գ՝ Ժ, էջ 419):

Մշո տարբերակներում ջրի հետ կապված միջաղեպերի փոխարեն երևան են գալիս եկեղեցում աղոթելու, երբեմն նաև մատադի միջաղեպերը (Քառասուն անժին ոչխար կամ յոթ անժին երինջ են մատադ անում (հատ. Բ՝ Ա, Ը, Թ, Ժ, ԺԲ, ԻԲ, հատ. Գ՝ Զ, Թ, Ժ)²⁵⁰: Այսինքն՝ ինչպես բոլոր հերոսները, այնպես էլ տվյալ դեպքում Դավիթը կոիվ գնալուց առաջ կատարում է մաքրագործման սրբազն արարողություններ:

Դզորացմանը հաջորդում է պողպատե այան կտրելու, այսինքն՝ հերոսի ուժի փորձության մոտիվը, որը տարբեր ծավալներով դրսնորվում է երեք խմբի բոլոր պատումներում:

Կռվի մեկնելու նախապատրաստությունը մեծ մասամբ ավարտվում է Դավթի *հրաժեշտի* (/Տանտկիկ, ինչ խաց կըթիւք, /Դավթին մեջ հիշացեք/ Զհելքիր, ինչ ջբուշ կենեք, /Դավիթ մեջ հիշացեք/, *վախի* (/Օրինյալ բարերար Աստած, /Քո հրա-

²⁵⁰ ԺԲ (հատ. Գ) պատումում Դավիթը հզորանալու համար այցելում է հոր գերեզմանին, իսկ մեկ այլ պատումում (ՄԴ՝ 5) երազում հայտնված ծերութին Դավթին սովորեցնում է Մհերի աղոթքը. կամ էլ Դավիթը քառասնօրյա ուխտ է կատարում և չամիչ ուտելով հզորանում (հատ. Բ՝ ԻԲ):

մանքն էր շատ. /Յես ի՞նչըլս անեմ: /Ենոնք բամբակ, /Յես լե էլ-նեմ կրակ, /Չեմ կարա զանոնք երեցըցի. /Ենոնք ելնեն զարնան մատղաշ գառներ, /Յես լե էլնեն զարնան բաղցր գելեր, /Չեմ կարա զանոնք կտրեցըցի) ու ծիու քաջալերանքի (/Ինչ կը վախենաս. /Տու իմ քամկեն վե չիջնիս, /Քանի մքու թուր կտրի, /Ընցկում իմ բեհն տը կտրի. /Քանի մքու թուր կտրի, /Ընցկում իմ վուրիր տը կտրին, /Քանի մքու թուր կտրի, /Ընցկում իմ պուչ տը կտրի, /Իմ քամկեն վե չգաս/) մոտիվներով²⁵¹:

Դավթի և Սորա Մելիքի հանդիպումն ու մենամարտը երեք տիպաբանական խմբերում էլ դրսերվում է համարյա նույն ավանդական կառուցով. Մելիքի և Դավթի գրույց, Մելիքի խար-

²⁵¹ Այս առումով ուշագրավ է խուրիսան ավանդությունից սերող Ուկիկումիի վիպերգը, որտեղ աստվածների հայր Կումարքին, զուգավորվում է Սառը լճի մեջ գտնվող ժայռի հետ: Վերջինից ծնվում է Վիրխարի Ուկիկումին: Սեծանալով՝ Ուկիկումին սպասնում է և երկնքին, և հողմի աստված, անպրոպային հեռու Թեշուրին: Եվ երբ Թեշուրը եռոր և քրոջ՝ հշտարի հետ բարձրանում է խազի սարի զագարը և ներքում տեսնում թարե հրեշ Ուկիկումիին, վախենում է, նստում գետնին, լայս և ասում. «Ո՞վ կարող է զափե սրա կատաղությունը, ո՞վ կարող է սրա հետ կովե, ո՞վ կարող է այսուհետև տանել նրա սարսափը» (*Խուրերծու Հ.Շ.*, Հետպահ միֆոլոգիա, «Միֆոլոգիա գրեթե միակ»), Մ., 1977, շ. 187-189): Եվ ինչպես թուրկիկ Զալալին է քաջալերում ու սրտապնդում Դավթին, այնպես էլ հշտարն է քաջալերում և հուսադրում եղբորը՝ Թեշուրին:

Եվ ընդհանրապես վեպում ելակետային մոտիվ է հերոսների՝ ծիերի հետ խոսելը: Սանասարը, երբ շտապում է օգնության հասնել վտանգի մեջ գտնվող եղբորը, հարցնում է ծիուն:

– Յե՞ր տի խասմիս իմ աղբոր

Ասաց. – Չեվ մի զայլուն խնես:

Ասաց. – Չեղա՞վ:

Ասաց. – Աչքեր խիեն, բաց անես:

Ասաց. – Չեղա՞վ:

Ասաց. – Վոր կարաս քե բռնես,

Վուր դմես ոքքեր, չեվ մեկել վուր խասցնես.

Չիու գլոխ պագես: Խասցուց աղբոր:

(ի. Ա' 4, էջ 134):

Նույն կերպ Զենով Յովանը, երբ երազում տեսնում է, որ «Մսրա աստղ պուծառ եր. /Սաման աստղ մժվաղեր», հասկանում է, որ Դավթը փորձանքի մեջ է, դիմում է սկզբից բոլ ծիուն, հետո կարմիր, իսկ վերջում սև ծիուն հարցնելով, թե ե՞րբ իրեն կհասցնի Դավթի մոտ:

դավանք, Մելիքի հարվածներ, Դավթի երկու հարվածների գիշում, Մելիքի հորը մտնելու, վրան գոմշի կաշի քաշելու և Մելիքի սպանություն:

Կովից առաջ Մելիքը Դավթին հրավիրում է իր վրանը և խաբելով գցում հորը, ջրաղացքարով ծածկում: Այնուհետև Դավթը Ձեմով Հովանի խրատով ու աստվածային զորությամբ դուրս գալով հորից՝ կովի է բռնվում Մելիքի հետ: Մելիքի հարվածներից քվում է, թե Դավթը պետք է զոհվի, բայց նա դարձյալ աստվածային զորությամբ մնում է կենդանի: Երբ հերթը հասնում է Դավթին, Մսրա Մելիքի մայրը փորձում է կանխել Դավթի հարվածները.

— Դավթի, քո աղբերն ի.

Իս քի ծիծ ին տվը,

Պետք ի՝ ինձի խաթըր տաս մեկ դօր:

Ասաց.— Մեկ դօրը տվը քեզի խաթըր:

(հատ. Ա' Ը, էջ 359):

Երկրորդ հարվածը կանխում է Մելիքի քոյրը, իսկ երրորդ հարվածն իրեն պահելով՝ Դավթին իր Թուր-Կայծակիով հարվածում է հորում թաքնված Մսրա Մելիքին և երկու կես անում:

Մելիքին սպանելուց հետո Դավթին ազատ է արձակում նրա մորն ու քրոջը, իսկ մի քանի պատումներում (հատ. Ա' Ե, ԺԶ, ԺԵ) տիրում է Մըրին կամ գնում է Խսմիլ խաթունի մոտ և դառնում Մսրա թագավոր (հատ. Գ' ԻԱ):

Ս. Դարությունյանը Դավթի և Մելիքի մենամարտը դիտում է որպես վիշապամարտի առասպելույթի անուղղակի դրսերում և, համարդելով վերակազմած բալթիկ-սլավոնական ժողովուրդների լեզվական և բանահյուսական հարուստ նյութերի համեմատական քննությունները, ինչպես նաև իին հնդեվրոպական տարրեր ավանդությունների համապատասխան զուգահեռների համադրման հիման վրա վերակազմած ամպրոպային աստծո առասպելի սյուժետային հիմնական ուրվագիծը Դավթի վեպին (ճամանակորապես Դավթի և Մսրա Մելիքի հակադրությունների ու կովի միջադեպերին), պարզում է, որ Դավթի վեպը

լիովին համապատասխանում է հնդեվրոպական ամպրոպային առասպելի վերակազմված ուրվագծի մոտիվներին²⁵²:

Մարա ՄԵԼԻՔԻ սպամության անմիջապես հաջորդում է Դավթի սիրո և ամուսնության մոտիվը, որն առկա է վեպի գոեթե բոլոր պատումներում և նման է վեպի առաջին ճյուղում դրսնորվող Սամասարի սիրո և ամուսնության մոտիվին: Սակայն միակ տարբերությունն ըստ Ա. Սահակյանի այն է, որ «... Դավթի ճյուղում այդ միջադեպերը վիպական են, Սամասարի դեպքում մեծ մասամբ առասպելական իմբրով հեքիաթային»²⁵³.

Դեռավոր երկրի կամ քաղաքի թագավորի աղջիկը, լսելով Դավթի համբավը (կամ երազում տեսնելով նրան), նանակ, նկար և աշուղներ է ուղարկում Սասուն: Սակայն նանակը, նկարը և աշուղների գովքն անմիջապես չի հասնում Դավթին: Խանդութիւնը ուղարկած աշուղները թյուրիմացաբար գովքը անում են Վերգոյի, Թորոսի և Յովանի մոտ: Վերջիններս ծեծի են Ենթարկում նրանց: [Տնմտ. Պղնձե քաղաքի արքայադստեր ուղարկած նամակի հետ, որը թյուրիմացաբար հանձնվում է Բաղդասարին, որն էլ հանգեցնում է Եղբայրների հակամարտությանը]: Ծեծի և թյուրիմացության միջադեպը հանդիպում ենք Մշո պատումների մեծ մասում (հատ. Բ՝ Ա, Ը, Թ, Ժ, ԺԱ, ԺԲ, ԺԷ, հատ. Գ՝ Զ, Է, Թ, Ժ) և սասունցի Կահան Ասատրյանի տարբերակում (հատ. Դ՝ Գ): Մոկաց փոփոխակների մեծ մասում Դավթին Խանդութիւնը մասին հայտնում են աշուղները: Դավիթը, աշուղներից լսելով աղջկա գովքը, որոշում է գնալ Խանդութի հետևից և ինչպես ճանապարհորդության ժամանակ, այնպես էլ Խանդութի Երկրում հանդիպում է բազմաթիվ փորձությունների:

Ինչպես հովիվն է մեծ քանակությամբ կաթով կերակրում Սամասարին՝ նրա ուժը փորձելու համար, այնպես էլ Դավիթն է միանգամից ուտում գութանավորների յոթ օրվա հացը և իբրև փոփոխատուցում միայնակ վարում ամբողջ արտօ:

²⁵² Դարությունյան Ա.Բ., Աշվ. աշխ. 178-180:

²⁵³ Սահակյան Ա.Ը., Աշվ. աշխ., էջ 150:

«Ամպրոպային հսկա աստվածները սովորաբար զորեղ «ուտող-իմողներ» են, – նշում է Մ. Աբեղյանը»²⁵⁴:

Այնուհետև Դավիթը խարվում է մի կնոջից, հետը կենակցում: Եվ այդ կապից ծնված զավակն էլ հետագայում դառնում է նրա մահվան պատճառը:

Դավիթը, հասնելով խանդութիւ Երկիրը, սկզբից հանդիպում է աղջկա դռնապան Յամդոլ հսկային²⁵⁵. Սեղմելով վերջինիս ձեռքը՝ Դավիթը մեկ անգամ ևս ցույց է տալիս իր ուժը, որից հետո նրանք հաշտվում են: Ապա Դավիթը հանդիպում է աղջկա կողմից մերժված փեսացուներին կամ փահլւաններին: Եվ ինչպես Սանասարն է կրվում աղջկա հոր զորքի ու փահլւանների հետ և նրան օգնության է հասնում եղբայրը՝ Բաղդասարը, այնպես էլ Դավիթն է կրվում խանդութիւ հոր թշնամիների հետ: Այդ կրվում նրան օգնության է հասնում հարազատներից մեկը (Եղբայր, քեզի կամ հորեղբայր), և հաղթում են թշնամիներին: Երբ հանդիպում են աղջկան, վերջինս որպես սիրո և ընտրության գրավական՝ Դավիթին խնձոր է մեկնում²⁵⁶:

Եվ ինչպես Բաղդասարն է կրվում ծպտված աղջկա հետ, հաղթում և ամուսնանում հետը, այնպես էլ Դավիթն է կրվում տղամարդու հանդերձանքի տակ թաքնված խանդութիւ հետ, հաղթում և ամուսնանում:

«Ամպրոպային հերոսները հնդեվրոպացիների մեջ ունեն Երկու տեսակ թշնամի՝ հսկաներն ու վիշապները»²⁵⁷: Դյուցազնավեպի առաջին վիշապնուղի մի քանի պատումներում, եթե ամպրոպային հերոս Սանասարը մենակ (Երբեմն եղբոր հետ) կրվում է ջրարգել վիշապի հետ, սպանում, ազատում աղջկան, որի հետ ամուսնանում է ինքը կամ եղբայրը, ապա Դավիթի ճյուղում

²⁵⁴ Աբեղյան Մ.ի., Երկեր, հ. է, Երևան, 1975, էջ 72:

²⁵⁵ Մոլոց պատումների մեջ նաև դռնապանը հիշվում է Յամդոլ անունով, իսկ Մշո պատումներում՝ Գորգիկ անունով:

²⁵⁶ Խնձորի հետ կապված միջաղեպը հանդիպում ենք այս ճյուղի միայն Մոլոց տարբերակներում:

²⁵⁷ Աբեղյան Մ.ի., Երկեր, հատ. է, Երևան, 1975, էջ 73:

այդ վիշապների փոխարեն հանդես են գալիս դիվաննան **հսկա-ներ** Օղան-Տողանը, Լոռվա Յամզան, Շապի Խորասանցին, ո- ռոնք ցանկանում են բռնությամբ տանել Խանդութին: Դավիթը կրվում է նրանց հետ, ազատում Խանդութին և ամուսնանում է նրա հետ: Այդ հսկաների դեմ կրվի գնալիս Դավիթն երբեմն զո- րավիգ է լինում իին հայոց հողմի աստված սուրբ Սարգիսը²⁵⁸, իսկ Դավիթն էլ խոստանում է, որ նեղն ընկնելու պես նրանից աջակցություն կիսնդրի:

Այս բոլորը մեկ անգամ ևս բերում է այն հետևության, որ հե- րոսավեափ Դավիթ վիպաճյուղի հիմքում ևս ընկած է վիշապա- մարտի և անպրոպային կրվի հնագույն առասպելը. իսկ նրա կերպարում ու արարքներում դրսկորված են անպրոպային հե- րոսներին բնորոշ գործառույթներ ու նոտիվներ:

Այսպես՝ դիտարկելով հերոսավեափ Դավիթի ճյուղի այն նո- տիվներն ու դրանց հետ կապված միջադեպերը, որոնք անմի- ջապես առնչվում են Երկվորյակների արարքներին ու բնույթին, տեսնում ենք, որ Դավիթն ու Մսրա Մելիքը թեև արյունակից եղ- բայրներ են, բայց դրությամբ ու բնույթով հակադիր են:

Դավիթ ու Մսրա Մելիքի ծնունդը կամ ծագումը լիովին հա- մապատասխանում է Երկվորյակների ծննդյան նոտիվին:

Առասպելաբանական տեսանկյունից թե՛ Դավիթը, թե՛ Մսրա Մելիքը, իբրև Երկվորյակներ, համարվում են արևային աստծո (Մեծ Միեր) զավակներ, իսկ վիպական-պատմական առումով՝ Դավիթն առնչվում է Սասնա ոյուցազնական տանը, իսկ Մելիքը հարևան Երկրի թագավորն է:

Դավիթը ծնվում է աստվածային կամքով, իսկ Մսրա Մելիքը՝ մարդկային: Դավիթը հայի ճրագ է, Մելիքը՝ Մսրա:

Դավիթ և Մելիքի միջև բացահայտ առկա է կերպարների հա- կադրություն, որն իր զարգացումն ու լուծումն է գտնում հիմնա- կանում նրանց հետագա հակամարտություններում: Դավիթը

²⁵⁸ Սուրբ Սարգսը՝ որպես հողմի աստվածություն տես Աբեղյան Մ.Խ., հատ. Ա. Երևան, 1966, էջ 432-434, ինչպես նաև Հարությունյան Ս.Բ., նշվ. աշխ., էջ 187-188:

իբրև ամպրոպային աստված, կապված է Երկնքի, ամպրոպակայծակնային հատկանիշների, իսկ Մելիքն իբրև այլ Եթնիկական խմբի ներկայացուցիչ կապված է ստորգետնայքի հետ: Այսինքն՝ Մելիքը հանդես է գալիս օձ-վիշապի դերում (ցանկանում է Սասունից բռնությամբ հարկ վերցնել, կին ու աղջիկ գերեվարել, կողոպտել է տալիս Մարտուք վանքն ու կոտորում վանականներին, մեծ զորքով պաշարում է Սասունը, խնում, ցանքեցնում Բաթմանա գետը, սասունցիները մնում են ծարավ, Դավթի նկատմամբ Մսրում դիմում է չար խորհուրդների և անգամ փորձում է սպանել նրան), որը սպառնում է տիեզերական կարգ ու կանոնին, իսկ Դավիթը, սպանելով Մելիքին, վերականգնում է տիեզերական հավասարակշռությունը:

Դակասությունը Եղբայրների միջև տվյալ դեպքում ուղղված է ոչ թե առաջնությանը կամ էլ միևնույն աղջկան տիրանալուն, ինչպես բոլոր Երկվորյակային գրույցներում, այլ այստեղ այն հասնում է ծայրահեղության և անծնականից (մորուքը քաշելուց, հոլը բռնելուց և նրան խայտառակելուց) Վերածվում է Երմիկական թշնամանքի: Նրանց Երմիկական հակասությունները դառնում են Երկու թշնամի Երկրների միջև մղված կենաց և մահու պայքարի պատճառ, որտեղ հաղթում է Դավիթը, սպանում Մսրա Մելիքին, որոշ պատումներում թագավորում Մսրում: Այսինքն՝ այստեղ հակասությունը լուծվում է յուրային աստվածային ծագմամբ Եղբոր հաղբանակով:

Ծնողների և Երկվորյակների միջև ծագած հակասության մոտիվը թեև այստեղ բացակայում է, սակայն մեծ է ծնողի՝ տվյալ դեպքում Մելիքի մոր՝ Խսմիլ Խաքունի դերը, որը միշտ հանդես է գալիս Եղբայրներին հաշտեցնողի դերում:

Երկվորյակների՝ հայրենի Երկրից օտարօման կամ արտաքսման նոտիվն այս ճյուղում փոքր-ինչ այլ դրսեորում ունի:

Դանգամանքների բերումով Դավիթը ծննդյան օրվանից գտնվում է հայրենի Սասունից դուրս՝ Մսրում, և այստեղից արտաքսվում է Եղբոր՝ Մելիքի կողմից:

Վերադառնալով Սասուն՝ Դավիթն իր նախնիների նման մշակութային գործունեություն է ծեռնարկում, կառուցում է քաղաքներ, բերդեր, ջրամբար, ճախրկան գյուղը, Եկեղեցի և այլն:

Այսպիսով՝ եթե առասպելի սոցիալական մակարդակում երկվորյակները դառնում են միևնույն տոհմի հիմնադիր նախնիներ, այլ կերպ ասած՝ ֆրատրիաների անձնավորում, ապա եպսով պատճական մակարդակում նրանք դառնում են երկու թշնամի երկրի կամ հանրույթի ներկայացուցիչներ, որոնց հականարտությունը ավարտվում է յուրային հանրույթի պարտադիր հաղթանակով:

ՎԵՐԶԱՐԱՆ

«Երկվորյակների առասպելը և դրա տարբեր դրսերումները հայ վիպական ավանդության հաճակարգում» աշխատանքի արդյունքում հաճգել ենք հետևյալ եզրակացությունների.

1. Երկվորյակների առասպելներն իրենց կայուն դրսերումներն են գտել հայ վիպական ավանդության մեջ:
2. Դայլական գրույցների համեմատությունը Երկվորյակների միջազգային առասպելների հետ բերում են այն համոզման, որ այդ գրույցներում առկա հիմնական նոտիվներն ու կառուցվածքը համընկնում են միմյանց:

Անշուշտ, կան շեղումներ, որոնք պայմանավորված են հայոց պատմության և մշակույթի առանձնահատկություններով:

3. Դայլականի նյութական մշակույթի հնագույն հուշարձաններում (ժայռապատկերներ, ձկնակերպ քարակոթողներ, հնագիտական առարկաների զարդարնուիվներ) պահպանվել են Երկվորյակների առասպելների մի շարք մոտիվներ, որոնք իրենց մեկնաբանությունն են ստանում. բանավոր ավանդության մեջ առկա, անգամ մեր օրերում գրառված վիպական գրույցներում:
4. Դայոց Երկվորյակների աստեղային դրսերումներն ի հայտ են գալիս թե՛ միջնադարյան աստղագիտության և թե՛ կենդանակերպի (զոդիակ) հաճաստեղություններում՝ արտացոլելով աստղագուշակման մի շարք իրողություններ (Եղանակի փոփոխություն, ցանքսերի, ճահվան, ճարդկանց ու կենդանիների ծննդաբերություն, արկի, լուսնի խավարումներ և այլն):
5. Ելնելով Երկվորյակային առասպելների Երկմիասնության գաղափարաբանությունից և դրա վաղնջագույն առարկայական համալիրից (կիմ, ծառ, թռչուն)՝ Երկվորյակության

Երկմիասնության գաղափար է բացահայտվում հայոց հարսանեկան ծիսակարգում և մանավանդ ծիսերգերում: Մասնավորապես փեսայի ծառագովքում փեսայի ծառը դիտվում է իբրև նորահարսի առարկայական խորհրդանշից, միաժամանակ նաև հարսի ու փեսայի Երկմիասնության դրսերում՝ արտահայտված ծառի ծաղկման, փթթման, պտղավորման խորհրդապատկերներով՝ իբրև ընտանեկան արգասավորման խորհրդանշներ:

6. Դայ վիպական բանահյուսության գրավոր կամ բանավոր ավանդված չորս հուշարձանների հորինվածքային կառուցվածքում նկատելի է բոլորին յուրահատուկ օրինաշափություն. դրանք սկսվում են Երկվորյակ Եղբայրների առասպելական կամ պատճականացած գրույցներով:
7. Գրեթե բոլոր գրույցները կառուցված են մեկ ընդհանուր ավանդական մոտիվաշարով, որն սկսվում է Երկվորյակ-ների հրաշալի կամ արքայական ծնունդով, կերպարների հակադրությամբ, ծնողների կամ հարազատների և Երկվորյակների միջև ծագած հակասությամբ, փախուստով և հալածանքով՝ տաճից ու հայրենիքից, Երկվորյակների միջև ծագած հակասությամբ ու հաշտությամբ և ավարտվում տիեզերական կամ սոցիալական նոր կարգի հաստատումով:
8. Բոլոր Երկվորյակային գրույցները վերաբերում են տվյալ ավանդության մեջ նոր տոհմերի հիմնադրմանը, որով և դրանք վերածվում են տվյալ տոհմի վիպական ծավալուն պատճունության: Երկվորյակային գրույցներով սկսվող պատճունությունների համար այդ գրույցները առհասարակ դառնում են ժանրային կանխանշամ՝ տվյալ պատճությունների սկզբնամասերը որոշարկելու համար:
9. Դնդեվլոպական և հիմնարևելյան Երկու հիմնական հայեցակետերի անդրադարձումները՝ կապված համապատասխանաբար ցլից և ծիուց սերած հերոսների հետ, ևս պահպանվել են հայոց վիպական ավանդության մեջ:

- Առաջինը կապված է Երվանդի և Երվագի առասպելի, Երկրորդը՝ Սանասարի և Եղբոր գրուցի հետ: Սա մեկ անգամ ևս ապացուցում է, որ հայկական ավանդությունը իր ծալքերում պահպանել է այդ տարածաշրջանին բնորոշ Երկվորյակների ծագման գույգ կենդանական նշանաբանը:
10. Երկվորյակների առասպելները, կազմելով տվյալ վիպական հուշարձանների պարտադիր սկզբնամաս, պայմանավորում են նաև վիպական իրադարձությունների համապատասխան ընթացք և զարգացում: Այս օրինաչափության և պատճական ու տիպաբանական այլ փաստարկների հիման վրա «Վիպասանք» ժողովրդական վեպի Երկվորյակ Եղբայրներ Երվանդի և Երվագի առասպելը դիտվել է ոչ թե որպես Երվանդ Վերջինի ծննդյան առասպելական պատմություն, այլ Երվանդունի արքայատոհմի նախնիների հրաշալի ծննդյան գրուց, քանզի նույն տոհմի Երվանդ անունով արքաներն ու նրանց արարքները ծուլվել են միմյանց:
 11. Երկվորյակային առասպելներով են սկսվում նաև հայ միջնադարյան «Պարսից պատերազմ» և «Տարոնի պատերազմ» վեպերը: Առաջինը կապված է Մամիկոնյան սպարապետական տոհմի նախնիներ Մամիկի և Կոնակի (Բղդոխ)՝ ճենաստանից Հայաստան գալու և սպարապետական տոհմի հիմնադրման մասին գրուցին, իսկ Երկրորդը՝ Հնդկաստանից Եկած, Տարոնում հիմնավորված գույգ Եղբայրներ Դեմետրի և Գիսանեի պատմությանը. Իննակենյա տեղերում նրանց սրբագրութունն ու պաշտամունքատեղիի կառուցումը, որը հետագայում դառնում է քրիստոնյա գույգ սրբերի (Կարապետ, Աթանագինես) նշխարների վրա վերակառուցած սուրբ Կարապետի հոչակավոր վանքը:
 12. Երկվորյակների առասպելների դասական դրսերում է «Սասնա ծոեր» հերոսավեպը, մասնավորապես առաջին վիպանյուղը՝ Սանասարի ու Եղբոր վեպը:

Ըստ Մոկաց ու մասամբ նաև Սասնա տիպաբանական խճի պատումների՝ Երկվորյակ Եղբայրներն ունեն ջրային ծագում, ծնվում են իրենց մոր՝ Շովինարի՝ ամպոռապային դիցուիու աստվածային կամքով՝ ծովից բխած բուռուկես ջրից: Եղբայրներն օժտված են ամպրոպակայծակնային հերոսներին և իրենց միջազգային գուգորդներին բնորոշ հատկանիշներով (նրանց յուրահատուկ գենք ու գրահ կրելը, հերոսների օտար Երկրից գալը, հակասությունը իոր և զավակների միջև, հակասությունը Եղբայրների միջև, դյուցազնական տոհմի հիմնադիրներ, նոր բերդի, քաղաքի շինարարներ լինելը):

Մշո խճի փոփոխակներում Եղբայրներն ունեն բնական ծնունդ, արքայական ծագում, և այս վիպաճյուղի տարբերակները հիմնականում առնչվում են պատմականացած գրուցներին ու դեպքերին, որոնցում առավել ճշգրտությամբ են արձանագրվել Ասորեստանի Սինախերիք (Սենեքերիմ) թագավորի և նրա որդիների մասին աստվածաշնչյան պատմության հետքերը:

13. Երկվորյակային առասպելների ինքնատիպ դրսերում է Դավիթ և Մսրա Մելիք Եղբայրների հակադրությունն ու անզիջում պայքարը, որը տոգորված է Մսքր-Մասուն թշնամական Երկրների և Եթնիկական տարբեր խճերի հակադրության գաղափարով:

КРЕДЖЯН ЛУСИНЭ ХАЧАТУРОВНА

БЛИЗНЕЧНЫЙ МИФ И ЕГО РАЗЛИЧНЫЕ ПРОЯВЛЕНИЯ
В СИСТЕМЕ АРМЯНСКОЙ ЭПИЧЕСКОЙ ТРАДИЦИИ

Резюме

Цель данного исследования – показать, что древнейший миф о Близнецах, засвидетельствованный в армянских эпических памятниках, имеет стойкую структуру вымысла, которым и обусловлены дальнейший ход и развитие эпических событий данных памятников. Кроме отмеченных структурных особенностей, наличие близнечных мифов в разных эпических памятниках указывает на факт творения их древнего мифологического мышления едиными формами. То есть, во всех наших древних эпосах близнечные сказания являются начальными элементами для всех эпических памятников.

В первой главе, "Общие особенности международных близнечных мифов", исходя из результатов международных исследований, нами был представлен свод основных проявлений этих мифов. На этой же основе были исследованы также типологические мотивы армянских близнечных сказов.

В данной главе нами была анализирована древнейшая семантика дерева жениха в армянском свадебном обряде, связанная с женихом и невестой как стародавнее представление близнечных пар, которые выступают как единое тело, как одна личность.

Во второй главе, "Близнечные поверья и следы культа в памятниках древней материальной культуры Армянского нагорья" были анализированы мифологические близнечные сюжеты в древнейших памятниках материальной культуры Армении и на этой основе были показаны и представления о

Близнецах коренных жителей Армянского нагорья и мифологические проявления вокруг этой задачи у исконных армян.

Опираясь на результаты исследований историков древнеармянской культуры, нами были представлены наскальные изображения, являющиеся проявлениями культа Близнецовых в древней пиктографии и тем самым была обоснована идея существования данного культа и поверья на территории Армянского нагорья с третьего тысячелетия до н.э. Следовательно вовсе и неслучайно сюжетное проявление мифов о Близнецах во всей системе армянской эпической традиции.

Третья глава – "Происхождение близнечного мифа в армянской эпической традиции" состоит из четырех подзаголовков, каждый из которых в отдельности возвращается к народным эпосам "Випасанк", "Персидская война", "Таронская война" и "Сасна црер" ("Сасунские уdalьцы"). Последний в свою очередь подвергается анализу с разных точек зрения, исходя и из особенностей содержания и из характера вариативности.

В "Випасанке" подвергается анализу близнечный сказ о Ерванде и Ервазе, который представляется не как исторически принятый миф о Ерванде Последнем, а миф о происхождении Ерванда-предка царского рода Ервандуни.

Отец Ерванда и Ерваза был быком, а бык был зооморфным воплощением грозового бога, и сам Ерванд был наделен мощью колдовского влияния – особенностью, которая была присуща грозовым героям. Эта особенность проявляется в поступках его наследника Тиграна Ервандуни, который как герой-змееборец бьется и убивает медийского вишапа (мараци) Аждахака.

"Персидская война" начинается с близнечного сказа, который как вновь связываются с эпическим сказом об основании рода Мамиконянов. Фрагменты этого сказа также отож-

дествляется со многими мотивами международных близнечных мифов.

Все вышесказанное также относится и к братьям близнецам Деметр и Гисанэ, выступавшие в "Таронской войне", которые также (как и предки Мамиконянов Мамик и Конак) приходят из чужой страны, из Индии, основывают город Вишап, а впоследствии становятся божествами.

В отличие от других эпических сказов (как Ерванд и Ерваз, Деметр и Гисанэ, Мамик и Конак), которые были более короче и передавались только одним или двумя вариантами, сказы о Санасаре и его брате более обширны, многомотивны. Исходя из вышесказанного, сравнительно-типологическому внутреннему анализу были подвержены данные трех типологических групп первой ветви героического эпоса "Сасна црер", мокских, мушских и сасунских сказов.

В героическом эпосе "Сасна црер" на основе мифологического контура Близнецов были анализированы также обряды Давида Сасунского и Мсра Мелика, как братьев-близнецов. Хотя они и являлись сыновьями Мгера Старшего, однако выступают как представители разных этнических групп вражеских стран Мсыр и Сасун.

В заключении даны обобщенные выводы работы.

GHREJYAN LUSINE XACHATUR

THE MYTH OF TWINS AND ITS VARIOUS MANIFESTATIONS IN THE SYSTEM OF THE ARMENIAN EPIC TRADITION

Resume

The aim of this work is to show that the ancient myth of the twins of various centuries, present in the ancient Armenian manuscripts, has a stable structure of composition, from which the further course and development of the epic events in the certain literary monuments are depended. Besides the given structural characteristics, the presence of the twin myths in different epic works, show the reality of their being created with joined forms of ancient mythical way of thinking. In other words, in all our ancient creations the stories of twins are turned to be initial beginnings for all the epic works.

In the first chapter: "The general characteristics of the international myths of Twins", rising from the results of their international investigations, we have presented the panorama of the main manifestations of those myths. The typological motifs of the Armenian stories of twins have been examined on this ground as well. In the mentioned chapter, we have examined also the ancient significance of the "groom's tree", present in the Armenian wedding ceremony, connected with the 'bride and groom' as one person and one body, as a manifestation of the ancient conception of twin couples.

In the second chapter ("The traces of belief and worship of twins in the ancient material cultural monuments of the Armenian highland"), the epic themes of twins, present in the ancient monuments of the material culture of Armenia, have been examined and on this ground there have been presented both: the concepts of the pre-indigenous people of the Armenian

highland about twins and the epic manifestations of the native Armenians about the mentioned question. Based on the results of the investigations of the historians studying the ancient Armenian culture, the worshiping of twins, present on the ancient rock carvings, come to prove the idea that this belief and worship have been present in the Armenian highland since the III millennia B.C.

So, the presence of the epic themes about twins, in the whole system of the Armenian epic tradition, is not accidental.

The third chapter is the largest and bears the title "**The myth of twins in the Armenian medieval epic monuments**". This chapter consists of four sub-chapters, each of which in their turn refers to folk novels of: "Epic Works" ("Vipasank"), "Persian War", "The War of Taron" and "The Fool of Sasoon". The latter, in its turn, rising from its contextual characteristics and version character, is inspected from various aspects.

The story of the twins of Yervand and Yervaz is examined in "Epic Works" ("Vipasanq"), which appears to be not a myth about the origin of historically accepted Yervand the Last but a myth about the origin of Yervand, the ancestor of the royal dynasty of Yervanduni. Yervand's and Yervaz's father was the Bull, which is the zodiac presentation of the God of Thunder and Yervand himself is gifted with an eye charming power, a feature which is typical to the thunder-lightening heroes. Such characteristic of Yervand appears both in the name and behavior of his heir Tigran Yervandian who, as a hero struggling against dragons, fights and kills Azhdahak, the dragon of Media.

The poem "Persian War" begins with a story of twins, which is also connected with the epic history about the foundation of a dynasty, this time of Mamikonian dynasty. The parts of this history are also similar to a series of motifs of the international myths of twins.

The same concerns to Demetr and Gisane, the twin brothers in the folk novel of "The War of Taron", who (like Mamik and Konak, the ancestors of Mamikonians) came from India, a foreign country, founded the Dragon city and later were worshipped by their successors as Divinities.

Unlike the other epic stories (Yervand and Yervaz, Demetr and Gisane, Mamik and Konak) that are shorter and have reached us only in one or two variants, the stories about Sanasar and his brother are rather long and are distinguished with the diversity of motifs and variations. Rising from this, the facts of the first branch of the three typological groups: Mokats, Msho and Sasoon deviations of the heroic-epos of "The Fools of Sasoon", have been subjected to typo-analogical inner inspection.

In the co-text of the epic poem "The Fools of Sasoon", on the base of the epic outline of Twins, the characters of David of Sasoon and Melik of Egypt have been examined as twin brothers. Though being Great Mher's sons they both appear as representatives of different ethnic groups of opposing countries: Egypt and Sasoon.

In the Resume there are given the generalized conclusions of the work.

ՕԳՏԱԳՈՐԾԱԾ ԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ

Ա. ԱՂԲՅՈՒՐՆԵՐ

1. Ազաքանգեղոս, Դայոց պատմություն, Երևան, ԵՊՀ հրատ., 1983, 605 էջ:
2. Աստուածաշունչ, Վիեննա, Ամերիկեան ընկերութիւն գրոց սրբոց, 1929, 955 էջ:
3. Եղմիկ Կողբացի, ճառք ընդդեմ աղանդոց, Ժնեվ, Ռուկասեանց Եղբայրների հաստատութեան հրատ., 1992, 116 էջ:
4. Էմինյան ազգագրական ժողովածու, Մոսկվա-Ալեքսանդրապոլ, Լազարյան ճենարանի հրատ. 1901, հատոր Ա, 338 էջ:
5. Թովմա Արծրունի և Անանուն, Պատմություն Արծրունյաց տան, Երևան, «Սովետական գրող» հրատ., 1978, 406 էջ:
6. Դայ ժողովրդական հեքիաթներ, հատոր I, պատրաստեց և առաջարանց գրեց Ա. Մ. Նազինյանը, ընդհանուր խմբագրությանք Յ. Օրբելու, Երևան, ՀՍՍՀ ԳԱ հրատ, 1959, 670էջ:
7. Դայ ժողովրդական հեքիաթներ, հատոր III, պատրաստեց և առաջարանց գրեց Ա.Ս. Նազինյանը, ընդհանուր խմբագրությանք Յ. Օրբելու, Երևան, ՀՍՍՀ – ԳԱ հրատ, 1962, 670 էջ:
8. Դայ ժողովրդական հեքիաթներ, հատոր VII, պատրաստեց և ծանոթագրեց Ա.Մ. Նազինյանը և Մ. Առաքելյանը, Երևան, ՀՍՍՀ ԳԱ հրատ, 1979, 768 էջ:
9. Դայ ժողովրդի պատմություն, հատոր I, Երևան, ԵՊՀ հրատ., 1961, 396 էջ:

10. Հայկական Սովետական Հանրագիտարան, հատոր 5, Երևան, 1979, 720 էջ:
11. Հայկական Սովետական Հանրագիտարան, հատոր 12, Երևան, 1986, 752 էջ:
12. *Մովսէս Խորենացի*, Հայոց պատմություն, Երևան, ԵՊՀ հրատ., 1981, 428 էջ:
13. *Մովսէս Խորենացի*, Պատմութիւն Հայոց, Քննական բնագիրը և ներածութիւնը Մ. Աբեղեանի և Ս. Զարութիւնեանի, Երևան, ՀԽՍՀ ԳԱ հրատ., 1991, 560 էջ:
14. *Յովիան Մամիկոնեան*, Պատմութիւն Տարօնոյ, Երևան, Գիտամանկավարժական հրատ., 1941, 299 էջ:
15. Նոր բառագիրը հայկագեան լեզուի, հատոր II, Երևան, Երևանի համալսարանի հրատ., 1981, 1067 էջ:
16. Սասնա ծոեր, հատոր Ա, խմբագրությամբ Մ. Աբեղյանի և աշխատակցությամբ Կ. Մելիք-Օհանջանյանի, Երևան, Պետիրատ, 1936, 1130 էջ:
17. Սասնա ծոեր, հատոր Բ, մաս Ա, խմբագրությամբ Մ. Աբեղյանի և աշխատակցությամբ Կ. Մելիք-Օհանջանյանի, Երևան, Պետիրատ, 1944, 406 էջ:
18. Սասնա ծոեր, հատոր Բ, մաս Բ, խմբագրությամբ Մ. Աբեղյանի և աշխատակցությամբ Կ. Մելիք-Օհանջանյանի, Երևան, Պետիրատ, 1951, 1004 էջ:
19. Սասնա ծոեր, հատոր Գ, գրանեցին և հրատարակության պատրաստեցին Ս. Դարությունյանը և Ա. Սահակյանը, Երևան, ՀՍՍՀ ԳԱ հրատ., 1979, 538 էջ:
20. Սասնա ծոեր, հատոր Դ, գրանեցին և հրատարակության պատրաստեցին Ս. Դարությունյանը և Ա. Սահակյանը, Երևան, ՀՀ ԳԱԱ «Գիտություն» հրատ., 1999, 582 էջ:
21. Սասնա ծոեր, հայ ժողովրդական վեպ, (տասը պատում), աշխատությամբ Ս. Դարությունյանի, Երևան, «Սովետական գրող» հրատ., 1977, 699 էջ:

22. Սասնա ծոեր, յոթ նորահայտ պատումներ, աշխատությամբ Ռ. Գրիգորյանի, Երևան, ՀՀ ԳԱԱ «Գիտություն» իրատ., 2000, 280 էջ:
23. Սասունցի Դավիթ, նոր պատումներ, գրառեցին և հրատարակության պատրաստեցին Գր. և Վ. Գրիգորյանները, Երևան, «Սովետական գրող» իրատ., 1977, 365 էջ:
24. Սասունցի Դավիթ, իայ ժողովրդական հերոսավեպ (համահավաք բնագիր), բնագիրը հրատարակության պատրաստեց և խմբագրեց Ս. Զարությունյանը, Երևան, «Լույս» իրատ., 1981, 343 էջ;
25. *Մերեոս*, Պատմություն, Երևան, «Զանգակ-97» իրատ., 2005, 404 էջ:
26. *Ստեփանոս Օռբեյյան*, Պատմություն տաճն Սիսական, Աւետիքայ Բալայեան Ղուկասեանց, Թիֆլիս, 1912, 618 էջ:
27. Վարք և վկայաբանութիւնք սրբոյ, հատընտիր, քաղեալք ի ճառընտրաց, հասոր Ա, Վենետիկ, Ս. Ղազար, 1906, 720 էջ:
28. Տօնացոյց, Վաղարշապատ, 1906 399 էջ:
29. Армянский народный эпос, Сасунские удальцы (избранные варианты), Ереван, "Ван Арьян", 2004, 348 с.
30. Давид Сасунский, Армянский народный эпос, Ереван, "Наири", 1999, 334 с.
31. Мифологический словарь, Москва, "Советская энциклопедия", 1990, 672с.
32. Мифы народов мира, т. I, Москва, "Советская энциклопедия", 1981, 671 с., т. II, Москва, "Советская энциклопедия", 1982, 719 с.

Բ. ԳՐԱԿԱՆՈՒԹՅՈՒՆ

1. Արեղյան Մ.Խ., Երկեր, հատոր Ա, Երևան, ՀՍՍՀ ԳԱ հրատ., 1966, 564 էջ:
2. Արեղյան Մ.Խ., Երկեր, հատոր Է, Երևան, ՀՍՍՀ ԳԱ հրատ., 1975, 578 էջ:
3. Արեղյան Մ.Խ, Դիմ գուսանական ժողովրդական երգեր, Երևան, 1931, 270 էջ:
4. Արրահամյան Ա.Գ., Անանիա Շիրակացու մատենագրությունը, Երևան, Մատենադարան, 1944, 419 էջ:
5. Ալշան Ղ., Դիմ հաւատք կամ հեթանոսական կրօնք հայոց, Վենետիկ, 1895, 583 էջ:
6. Ակյան Ս., «Սասնա ծռեր» էպոսը և հնդեվրոպական երեք ֆունկցիաները, Պատմա-բանասիրական հանդես, Երևան, 1985, N 1(108), էջ 32-46:
7. Ածառյան Դր., Դայոց անձնանումների բառարան, հատոր Բ, Երևան, Պետ. համալսարանի հրատ., 1944, 682 էջ:
8. Ավդարենկյան Թ., Դայագիտական հետազոտություններ, Երևան, ՀՍՍՀ ԳԱ հրատ., 1969, 492 էջ:
9. Բենսե, Դայ ազգագրություն և բանահյուսություն, հատոր 3, Երևան, ՀՍՍՀ ԳԱ հրատ., 1972, 182 էջ:
10. Գրիգորյան Գ.Ա., Դայ էպոսագիտության պատմությունից, Երևան, «Լուս» հրատ., 1981, 110 էջ:
11. Գրիգորյան Գ.Ա., Սյունիքը Օրբելյանների օրոք, Երևան, ՀՍՍՀ ԳԱ հրատ., 1981, 318 էջ:
12. Եղիազարյան Ա.Կ., «Սասնա ծռեր» էպոսի պոետիկան, Երևան, ՀՀ ԳԱԱ, «Գիտություն» հրատ., 1999, 282 էջ:
13. Թուխ Մանուկ, Նստաշրջանի նյութեր, Երևան, «Դայաստան» հրատ., 2001, 132 էջ:
14. Իսրայելյան Դ.Ռ., Պաշտամունքն ու հավատալիքը ուշ բրոնզեդարյան Դայաստանում, Երևան, ՀՍՍՀ ԳԱ հրատ., 1973, 172 էջ:

15. Խսրայելյան Հ.Ռ., Երկվորյակների պաշտամունքի հետքերը իին Հայաստանում, Պատմա-բանասիրական հանդես, N 3 (90), Երևան, 1980, էջ 216-228:
16. Խալաթյան Գր., Զենոք Գլակ, Համեմատական ուսումնասիրութիւն, Վիեննա, Մխիթարեան տպարան, 1893, 80 էջ:
17. Կարախսանյան Գ., Սաֆյան Պ., Սյունիքի ժայռապատկերները, Երևան, ՀՍՍՀ ԳԱ հրատ., 1970, 342 էջ:
18. Դամբարձումյան Դ.Ա., «Սասնա ծոերի» պատումների տիպաբանական խճբերն ու դրանց հատկանիշները, Թեկնածուական ատենախոսության սեղմագիր, Երևան, 2008, 23 էջ:
19. Հայկական «Սասնա ծոեր» էպոսն ու համաշխարհային էափիկական ժառանգությունը (գիտաժողովի նյութեր), Երևան, «Լիմուշ» հրատ., 2004, 118 էջ:
20. Հայկական «Սասնա ծոեր» էպոսն ու համաշխարհային էափիկական ժառանգությունը (գիտաժողովի նյութեր), Երևան, «Վան Արյան» հրատ. 2006, 200 էջ:
21. Դարությունյան Ս.Բ., Հայ ժողովրդական հանելուկներ, Երևան, ՀՍՍՀ ԳԱ հրատ., 1960, 72 էջ:
22. Դարությունյան Ս.Բ., Հայ ժողովրդական հանելուկներ, Երևան, ՀՍՍՀ ԳԱ հրատ., 1965, 392 էջ:
23. Դարությունյան Ս.Բ., Հայ առասպելաբանություն, Բեյրութ, Համազգային հրատ., 2000, 528 էջ:
24. Դարությունյան Ս.Բ., Հին հայոց հավատալիքները, կրոնը, պաշտամունքն ու դիցարանը, Երևան, «Մուղնի» հրատ., 2001, 58 էջ:
25. Դարությունյան Ս.Բ., Հայ հին վիպաշխարհը, Երևան, «Արևիկ» հրատ., 2004, 240 էջ:
26. Դարությունյան Ս.Բ., Մանուկ Աբեղյան: Կյանքն ու գործը, Երևան, ՀՍՍՀ ԳԱ հրատ., 1970, 670 էջ:
27. Դարությունյան Ս.Բ., Վիշապամարտը «Սասնա ծոեր»-ում, Լրաբեր հասարակական գիտությունների, N 11, Երևան, 1981, էջ 65-86:

28. Դարությունյան Ա.Բ., Բարթիկյան Յ.Ս., «Սասնա ծռերի» արձագանքները «Շարաֆ-Նամեռլմ», Պատմա-բանասիրական հանդես, Երևան, 1975, N 2, (69), էջ 90-105:
29. Դմայակյան Ա.Գ., Կուեռա-Կուառ աստվածության պաշտամունքը Դայկական լեռնաշխարհում, Պատմա-բանասիրական հանդես, N 1 (128), Երևան, 1990, էջ 152-168:
30. Ղանաղանյան Ա.Տ., Ավանդապատում, Երևան, ՀՍՍՀ ԳԱ հրատ., 1969, 530 էջ:
31. Ղանաղանյան Ա.Տ., Դրվագներ հայ բանագիտության պատմությունից, Երևան, ՀՍՍՀ ԳԱ հրատ., 1985, 293 էջ:
32. Մարտիրոսյան Յ.Ա., Դայաստանի նախնադարյան նշանագրերը և նրանց ուրարտա-հայկական կրկնակները, Երևան, ՀՍՍՀ ԳԱ հրատ., 1973, 83 էջ:
33. Մարտիրոսյան Յ.Ա., Նախնադարյան Դայաստանի արեգակնա-լուսնային տոմարը, Լրաբեր հասարակական գիտությունների, N 7, Երևան, 1973, էջ 23-41:
34. Մարտիրոսյան Յ.Ա., Գիտությունը սկսվում է նախնադարում, Երևան, «Սովետական գրող» հրատ., 1978, 207 էջ:
35. Մարտիրոսյան Յ.Ա., Գեղամա լեռների ժայռապատկերները, Երևան, ՀՍՍՀ ԳԱ հրատ., 1981, 127 էջ:
36. Մարտիրոսյան Յ.Ա., Խրայելյան Յ.Ռ., Գեղամա լեռների ժայռապատկերները, Երևան, ՀՍՍՀ ԳԱ հրատ., 1971, 67 էջ:
37. Մելիք-Օհանջանյան Կ., Միքոա-Միկրո «Սասնա ծռերի» մեջ, Երևան, ՀՍՍՀ ԳԱ հրատ., 1946, էջ 269-327:
38. Մնացականյան Աս.Ը., Դայկական միջնադարյան ժողովրդական երգեր, Երևան, ՀՍՍՀ ԳԱ հրատ., 1956, 672 էջ:
39. Մնացականյան Աս.Ը., «Թուխ մանուկ» հուշարձանների մասին, Պատմա-բանասիրական հանդես, Երևան, 1976, N 2, էջ 189-204:
40. Մնացականյան Աս.Ը., «Թուխ մանուկ» հուշարձանների մասին, Նատաշրջանի նյութեր, Երևան, «Դայաստան» հրատ., 2001, էջ 91-109:

41. *Նահապետյան Ռ.Ա.*, Աղձնիքահայերի ամուսնաընտանեկան սովորությներն ու ծեսերը, Երևան, ՀՀ ԳԱԱ հրատ., 2007, 303 էջ:
42. *Պետրոսյան Ա.Ե.*, Արամի առասպելը հնդեվրոպական առասպելաբանության համատեքստում և հայոց ազգածագման խնդիրը, Երևան, «Վան Արյան» հրատ., 1997, 208 էջ:
43. *Պետրոսյան Ա.Ե.*, Յայկական էպոսի հնագույն ակունքները, Երևան, «Վան Արյան» հրատ. 1997, 95 էջ:
44. *Պետրոսյան Ա.*, «Վահագնի Երգի» աքրոստիքոսների վերականգնման և վերծանման փորձ, Լրաբեր հասարակական գիտությունների, Երևան, 1981, N 4, էջ 78-88:
45. *Սահակյան Ա.Ը.*, «Սասնա ծոերի» պատումներ քննական համեմատություն, Երևան, ՀՍՍՀ ԳԱ հրատ., 1975, 188 էջ:
46. *Սահակյան Ա., Փակելամյան Ա.*, «Սասնա ծոեր» դիւցագնավեպ, Փասատենա, Դրազարկ հրատ., 1996, 110 էջ:
47. *Մրվանձոյանց Գ.*, Երկեր, հատոր 1, Երևան, ՀՍՍՀ ԳԱ հրատ., 1978, 409 էջ:
48. *Օռելի Դ.*, Յայկական հերոսական էպոսը, Երևան, ՀՍՍՀ ԳԱ հրատ., 1956, 140 էջ:
49. *Աբրամյան Լ.Ա.*, Первобытный праздник и мифология, Ереван, изд-во АН Армянской ССР, 1983, 232 с.
50. *Աբրամյան Լ.Ա.*, Об идее двойничества по некоторым этнографическим и фольклорным данным, Историко-филологический журнал, Ереван, 1977, N 2 (77), с. 177-190.
51. *Աբրամյան Լ.Ա.*, Змей у источника, "Историко-этнографические исследования по фольклору", сборник статей памяти С. А. Токарева, Москва, изд-во "Восточная литература" РАН, 1994, с. 20-33.
52. *Աբրամյան Լ.Ա.*, Мир мужчин и мир женщин: расхождение и встреча, Этнические стереотипы мужского и

- женского поведения, АН СССР, Институт этнографии им. Н.Н. Миклухо-Маклая, Санкт-Петербург, изд-во "Наука", 1991, с. 109-132.
53. *Абрамян Л.А.*, Христос как змееборец: Церковная традиция и память художника, Мифологические представления в народном творчестве, сборник статей, Москва, 1993, с. 165-179.
54. *Абрамян Л.А., Демирханян А.Р.*, Мифологема близнецов и Мировое дерево, Историко-филологический журнал, Ереван, 1985, N 4 (III), с. 66-84.
55. *Айвазян К.Б.*, "История Тарона" и армянская литература IV-VII веков, Ереван, изд-во Ереванского университета, 1976, 408 с.
56. *Арутюнян С.Б.*, Мифологический образ солнца в загадке о лампаде, Историко-филологический журнал, Ереван, 1976, N1 (72), с. 237-242.
57. *Гютербок Г.Г.*, Хеттская мифология, "Мифология древнего мира", Москва, изд-во "Наука", 1977, с. 161-198.
58. *Дюмезиль Ж.*, Верховные боги индоевропейцев, Москва, изд-во "Наука", 1986, 234 с.
59. *Елизаренкова Т.Я., Топоров В.Н.*, Древнеиндийская поэтика и её индоевропейские источники, "Литература и культура древней и средневековой Индии", сборник статей, Москва, изд-во "Наука", 1984, с. 42-56.
60. *Золотарев А.М.*, Родовой строй и первобытная мифология, "Советская археология", Москва, изд-во "Наука", 1964, 328 с.
61. *Иванов В.В.*, Близнечный культ и двоичная символическая классификация в Африке, // Africana. Африканский этнографический сборник, XI, Ленинград, изд-во "Наука", 1978, с. 214-246.
62. *Иванов В.В.*, Дуальная организация первобытных народов и происхождение дуалистических космогоний

- (рецензия на кн. *Золотарев А.М.*, Родовой строй и первобытная мифология, "Советская археология", Москва, изд-во "Наука", 1968, N 4, с. 276-287.
63. *Иванов В.В.*, Опыт истолкования древнеиндийских ритуальных и мифологических терминов, образованных от *a'sva* - "конь", // "Проблемы истории языков и культуры народов Индии", сборник статей, памяти В. С. Воробьева-Десятовского, Москва, изд-во "Наука", 1974, с. 127-138.
64. *Иванов В.В.*, Отражение индоевропейской терминологии близнечного культа в балтийских языках, Балто-славянский сборник, Москва, изд-во "Наука", 1972, с. 193-205.
65. *Иванов В.В., Топоров В.Н.*, Исследования в области славянских древностей, Москва, изд-во "Наука", 1974, 342 с.
66. *Каруновская Л.Э.*, Вопросы истории доклассового общества, Москва-Ленинград, 1936, с. 354-359.
67. *Канаев И.И.*, Близнецы, Москва-Ленинград, изд-во АН СССР, 1959, 383 с.
68. *Кейпер Б.Я.*, Труды по ведийской мифологии, Москва, изд-во "Наука", 1986, 196 с.
69. *Липинская Я., Марциняк М.*, Мифология Древнего Египта, Москва, изд-во "Искусство", Москва, 1983, 223 с.
70. *Матье М.Э.*, Древнеегипетские мифы, Москва, изд-во АН СССР, 1956, 176 с.
71. *Мелетинский Е.М.*, Поэтика мифа, Москва, изд-во "Наука", 1976, 406 с.
72. *Марр Н.*, Книжная легенда об основании Киева на Руси и Куара в Армении, Заметки яфетическим клинописям, Известия Российской академии истории материальной культуры, III, N 11-12, 1924, с. 273-279.

73. *Мкртчян Л.М.*, Героико-патриотический эпос армянского народа//Давид Сасунский: Армянский народный эпос, Ереван, изд-во "Аревик", 1988.
74. Мифология древнего мира, "Наука", Москва, 1977, 456с.
75. *Петросян А.Е.* Отражение индоевропейского корня *uel – в армянской мифологии, "Вестник общественных наук АН Арм. ССР", Ереван, 1987, N 1 с. 56-70.
76. *Петросян А.Е.* Армянский эпос и мифология, Ереван, изд-во АН, 2002, 240 с.
77. *Плутарх*, Об Исиде и Осирисе, 12 тракт., "Вестник древней истории", 1977, N 3, с. 254-258, N 4, с.231-249.
78. *Ревуненкова Е.В.*, Магические жезлы батаков, Суматры, сборник Музея антропологии и этнографии, т. 29, Ленинград, изд-во "Наука", 1973, с. 183-200.
79. *Ревуненкова Е.В.*, Миф о батакском жреческом жезле, Народы Малайзии и Западной Индонезии, Москва, изд-во "Наука", 1980, 274 с.
80. Ригведа, Избранные гимны, перевод, комментарии и вступительная статья Т.Я. Елизаренковой, Москва, изд-во "Наука", 1972, 418 с.
81. *Тэрнер В.*, Символ и ритуал, Москва, изд-во "Наука", 1983, 277 с.
82. *Фрезер Дж.*, Золотая ветвь, Москва-Ленинград, изд-во "Политическая литература", 1931, 830 с.
83. *Фридрих В.*, Близнецы, Москва, изд-во "Прогресс", 1985, 216 с.
84. *Штернберг Л.Я.*, Культ близнецов в Китае и индейские влияния, сборник Музея антропологии и этнографии, т. VI, Ленинград, 1927, с. 3-75.
85. *Штернберг Л.Я.*, Античный культ близнецов при свете этнографии// *Штернберг Л.Я.*, Первобытная религия в свете этнографии, Ленинград, 1936, с. 75-170.

86. **Kuhn, M**, Zwillingsforschung in Deutschland. Diss, Erlangen- Nürnberg, 1972, 102 s.
87. **Mohr, H**, Mißbildungen bei Zwillingen. In. P.Frich u.a. (Hrsg). Ergebnisse der Inneren Medizin und Kinderheilkunde. Berlin Heidelberg, New York, 1972, 180 s.
88. **Word O.**, The divine twins, Berkeley-Los Angeles, 1968, 362 p.
89. **Widengren Geo**, Die Religionen Irans, Stuttgart, 1965, 393 s.

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ	5
ԳԼՈՒԽ ԱՌԱՋԻՆ ԵՐԿՎՈՐՅԱԿՆԵՐԻ ՄԻԶԱԳԳԱՅԻՆ ԱՌԱՍՊԵԼՆԵՐԻ ԸՆԴՀԱՆՈՒՐ ՀԱՏԿԱՆԻԾՆԵՐԸ	14
ԳԼՈՒԽ ԵՐԿՐՈՐԴ ԵՐԿՎՈՐՅԱԿՆԵՐԻ ՀԱՎԱՏԱԼԻՔԻ ՈՒ ՊԱՇՏԱՄՈՒՆՔԻ ՉԵՏՔԵՐԸ ՀԱՅԿԱԿԱՆ ԼԵՌՆԱՇԽԱՐՔԻ ՀԻՆ ՆՅՈՒԹԱԿԱՆ ՄՇԱԿՈՒՅԹԻ ՀՈՒՇԱՐՁԱՆՆԵՐՈՒՄ	32
ԳԼՈՒԽ ԵՐՐՈՐԴ ԵՐԿՎՈՐՅԱԿՆԵՐԻ ԱՌԱՍՊԵԼԸ ՀԱՅ ՄԻԶԱԴԱՐՅԱՆ ՎԻՊԱԿԱՆ ՀՈՒՇԱՐՁԱՆՆԵՐՈՒՄ	46
Ա. Երկվորյակների առասպելը «Վիպասանք» առասպելաբանական վեպում	46
Բ. Երկվորյակների առասպելը «Պարսից պատերազմի» հորինվածքում	60
Գ. Երկվորյակների առասպելը «Տարոնի պատերազմում»	65
Դ. Երկվորյակները «Սասնա ծրերում»	83
1. Սանասարի և Եղբոր վիպական գրույցները	88
ա. Մոկաց տիպաբանական խումբ	88
բ. Մշո տիպաբանական խումբ	101
գ. Սասնա տիպաբանական խումբ	107
2. Ղավթի և Մսրա Մելիքի վիպական դրվագները	117
ՎԵՐՋԱԲԱՆ	130
РЕЗЮМЕ	134
RESUME	137
ՕԳՏԱԳՈՐԾԱԾ ԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ	140

[1500 լր.]

ԼՈՒՍԻՆԵ ԽԱԶԱՏՈՒՐԻ ԴՐԵՁԱՆ

ԵՐԿՎՈՐՅԱԿՆԵՐԻ ԱՌԱՍՊԵԼԸ ԵՎ ԴՐԱ ՏԱՐԲԵՐ
ԴՐԵՎՈՐՈՒՄՆԵՐԸ ՀԱՅ ՎԻՊԱԿԱՆ ԱՎԱՆՊՈՒԹՅԱՆ
ՀԱՄԱԿԱՐԳՈՒՄ

Համակարգչային շարվածքը՝

Մ. Դ. Խեմչյանի

Համակարգչային ձևավորումը՝

Ս.Բ. Հակոբյանի

Հրատ. պատվեր N 349

Հանձնված է արտադրության 10.01.2012 թ.:

Չափսը՝ 60x84¹/₁₆: Թուղթը՝ N 1 օֆսեթ.

9.5 տպ. մամուլ: Տպաքանակը՝ 400 օրինակ:
Գինը՝ պայմանագրային

ՀՀ ԳԱԱ «Գիտություն» հրատարակչության տպարան,
Մարշալ Բաղրամյան, 24

ԳԱԱ Հիմնարար Գիտ. Գրադ.



FL0188837

A II
97506